

**Kalaallit Nunaanni pinerluttulerinermi inatsisip aamma Kalaallit
Nunaanni eqqartuussisarnermik inatsisip allanngortinneqarnissaat
pillugu inatsisissatut siunnersuut**

(Digitalimik kanngunarsaanerit akiorneqarnissaannut suliniutit, tassunga
ilagitillugit isumapiloqarnek tunngavigalugu tatiginnilersitsiniaanerup
(grooming) inerteqqutaanera, meeqqamik atoqateqarnerup
pinngitsuusaarluni atoqateqarneq, pinngitsuusaarluni atoqateqarneq,
upperisarsiortut aqutsisuisa atoqateqarniarlutik upperisaminnik
pinngitsuuisinnaanngitsunik atornerluineri il. il.)

§ 1

Kalaallit Nunaanni pinerluttulerinermi inatsimmi, tak. inatsimmut
nalunaarut nr. 1187, 18. september 2023-meersoq, allanngortinneqartoq
inatsisikkut nr. 1782, 28. december 2023-meersumi § 1-ikkut, tulliuttut
allanngortinneqassapput:

1. § 77, imm. 1-imi, oqaaseqatigiit 2.-tut ilanngunneqassaaq:

»Inummik pinerluttuliortumik allaasorinnineq tunngavigalugu
pinngitsuusaarluni atoqatiginnittumut allatulluunniit kinguaassiuutitigut
atornerluisumut tamanna aamma atuuppoq.«

2. § 77, imm. 2-mi, oqaaseqatigiit 2.-tut ilanngunneqassaaq:

»Inummut 22-nik ukioqalereersimasumut aamma meeqqamik 15-it
inorlugit ukiulimmik atoqateqartumut allatulluunniit kinguaassiuutitigut
atornerluisumut tamanna aamma atuuppoq.«

3. § 78, imm. 2-mi oqaaseqatigiit 2.-tut ilanngunneqassaaq:

»Atoqateqarniarluni allatulluunniit kinguaassiuutitigut atonerluiniarluni, upperisarsiortut aqutsisuata, taassumalu ilagiivini ilaasortaasup akornanni inuup pisariaqartitsineranik imaluunniit pinngitsuuisinnaanani atassuteqarneranik, upperisarsiortut aqutsisuata ilaasortamik ingasattumik atonerluineranut tamanna aamma atuuppoq.«

4. § 80, *imm.* 2-mi, »allatulluunniit atoqateqarnikkut pissusilersortoq«-p kingorna ilanngunneqassaaq: »atassuteqarnerit kanngunarsaataasut atorlugit pitaalliorluni kanngunarsaasoq«.

5. § 81-p kingorna ilanngunneqassaaq:

»§ 81 a. Pinerluttuliorlutup pinerlineqartumut kinguaassiuutitigut imminut iliuuseqartitsineranut aalajangersakkat §§ 77-imiit 81-imut assinganik atuutissapput.«

6. § 82, *imm.* 1-imi, »pornografiimik« imatut allanngortinneqassaaq: »kinguaassiuutitigut«.

7. § 82-ip kingorna ilanngunneqassaaq:

»§ 82 a. Isumapiloqarneq tunngavigalugu tatiginnilersitsiniaasoq (groomer) eqqartuunneqassaaq, pinerlineqartup ukiui ilisimallugit, imaluunniit tamatumunnga tunngatillugu mianersuaalliorluni iliuuseqartoq, inuk, systematiskimik imaluunniit uukapaatitsilluni ukiuni misilittakkanilu atonerlullugit pisinnaatitaanani allanit pitsaanerusutut naleqarnerusutulluunniit imminut isigaluni, pinerlineqartup kinguaassiuutitigut pinerluttuliorfiginissaa siunertaralugu inummut 18-it inorlugit ukiulimmut attaveqarnermik ineriartortitsisoq.«

8. § 85, *imm.* 1-imi »Pornografiimik meeqqanut tunngasumik« imatut allanngortinneqassaaq: »inummit inuusuttumik kinguaassiuutitigut kanngunarsaanermut tunngassuteqartunik siaruarterinerit« aamma »assinik imaluunniit filmilianik assigisaanilluunniit takusassianik pornografiinik siaruarterisoq« imatut allanngortinneqassapput: »atortussat inummut

kinguaassiuutitigut kanngunarsaanermut tunngassuteqartut, soorlu assit, filmiliat, atortussallu allat assilillugit takusassiassanngorteqqitat,«.

9. § 85, *imm.* 2-mi, »Taamatuttaaq pineqassaaq« imatut allanngortinneqassaaq: »Inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, aamma »assit pornografiit imaluunniit filmiliat, atortussanik inunnut kinguaassiuutitigut innarliinermut tunngassuteqartunik takusassianik allanik assigisaannilluunniit assilillugit sanaqqiinerit« imatut allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.

10. § 85, *imm.* 3-mi »assit, filmiliat assigisaalluunniit« imatut allanngortinneqassaaq: »atortussat inunnut kinguaassiuutitigut kanngunarsaanermut tunngassuteqartut«.

11. § 85, *imm.* 4-mi »assinik pornografiinik, filminik assigisaanilluunniit« imatut allanngortinneqassaaq: »atortussat inunnut kinguaassiuutitigut kanngunarsaanermut tunngassuteqartut, soorlu assit, filmiliat assigisaalluunniit«.

12. § 93, *imm.* 1-imi aamma 2-mi, »pornografiinik« imatut allanngortinneqassaaq: »assit imaluunniit atortussat inunnut kinguaassiuutitigut kanngunarsaanermut tunngassuteqartut, soorlu« aamma »pornografiimik« imatut allanngortinneqassaaq: »kinguaassiuutitigut«.

§ 2

Kalaallit Nunaanni eqqartuussisarnermik inatsimmi, tak. inatsimmut nalunaarut nr. 1186, 18. september 2023-meersoq, allanngortinneqartoq inatsisikkut nr. 1781, 28. december 2023-meersukkut, inatsimmi nr. 1782,

28. december 2023-meersumi § 2-kkut aamma inatsimmi nr. 1794, 28. december 2023-meersumi § 4-kkut, tulliuttut allanngortinneqassapput:

1. § 333, *imm. 1, oqaaseqatigiit. 1.-imi, »77-81,«-ip* kingorna ilanngunneqassaaq: »§ 81 a, tak. §§ 77-81, § 82 a,«, aamma *oqaaseqatigiit 2.-mi, »§§ 74 aamma 77-81«* imatut allanngortinneqassaaq: »§ 74, §§ 77-81, § 81 a, tak. §§ 77-81 aamma § 82 a«.

2. § 384, *imm. 1, nr. 3-mi, § 385, stk. 1, nr. 3-mi* aamma § 386, *nr. 3-mi »børnepornografi«* imatut allanngortinneqassapput: »inuusuttumut tunngasunik atoqateqarnermut tunngasutilinnik siammarterineq«.

§ 3

Inatsit ulloq 1. juli 2024 atuutilissaaq.

Inatsisissatut siunnersuummut oqaaseqaatit

Oqaaseqaatit nalinginnaasut

Imarisat allattorsimaffiat

1. Aallaqqaasiut

12

2.1. Isumapiloqarneq tunngavigalugu tatiginnilersitsiniaaneq (grooming)

12

2.1.2. Digitalimik kanngunarsaa14

2.1.3 Justitsministeriap isumaliutiginninnera

22

2.2. Piumangitsumut imminut kinguaassiuutitigut iliuuseqartitsi22

23

2.2.2. Digitalimik kanngunarsaanerit pillugit suleqatigiissitat isumaliutiginninnerat

2.2.3. Justitsministeriap isumaliutiginninnera

31

2.3. Isumapiloqarneq tunngavigalugu tatiginnilersitsiniaanermik (grooming) aamma piumanani imminut kinguaassiuutitigut iliuuseqartitsinernit pinerlineqartunut illersuisumik ivertitsineq

35

2.3.2. Justitsministeria38

38

2.4 Inunnik 18-it inorlugit ukiulinnut, pinerluttuliortup ilinniartitassatut perorsagassatulluunniit paarisatut tatigineqarluni tigummiaanik il. il. kanngutsaatsuliorneq

39

2.4.2. Digitalimik kanngunarsaanerit pillugit suleqatigiissitat isumaliutiginninnerat

2.4.3 Justitsministeriap isumaliutiginninnera

2.4.4 Aaqqissuussineq siunnersuutigineqartoq

2.5. Pinerluttulerinerimi inatsimmi § 82, imm. 1-imi, § 85, imm. 1-imi, 2-mi aamma 4-mi, aamma § 93, imm. 1-imi aamma 2-mi aamma eqqartuussisarnermik inatsimmi § 384, imm. 1, nr. 3-mi, § 385, imm. 1, nr. 3-mi aamma § 386, nr. 3-mi oqaatsinik atuinerup nutarterneqarnera

2.5.1 Inatsisit atuuttut

2.5.2. Digitalimik kanngunarsaanerit44

2.5.3. Justitsministeria45

2.6. Pinngitsuusaarluni atoqateqarnerup allatulluunniit kinguaassiuutitigut atassuteqarnerup pinngitsaaliinermut naligiissinneqarnera

2.6.1. 47

2.6.2. Justitsministeria49

50

51

2.7.1. 51

51

2.7.1.2 Meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pillugu pinerluttulerinerimi inatsimmi § 79

2.7.1.3. 53

2.7.2. Justitsministeria53

55

2.8. Upperisarsiornikkut pinngitsuuisinnaannginnermik55

2.8.1. 55

2.8.2. Justitsministeria59

61

3. Naalagaaffiit Peqatigiit nunarsuarmut anguniagaasa naammassineqarnissaasa62

4. Naligiissitaanermut tunngasut kinguneri

63

6. Inuussutissarsiortunut il. il. aningaasaqarnikkut aamma allaffissornikkut64

7. Fejl! Bogmærke er ikke defineret.

8. Silap pissusianutFejl! Bogmærke er ikke defineret.

9. Avatangiisinut aamma pinngortitamut64

10. EU-mi inatsisin64

11. Oqartussa qarfiit aamma suliniaqatigiiffiit il. 64

12. 64

1. Aallaqqaasiut

Qanittumik aamma aaqqiissutissiinissaq sammivigalugu Danskit Naalackersuisui Kalaallit Nunaannik suleqatiginninnissamik kissaateqarput. Taamaammat ilaatigut Kalaallit Nunaanni Danskit akisussaaffigalugit suliassa qarfiini tamanut atugassiat Danmarkimi tamanut atugassianik malinninnissaat – nunat akornanni pissutsit assigiinngissutillu ataqqillugit – Naalackersuisunit sulissutigineqarput.

Suliamut tassunga ilagitillugu, Naalackersuisut kissaateqarnerat malillugu, inatsisissatut siunnersuut Justitsministeriap suliarisimavaa, taannalu pinerluttulerinermi inatsimmi kinguaassiuutitigut pinerluttuliornerit pillugit kapitali 18-imi allanguutinik arlalinnik ima qarpoq, matumani isumapiloqarneq tunngavigalugu tatiginnilersitsiniaaneq (grooming) pillugu inerteqquteqarneq, meeqqamik atoqateqarnerup pinngitsaaliinermut naligiissinneqarnera, pinngitsuusaarluni atoqateqarnerup pinngitsaaliinermut naligiissinneqarnera, aamma atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata upperisarsiortut pisariaqartitsinerannik imaluunniit pinngitsuuisinnaannginnerannik atonerluinerata pinerluutinngortinneqarnera.

Digitalimik innarliinerit assersuutigalugu kinguaassiuutitigut imaluunniit atortussat innarliinermut atorneqartut allat atorlugit avitseqatigiinnerit, digitalimik ineriartornerup kingunerisaanik annertusiartortumik ajornartorsiutinngorput aamma tassaallutik amerlavallaanut, ingammik meeqqanut inuusuttunullu, kissaatigineqanngitsumik atugarineqartartut. Tamatuma peqatigisaanik interneti soqutiginnilersitsisunik, suliniuteqarfiusunik assigisaannillu aallaavinnik pilersitsisimavoq, taakkualu inersimasut, meeqqat inuusuttullu kinguaassiuutitigut innarlerneqarnissaat siunertaralugu, meeqqanik inuusuttunillu eqqortiasinnaasunik ajornannginnerujussuarmik attaveqarsinnaanngortissimavaat. Taamaattoqarnerata saniatigut, ingammik meeqqat inuusuttullu sextortion-imik taaneqartartumik atugaqartinneqartartut pillugit assersuutissa qarpoq, tassani mattaangalluni

assit assigisaalluunniit avitseqatigiissutigineqarnissaat siorasaarutigalugu meeqqat inuusuttullu pinngitsaalineqartarlutik.

Danskit pillaasarnermik inatsisaanni allannguutit marluk inatsisissatut siunnersuutip tunngavigai, taakkuua ilaatigut tassaapput pillaasarnermik inatsisip il. il. allanngortinneqarneri pillugit inatsimmi nr. 226, 15. februar 2022-imeersumi (meeqqanut kinguaassiuutitigut innarliisarnarit akiorniarlugit suliniutit patajaallisarneqarnerat aamma kinguaassiuutitigut innarlerneqarnermik eqqugaasunut siunnersuisarnerup patajaallisarneqarnera), ilaatigullu tassaalluni pillaasarnermik inatsisip aamma eqqartuussisarnermik inatsisip allanngortinneqarneranik inatsit nr. 741, 13. juni 2023-imeersoq (Digitalimik kanngunarsaanerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup grooming) inerteqqutinngortinneqarnera, pinngitsuusaarluni atoqateqarnerup pinngitsaaliinermut naligiissinneqarnera, atoqateqarniarluni allatulluunniit kinguaassiuutitigut atassuteqarniarluni upperisarsiorlut aqutsisuata upperisarsiorlut pisariaqartitsinerannik imaluunniit pinngitsuuisinnaannginnerannik atornerluineq il. il.). Kingullertut allannguut taaneqartoq Digitalimik kanngunarsaanerit pillugit suleqatigiinnit suliarineqarpoq. »Politiit unnerluussisussaataitaasullu aningaasaqarnerat pillugu 2021-imiit 2023 ilanngullugu isumaqatigiissut« pillugu partiit isumaqatigiissuteqartut digitalimik kanngunarsaanerit akiorniarlugit suliniutit patajaallisarneqarnissaat isumaqatigiissutigaat. Tamanna tunuliaqutaralugu digitalimik pinerluttuliortarnerit pillugit suleqatigiissitat pilersinneqarput suleqatigiissitarlu Justitsministeriamit, Rigsadvokatimit, Rigspolitiinit, ilisimatusarfinit, Dommerforeningimit, Advokatsamfundimit aamma Danske Advokatinit, Red Barnetimit, Digitalt Ansvarimit aamma Børns Vilkårimit peqataaffigineqarpoq.

Digitalimik ineriartornerup kinguneranik Danmarkimi unammilligassat assinginik Kalaallit Nunaanni unammilligassaqalersoq Justitsministeriap nalilerpaa, soorlu aamma tamatuma saniatigut Kalaallit Nunaanni kinguaassiuutitigut innarliisarnarit akiorniarlugit suliniutit

patajaallisarneqarnissaat pisariaqartoq nalilerneqartoq. Tamakkua tunngavigalugit pinerluttulerinermi inatsimmi allannguutit tulliuttut siunnersuutigineqarput:

Siullertut grooming-imik taaneqartartoq pillugu aalajangersakkamik immikkut ittumik atuutilersitsinissaq, siunnersuutigineqarpoq. Isumapiloqarneq tunngavigalugu tatiginnilersitsiniaaneq (grooming) imatut paasineqassaaq, pisoq imaattoq, kinguaassiuutitigut pineqartumut kanngutsaatsuliornissaq imaluunniit innarliinissaq imaluunniit mattaangalluni assinik imaluunniit assinik tiingasulersaarutitik nassiussinissaanut meeqqap imaluunniit inuusuttuaqqap ussassaarnissaa, siunertaralugu inuk meeqqamat inuusuttuaqqamulluunniit tatigeqatigiinnermik pilersitsisoq. Isumapiloqarneq tunngavigalugu tatiginnilersitsiniaaneq (grooming) pillugu aalajangersakkamik nutaamik ilanngussisoqarnissaanut uiggiutitut, suliani isumapiloqarneq tunngavigalugu tatiginnilersitsiniaanermut (grooming), tunngassuteqartuni, pinerlineqartoq, kinguaassiuutitigut pinerluttuliornerni pisartut allat assigalugit, eqqartuussisarnermik inatsimmi § 333 malillugu illersuisoqarnissamat periarfissinneqarnissaq.

Aappaatut pinerluttuliortup qitornassarisaanik imaluunniit qitornarsiarisaanik imaluunniit ilinniartitassatut perorsagassatulluunniit assigisaanilluunniit tatigineqarluni paarisaanut, inunnut 18-it inorlugit ukiulinnut, kinguaassiuutitigut atassuteqarnermut, taamaalilluni siunissami aammattaaq kanngutsaattuliorfiginninnerup ilaatinneqalernissaanik, pinerluttulerinermi inatsimmi inerteqqummik annertusaanissaq siunnersuutaavoq. Assersuutigalugu siunissami atuartup ilinniartitsisuminit kanngutsaatsuliorfigineqarnermik iliuseqarfigineqarnerani atuartup akuersissuteqaqqaarsimaneq pinngitsuititsissutaasussaajunnaassasoq allannguinerup ilaatigut kingunerissavaa.

Pingajuattut atoqatigiinneq aamma atoqatigiinnermit tiingasulersaarutini pissutsit allat pillugit taamaalillutik siunissami kinguaassiuutitigut iliuitsit, pinerluttuliortup pinerlineqartumut siorasaarneqarluni imminut iliuseqartitsineranut tunngassuteqartut ilaaterlugit, matumani sextortion-imik taaneqartartoq ilaaterlugu, pinerluttulerinermi inatsimmi aalajangersakkanik annertusaanissaq, siunnersuutaavoq. Assersuutigalugu

eqqugaasup kinguaassiornermut tunngasut pillugit imaluunniit inummut tunngalluinnartut assit video-liallu siammarterneqarnissaat siorasaarutigalugu – pinerlineqartup kinguaassiuutitigut imminut iliuseqarnissaanut pinerluttuliortup peqqusineranik kinguneqartut, siunissami pinerluttulerinermi inatsimmi pinngitsaaliineq, kinguaassiuutitigut atornerluineq, meeqqanut kinguaassiuutitigut atassuteqarneq aamma alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit inummik kajungilersitsiniaaneq pillugit aalajangersakkanut ilaatinneqalernerat atuuffiup annertunerulersinneqarnerata ilaatigut kingunerissavaa. Iliuutsit taamaattut ullumikkut nalinginnaasumik inatsisit unioqqutillugit pinngitsaaliinertut aamma kanngutsaatsuliorfiginninertut pinerluutinngortinneqartarput. Tassunga uiggiullugu pinerlineqartut suliani taamaattuni ilaatinneqartut, pinerlineqartut kinguaassiuutitigut pinerluttuliorneq pillugu suliani allani pinerlineqartut assigalugit, eqqartuussisarnermik inatsimmi § 333 malillugu illersuisoqartinneqarnissaat siunnersuutigineqarpoq.

Sisamaattut pinerluttulerinermi inatsimmi oqaatsinik atuinerup nutarsarneqarnissaa, taamaalilluni »porno meeqqanik inuttalersugaq (børnepornografi)« aamma atortut »pornografisk-it« meerartallit, siunissami meerartalinnik »kinguaassiuutitigut« atortutut taaguuteqalersinnissaat, siunnersuutaavoq.

Tallimaattut pinerluttuliortoq 22-nik ukioqalereersimappat, meeqqamik 12-niit 14-it ilanngullugit ukioqartumik atoqatiginninneq allatulluunniit kinguaassiuutitigut atassuteqarneq pinngitsaaliinertut pinerluutinngortinneqassasoq siunnersuutigineqarpoq. pinerluttuliortup ukiui apeqqutaatinnagit, meeqqamik 12-it inorlugit ukiulimmik atoqatiginninneq aamma allatut kinguaassiuutitigut atassuteqarneq allanngortinnagu pinngitsaaliinertut pinerluutaassaaq.

Arferngattut eqqunngitsumik paasissutissiilluni inuup pinerluttumik allaasorinninnera tunngavigalugu pinngitsuusaarluni inummik atoqatiginninneq allatulluunniit kinguaassiuutitigut atassuteqarneq pinngitsaaliinertut pinerluutinngortinneqarnissaa siunnersuutigineqarpoq.

Arfineq aappaattut inuup sulinermut, aningaasaqarnermut, katsorsarneqarneqarnermulluunniit imaluunniit paaqqutarineqarnissamut atatillugu pinngitsuuisinnaangitsup, pineqartumik atoqatiginninnissaq allatulluunniit kinguaassiuutitigut atassuteqarnissaq anguniarlugu, ingasattumik atornerlunneqarnera pillugu pinerluttulerinermi inatsimmi inerteqquteqarnerup annertusineqarnissaa, taamaalilluni upperisarsiortut aqutsisuata ilagiinnilu ilaasortap akornanni pinngitsuuisinnaajunnaarluni atassuteqarneq piusinnaasoq, ilaasortamik atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata ingasattumik atornerluppagu, taamaaliornerup pinerluutinngortinneqarnissaa siunnersuutigineqarpoq.

2. Inatsisissatut siunnersuummi immikkoortut pingaarnerit

2.1. Isumapiloqarneq tunngavigalugu tatiginnilersitsiniaaneq (grooming)

2.1.1. Inatsisit atuuttut

Isumapiloqarneq tunngavigalugu tatiginnilersitsiniaaneq (grooming) pisutut inuup, pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik mattaangasulinnik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut tatiginnilernissamik ineriartortitsineratut paasineqassaaq.

Ullumikkut pinerluttulerinermi inatsit isumapiloqarneq tunngavigalugu tatiginnilersitsiniaaneq (grooming) pillugu immikkut ittumik aalajangersakkamik imaqanngilaq.

Taamaattoq isumapiloqarneq tunngavigalugu tatiginnilersitsiniaaneq (grooming) pissutsit malillugit pinerluttulerinermi inatsimmi aalajangersakkani allani unioqqutitsinerusinnaavoq, assersuutigalugu soorlu kinguaassiuutitigut innarliinissamik misiliinermi, kanngutsaatsuliorfiginninnermi imaluunniit inummik 18-it inorlugit ukiulimmik pornografiskinik atortussanik inummut kinguaassiuutitigut innarliinermut tunngassuteqartunik immiussinermi, pigisaqarnermi imaluunniit siammarterinermi.

Isumapiloqarneq tunngavigalugu tatiginnilersitsiniaaneq (grooming) assersuutigalugu pissutsit malillugit pinerluttulerinermi inatsimmi § 77, imm. 2-mik, imaluunniit § 79-imik unioqqutitsinertut eqqartuussaassutigineqarsinnaavoq, taakkuanani meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluutinngortinneqarput.

Meeqqamik atoqateqarnissaq allatulluunniit kinguaassiuutitigut atassuteqarnissaq anguniarlugu inuk meeqqamik 15-it inorlugit ukiulimmik naapeqatiginninniarluni isumaqatigiissusiortoq, taamaalilluni pissutsit malillugit pinerluttulerinermi inatsimmi aalajangersakkat taaneqartut unioqqutinneqarnissaannik misiliisutut § 12 malillugu eqqartuunneqarsinnaassaaq. pinerluttuliortoq kinguaassiuutitigut innarliinissaq siunertarlugu, meeqqamik 15-it inorlugit ukiulimmik atassuteqarsimappat, taamaalilluni isumapiloqarneq tunngavigalugu tatiginnilersitsiniaanerup (grooming) ingerlanneqarnerani siusissumi, pinerluttuliortup siunertaqarluni attaveqarnerup malitsigisaanik meeqqamut kinguaassiuutitigut pinerluuteqarniarnera uppersarsineqarsinnaappat, ukiukitsumik atoqatiginninniarnermik misiliinertut oqaatigineqarsinnaavoq eqqartuussutigineqarsinnaallunilu.

Tamatuma saniatigut pinerluttulerinermi inatsimmi § 84, imm. 1 malillugu pissutsit malillugit isumapiloqarneq tunngavigalugu tatiginnilersitsiniaaneq (grooming) assersuutigalugu kanngutsaatsuliorfiginninnertut pinerluutinngortinneqarsinnaassaaq. Aalajangersagaq taanna malillugu pinerluttuliortoq kanngunartumik pissusilersornikkut inniminassutsimik innarliisutut eqqartuunneqarsinnaavoq.

Pinerluttuliortup meeqqamik inuusuttumilluunniit atassuteqarneranut atatillugu meeraq inuusutorluunniit assinik tmattaangasulinnik imaluunniit kinguaassiuutitigut tunngassuteqartunik nassiussitippagu, pissutsit malillugit taamaaliorneq pinerluttulerinermi inatsimmi § 85 imm. 2 malillugu tamanna eqqartuussissutaasinnaavoq. Inuit 18-it inorlugit ukiullit pillugit pornografiskinik assinik filminilluunniit, assinik imaluunniit atortussanik inunnut kinguaassiuutitigut innarliinermut tunngassuteqartunik allanik pornografiskinik assigisaannilluunniit

takusassianik assilillugit sanaqqiinerit pillugit, piginnittoq imaluunniit akiliilluni imaluunniit interneti systemiluunniit assingusoq paasissutissanik siammarterutaasoq atorlugu ilisimasaqalersoq, aalajangersagaq taanna malillugu eqqartuunneqassaaq.

Pinerluttulerinermi inatsimmi aalajangersakkanik unioqutitsinermi pineqaatissiineq, matumani pinerluttulerinermi inatsimmi kinguaassiuutitigut pinerluttuliornerit pillugit kapitali ilanngullugu, aallaaviatigut siunertaqarsimanissamik piumasqaateqarfiuvoq. pinerlineqartup ukiua, iliuutsip imaanik naammassinninnissamut piumasqaataappat, soorlu tamanna ilaatigut pinerluttulerinermi inatsimmi § 72, imm. 2-mi takuneqarsinnaasoq, taamaalilluni aamma pinerlineqartup ukiut aalajangersimasut ataallugit ukioqarnera pillugu pinerluttuliorortoq siunertaqarsimassaaq.

Kisianni pisumi, pinerluttuliorortoq taamaallaat meeqqap ukiuanut tunngatillugu mianersuaalliorlumik iliuuseqarsimappat, taamaaliornerup aalajangersakkap taassuma inerteqquteqarfianut ilaanera pinerluttulerinermi inatsimmi § 79-ip malitsigaa.

2.1.2. Digitalimik kanngunarsaanerit pillugit suleqatigiissitat isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsit nr. 741,-ikkut 13. juni 2023-imeersukkut (Digitalimik kanngunarsaanerit akiornialugit suliniutit, matumani isumapiloqarneq tunngavigalugu tatiginnilersitsiniaaneq (grooming) pillugu inerteqquteqarneq, pinngitsuusaarluni atoqateqarnerup pinngitsaaliinermut naligiissinneqarnera, atoqateqarnissamik il. il. pissarsiniarluni upperisarsiortut aqutsisuata upperisarsiornermik pinngitsuuisinnaannginnermik atorerluinera) Danskitt pillaaasarnermik inatsisaanni digitalimik isumapiloqarneq tunngavigalugu tatiginnilersitsiniaaneq (grooming) pillugu aalajangersakkamik (§ 231) ilanngussisoqarpoq. digitalimik kanngunarsaanerit pillugit suleqatigiissitap innersuussinera malillugu ilanngunneqarpoq.

Interneti ullumikkut meeqqat inuusuttullu inooqatigiinnut tunngassuteqartumik silarsuaanni ilaalluinnartoq, aamma taanna inunnik nalunngeriikkanik attaveqarnermut inunnillu nutaanik naapitsinissamut atorveqartartoq, digitalimik kanngunarsaanerit pillugit suleqatigiissitamit nalunaarusiami qupperneq 56-imiit atuarneqarsinnaavoq.

Kisianni inuit, meeqqanik kinguaassiuutitigut innarliiniartut, meeqqanut taakkuanunnga attaveqarsinnaanerat, ilaatigut eqqunngitsut kinaassutsit atorlugit, teknologip ineriartornerani aamma internetip atugaanerata siaruarsimaqisup, amerlanerusunik periarfississimavaa. Meeraq inuusuttorluunniit inummit, qanittumik attaveqarfiginnguatsiariikkaminit innarlerneqartoq, taamaalilluni ingerlanerup kingusissuani aatsaat innarliineq pineqartoq paasissavaa. Meeqqap inuusuttulluunniit (kinguaassiuutitigut) atassuteqalernissamik aallarniinissaanut, alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit inummik kajungilersitsiniaanermik ingerlatsineq, tassani pinerluttuliortoq salluliornerit, nersuinninnerit oqaatsillu nersualaarinnittut atorlugit qanittumik attaveqarnermik pilersitsinissamik misiliisimanagera, tassunga pissutaasinnaavoq. Taamaalilluni meeraq inuusuttorluunniit nammineq kajumissutsini malillugu kinguaassiuutitigut atoqatiginnittut isumaliortinneqarnissaminut uukapaatinneqarpoq.

Taamatut uukapaatitsinermik ingerlatsineq ilisaqqunnartumik piffissani killilinni assigiinngitsuni ingerlanneqartartoq, tassani alloriarnerit ataasiakkaat immikkoortillugit isigigaanni ajornartorsiutaanngitsutut isikkoqarlutik, suleqatigiissitap nalunaarusiaani aammattaq takuneqarsinnaavoq. Taamaalilluni ingerlatsineq pinerluttuliortup meeqqamik inuusuttumilluunniit atassuteqarneranik, atassuteqarnerullu kinguaassiuutitigut tunngassuteqanngitsumik atassuteqarneruneranik aallartissinnaavoq. Tamatuma kingorna pinerluttuliortoq ilisaqqunnartumik atassuteqarneq ineriartortinniarlugu misilissavaa, taamaalilluni pinerluttuliortoq sunilluunniit tamanik oqaloqatigisinnaasatut qanittutullu ikinngutitut meeqqap inuusuttulluunniit isigilerniassammagu. Qanoq

iliorneq piffissap ingerlanerani pisarmat, taamaalilluni isumapiloqarneq tunngavigalugu tatiginnilersitsiniaanermut (grooming) ilisarnaqutaavoq, tassani meeqqap inuusuttulluunniit innarliisoqarnera ilisimaneq ajorpaa. Tamatuma kingorna taamaattumik meeraq inuusuttorluunniit imminnut kanngusuutigaluni pisorlu pillugu kanngusulluni kiisalu akuusut akornanni tatigeqatigiinnerup ineriartortinneqarsimasup kipitinneqarsimanera misigisarpaat.

Taamaalilluni kanngunarsaaneq, pinerluttuliortup pinngitsoornagu piumasaralugu anguniagaa, taamaallaat timikkut imaluunniit digitalimik kinguaassiuutitigut innarliineruneq ajorpoq. Suleqatigiissitat malillugit, kanngunarsaaneq aamma meeqqap inuusuttulluunniit, salloqittaaanikkut namminneq innarliinermut isumaqataasutut isumaqalersittarpaa, aamma tamanna meeqqap inuusuttulluunniit pinerluttuliortumut tatiginninnermik takutissimasaanik ingasattumik atornerluineruvoq.

Tamanna tunngavigalugu, danskit pillaasarnermik inatsisaanni immikkut ittumik aalajangersakkamik ilanngussisoqartariaqarnera suleqatigiissitani amerlanerussuteqartut innersuussutigaat, aalajangersakkallu inuup meeqqamik inuusuttumilluunniit, digitalimik imaluunniit timikkut kinguaassiuutitigut innarliinissaq anguniarlugu atassuteqaammik ineriartortitsinermik ingerlatsinera pinerluutinngortissavaa, tak. digitalimik kanngunarsaanerit pillugit suleqatigiissitat nalunaarusiaanni qupperneq 62-imiit. Danskit pillaasarnermik inatsisaanni isumapiloqarneq tunngavigalugu tatiginnilersitsiniaaneq (grooming) pillugu aalajangersakkamik immikkut ittumik ilanngussisoqartariaqanngitsoq suleqatigiissitani ikinnerussuteqartut isumaqarput, tak. digitalimik kanngunarsaaneq pillugu suleqatigiissitat nalunaarusiaanni qupperneq 63-imiit.

Isumapiloqarneq tunngavigalugu tatiginnilersitsiniaaneq (grooming) pillugu aalajangersakkap ilusilersorneqarnerani, aalajangersakkami taamaallaat meeqqap inuusuttulluunniit inuullu meeqqamik inuusuttumilluunniit utoqqaanerusup akornanni assuarnartumik atassuteqarnerup pineqarnissaata, aamma atassuteqarnernut inatsisitigut

akuerisaasunut akornusiinnginnissaata qulakkeerneqartariaqarnera, amerlanerussuteqartut sianigisimagaat, suleqatigiissitat nalunaarusiaanni allaqqavoq.

Tamatuma peqatigisaanik kanngunarsaaneq, meeqqap inuusuttulluunniit ikinngutinnersutut tatiginartutullu isigisaannik, pinerluttuliortup atassuteqaammik ineriartortitsiniarluni, kisianni pinerluttuliortup meeqqamut inuusuttumulluunniit kinguaassiuutitigut kanngunarsaaneq siunertaralugu atassuteqalenera, meeqqap inuusuttulluunniit tatiginninneranik atonerluinerusoq, pillugu danskit pillaasarnermik inatsisaanni immikkut ittumik immikkoortumik pinerluutinngortinneqarnissaa pisariaqartinneqartoq, amerlanerussuteqartut isumaqarput.

Tassunga atatillugu taamatut pinerluutinngortitsinerup, isumapiloqarneq tunngavigalugu tatiginnilersitsiniaanermik (grooming) ingerlatsineq immi pillatissiissutigineqarnissaminut naleqquttuunera pillugu erseqqissumik kalerrisaarutaasup, meeqqat inuusuttullu isumapiloqarneq tunngavigalugu tatiginnilersitsiniaanermik (grooming) nalaataqarsimasut, atassuteqaatip ineriartorsimaneranut akisussaaqataasutut misigisimanertik pissutigalugu pisuunermik kanngusunnermillu amerlanertigut tamatuma kingorna misigisarnerisa, peerneqarnissaannut ilapittuutaasinnaanera, amerlanerussuteqartut pingaartippaat. Taamaammat, isumapiloqarneq tunngavigalugu tatiginnilersitsiniaanermik (grooming) ingerlatsineq pisut malillugit kinguaassiuutitigut innarliiniarnertut pillaatissiissutigineqartariaqanngitsoq amerlanerussuteqartut isumaqarput.

Tassunga aamma ilaavoq – kinguaassiuutitigut sammisaq atassuteqarnermi ilisartinneqareersimagaluarpalluunniit – amerlanertigut periuseq malillugu siunertaqarnerup aalajangerneqarnissaa suleqatigiissitat malillugit ajornakusoorsinnaammat, matumami pinerluttuliortumit pinerluuteqarnerup aalajangersimasup sorliup siunertaqarluni pinerluutiginiarneqarsimanerata erseqqissuunnginnera pissutigalugu.

Pinerluuteqarnermit naammassineqartumit pinerluttuliortup tunuarnissaminut kajumilersinneqarnissaanut aarlerinaat, isumapiloqarneq tunngavigalugu tatiginnilersitsiniaaneq (grooming) pillugu immikkut ittumik aalajangersakkamik, naammassinissimanermut pissutsip pilertortunngortinneqarneranik kinguneqartumik, ilanngussisoqarneratigut, sanngiillineqarsinnaanera atuutilersinneqarsinnaasoq, amerlanerussuteqartut sianigisimagaat, suleqatigiissitat nalunaarusiaanni aammattaaq allaqqavoq. Taamaattoq pinerluttuliortoq suli kinguaassiuutitigut innarliinermik naammassineqartumik iliuseqannginnissaminut kajumilersinneqarsinnaasoq, matumani isumapiloqarneq tunngavigalugu tatiginnilersitsiniaaneq (grooming) pillugu pillaatisiaq kinguaassiuutitigut innarliinermut naammassineqartumut pillaatisiamit pingaarutilimmik appasinnerusinnaanera eqqarsaatigalugu, amerlanerussuteqartut isumaqarput.

Isumapiloqarneq tunngavigalugu tatiginnilersitsiniaanermut (grooming) peqqarniinnerusunik pinerluttuliornissaq pinerluttuliortup nammineq piunassutsini malillugu taamaatissimaneraa, eqqartuussiviit pillaatissiinermut atatillugu eqqarsaatigisinnaassagaat, amerlanerussuteqartut allakkut maluginiarpaat. Aammattaaq suliami pissutsit piviusut ataatsimut nalilersorneqarneranni tamanna pissutissaqarsorineqarpat, aamma pinerluttuliortup assingusunik iliuseqannginnissaanut aallaavinnik qularnanngitsunik peqarpat, assersuutigalugu pinerluttuliortup naleqquttunik nakorsaatilik katsorsarneqarnissani ujartorsimappagu tigusimappagulu imaluunniit katsorsarneqassutigilersimappagu, pisuni isumapiloqarneq tunngavigalugu tatiginnilersitsiniaasoqarnerani (grooming) unnerluussisussaataasut unnerluussinissamik taamaatitsiinnarsinnaanermik periarfissamik atuisinnaapput.

Isumapiloqarneq tunngavigalugu tatiginnilersitsiniaaneq (grooming) pillugu danskit pillaasarnermik inatsisaanni aalajangersakkamik, assersuutigalugu meeqqamik 15-it inorlugit ukiulimmik atoqateqarneq

pillugu danskit pillaasarnermik inatsisaanni § 222-imiit appasinnerusumik pillaatissiinermik ilanngussisoqarnissaanut, aalajangersakkap nutaap malitsigisaanik kinguaassiuutitigut innarliiniarnermi uppersaasussaannermut naleqqiullugu isumapiloqarneq tunngavigalugu tatiginnilersitsiniaaneq (grooming) pillugu suliani uppersaasussaannerup oqinnerunissaanut aarlerinaat pilersinnaasoq, tamatuma saniatigut suleqatigiissitat amerlanersaasa maluginiarpaat.

Taamaattoq tassunga atatillugu danskit pillaasarnermik inatsisaanni immikkut ittumik isumapiloqarneq tunngavigalugu tatiginnilersitsiniaaneq (grooming) pillugu aalajangersagaq malillugu suliani, taakkuanani pinerluuteqarnermik erseqqinnerusumik erseqqissakkamik naammattumik uppersaatissaanngitsutut nalilerneqarlutik, ilaatinneqarsinnaammata amerlanerussuteqartut pingaartippaat. Kinaassusersiunnginnissamik tunngavik nalinginnaasoq aallaavigalugu, kinguaassiuutitigut innarliinissamik misiliineq pillugu eqqartuussisoqarsinnaasoq unnerluussisussaataasut naliliippata, taamaalillutik tamanna pillugu unnerluussisussaataasut piumasaqaateqarsinnaapput, ajornanngippallu isumapiloqarneq tunngavigalugu tatiginnilersitsiniaaneq (grooming) pillugu aalajangersagaq malillugu pingaannginnerusumik piumasaqaat malillugu eqqartuussisoqarnissaa piumasaqaatigisinnaallugu.

Suleqatigiissitani amerlanerussuteqartut, immikkut ittumik isumapiloqarneq tunngavigalugu tatiginnilersitsiniaaneq (grooming) pillugu pinerluutinngortitsinissamik innersuussuteqartut, qaqugukkut isumapiloqarneq tunngavigalugu tatiginnilersitsiniaaneq (grooming) pillugu aalajangersakkap atorneqarsinnaaneranut ukiorititat killissaat pillugit apeqqummi avissaartuupput. Tassani amerlanerussuteqartut ukiunut killerititat, inummik atoqateqarsinnaatitaalersinnani inuup minnerpaamik ukiorisassai assigalugit ukiunut 15-inut inissinneqarnissaat taamaalillutik innersuussutigivaat, massa ikinnerussuteqartut nalinginnaasumik inatsisitigut pisussaaffeqalernermi pisuussutillu naalagaaffigilersinnaanerannut ukiorititap 18-iuneranut naapertuuttumik ukiunut killissarititaasut inissinneqarnissaat innersuussutigigaat.

Amerlanerussuteqartut ukiunut killerititat 15-iunissaannik innersuussuteqartut, taamaattumik inummik atoqateqarsinnaatitaalersinnani inuup minnerpaamik ukiorisassaasa assinginik ukiunut killissaritaniinnerup, inuusuttut 15-it 17-illu akornanni ukiullit naligiinneq kissaatigineqartumillu illugiilluni kinguaassiuutitigut atassuteqarnissaq siunertaralugu atassuteqarnernik ineriartortitsisarnerat nalinginnaasumik pisarmat – aamma ilaannikkut inunnik inuusuttumit annertuumik utoqqaanerusumik – akuersarneqarnissaa ilaatigut oqaatigaat. Isumapiloqarneq tunngavigalugu tatiginnilersitsiniaaneq (grooming) pillugu aalajangersakkat, taama tulleriillutik, norskit, svenskit hollandimiullu eqqartuussisarnernani nassaassaasut, nunani taakkuanani pineqartuni inummik atoqateqarsinnaatitaalersinnani inuup minnerpaamik ukiorisassaannut naapertuuttumik aalajangersarneqarmata amerlanerussuteqartut aammattaaq tikkuarpaat.

15-iniit 17-inut ukiullit, suli ineriartortut, taakkua kinguaassiuutitigut akisussaaitaagaluarpataluunniit apeqqutaatinnagu, annertuumik illersortariaqarnerat eqqarsaatigisariaqartoq, aamma isumapiloqarneq tunngavigalugu tatiginnilersitsiniaaneq (grooming) pillugu aalajangersakkami taamaammatt pisut, tassani pinerluttuliortoq inummut, allatut inersimasunut isigineqarnissamut ukiorititaasoq taanna ataallugu ukiulimmut, inerisimanerminik atonerluinera ilaatinneqartariaqaraluartoq, ikinnerussuteqartut ukiunut killissarititaasup ukiunut 18-inut inissinneqarnissaannik innersuussisut oqaatigaat.

2.1.3. Justitsministeriap isumaliutiginninnera

Inuup digitalimik imaluunniit timikkut innarliinissaq siunertaralugu meeqqamut inuusuttumulluunniit atassuteqaammik ineriartortitsinermik ingerlatsineranik pinerluutinngortitsisumik, danskit aaqqissuussineranni eqqarsaatigisassat tunngaviusut aamma Kalaallit Nunaanni atuummata, pinerluttulerinerinermi inatsimmi immikkut ittumik aalajangersakkamik ilanngussisoqartariaqartoq, Justitsministeria isumaqarpoq.

Tamanna tunngavigalugu Digitalimik kanngunarsaanerit pillugit suleqatigiissitami amerlanerussuteqartut isumapiloqarneq tunngavigalugu tatiginnilersitsiniaanerup (grooming) immikkoortumik pinerluutinngortinneqarnissaata pisariaqartinneqarnera pillugu isumaliutiginnissimanera, Justitsministeriap isumaqatigaa.

Taamanikkut naalakkersuisuusimasut (S) aamma RV, SF, EL, KF aamma NB-p akornanni politikikkut isumaqatigiissuteqarnerat tunngavigalugu Danmarkimi ukiorititanut killiliussat ukiunut 18-inut aalajangersarneqarput.

Tamanna tunngavigalugu, pinerluttulerinermi inatsimmi aalajangersatut siunnersuutigineqartumi ukiut killissarititaasut ukiunut 18-inut aalajangerneqarnissaat siunnersuutigineqarpoq, tamannalu danskit pillaaasarnermik inatsisaanni § 231-imi ukiunut killissarititaasunut naapertuuppoq.

Tamatuma peqatigisaanik, aalajangersakkap inuusuttunut atoqateqarsinnaasunik inummik atoqateqarsinnaatitaalersinnani inuup minnerpaamik ukiorisassai qaangerlugit ukiulinnut nalinginnaasumik atassuteqarnerup pinerluutinngortinneqannnginnissaa Justitsministeriap maluginiarpa. pinerlineqartoq 15-it inorlugit ukioqartoq pillugu suliat, sulianut pinerlineqartoq inummik atoqateqarsinnaatitaalersinnani inuup minnerpaamik ukiorisassai qaangerlugit ukioqarneranut naleqqiukkaanni, suliani kingullerni pineqartuni pisarnertut uukapaatitsinermi ukiut pingaartinneqarnerusussaassapput. Assigisaanik pinerluttuliortup pinerlineqartullu akornanni ukiunut, misilittakkanut aamma ineriartornermut tunngasunik nikingassutaasunut tunngatillugu piunasaqaatinik annertunerusunik piunasaqaateqartoqartariaqassaaq.

Inummik atoqateqarsinnaatitaalersinnani inuup minnerpaamik ukiorisassai sinnerlugit ukiulimmik inuk qaninniarujoortoq imaluunniit kinguaassiuutinut tunngasut pillugit attaveqatiginnittoq, illuatungerisap kinguaassiuutitigut pinerluffigineqarnissaa siunertaralugu

attaveqatiginninnera, nalinginnaasumik uppersassallugu ajornakusoorujussuussammat, allakkut maluginiarneqassaaq.

2.1.4. Aaqqissuussineq siunnersuutigineqartoq

Pinerluttulerinermi inatsimmi § 82 a-mi aalajangersakkamik nutaamik ilanngussisoqarnissaa siunnersuutigineqarpoq, tamatumalu kingorna pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaalliorluni iliuuseqaruni, inuk, systematiskimik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni, pineqartup kinguaassiuutitigit innarlerneqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut, groomerisutut, eqqartuunneqassaaq.

Isumapiloqarneq tunngavigalugu tatiginnilersitsiniaaneq (grooming) pillugu aalajangersakkakut, taakkuanani kinguaassiuutitigit innarliinissamut piviusumik misiliinermut uppersassassersuisoqarsinnaatinnagu, pisut eqqorniarneqarput. Pisut ullumikkut pinerluttulerinermi inatsimmi 77, imm. 2 imaluunniit § 79 malillugu unioqqutitsinertut eqqartuussutaasinnaasut, taamaalillutik siunissami aalajangersakkat taakkua malillugit aamma pinerluutinngortinneqassapput, ajornanngippat isumapiloqarneq tunngavigalugu tatiginnilersitsiniaaneq (grooming) pillugu aalajangersakkatut siunnersuutigineqartumut aporaatsillugit.

Pinerlineqartup uukapaatinneqarnera isumapiloqarneq tunngavigalugu tatiginnilersitsiniaanerup (grooming) pissusaaniippoq, taamaammat meeraq inuusuttorluunniit nammineerluni pineqartumit innarlerneqarnini pinngitsoornani sianigisariaqanngilaa, aatsaat immaqa taamaaliornerup kingunerujussuatigit sianigilersimassallugu. Taamaalilluni pisuni, meeqqap inuusuttulluunniit nammineerlutik pineqartumit innarlerneqarsimanertik misigisimanaviannngilaat. Kisianni aalajangersagassatut siunnersuutigineqartoq malillugu tamanna eqqartuussisoqarsinnaaneranut akornutaasussaannngilaq.

2.2. Piumannngitsumut imminut kinguaassiuutitigut iliuseqartitsinerit

2.2.1. Inatsisit atuuttut

Inuk inummik nammineq akuersissuseqaqqaarsimannngitsumik atoqatiginnittoq allatulluunniit kinguaassiuutitigut atassuteqartoq, pinngitsaaliisutut eqqartuunneqassasoq pinerluttulerinermi inatsimmi § 77, imm. 1-ip malitsigaa.

Aammattaaq inuk meeqqamik 12-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq § 77, imm. 2 malillugu pinngitsaaliisutut eqqartuunneqassaaq.

Pinerluttuliortoq, pinngitsaalilluni allatulluunniit kinguaassiuutitigut pinerlineqartumik atassuteqartoq, pinerluttulerinermi § 77, imm. 1-imik unioqqutitsisutut eqqartuunneqarsinnaavoq. pinerlineqartut atuuttumik taamaaliornissamut akuersissuteqaqqaarsimannngippat, pinerluttuliortup qanoq ililluni pinngitsaaliisimanera pingaaruteqanngilaq. Taamaalilluni pisut apeqqutaatillugit, pinerluttuliortup assit siammarterneqarnissaanik imaluunniit ingerlateqqinneqarnissaannik siorasaarinermigut pinerlineqartumik atoqatiginninnermik allatulluunniit kinguaassiuutitigut atassuteqarnermik peqataatitsinerani aalajangersagaq atorneqarsinnaavoq.

Assinik avitseqatiginninnissaq pinngitsoortinniarlugu, pinerlineqartup pinerluttumik atoqateqarnera allatulluunniit kinguaassiuutitigut atoqateqarnera sioqqullugu, pisut malillugit pinerluttuliortoq § 12 malillugu misiliisutut pinerluttulerinermi inatsimmi § 77, imm. 1-imik unioqqutitsisutut aammattaaq eqqartuunneqarsinnaavoq.

Inuup tarnikkut nappaateqarnerata imaluunniit eqqarsartaatsikkut kinguarsimasuunerata atonerlunneqarneratigut inuk pineqartumik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 78, imm. 1 malillugu kinguaassiuutitigut atonerluisutut eqqartuunneqassaaq. Inummut suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaanngissusianik

ingasaassisumik atornerluinikkut atoqatiginnittumut allatulluunniit kinguaassiuutitigut atassuteqartumut, § 78, imm. 2 aamma atuuppoq.

Aammattaaq 1) pinerluttunik nakkutilliivimmi atorfeqartuusoq inummik pinerluttunik nakkutilliiviup suliffiutaani inissisimasumik, taassumangalu oqartussaaffigineqarluni inissisimasumik kujannittoq imaluunniit atoqatiginnittut iliuuserinnittoq, 2) inummik kiffaanngissusiagaasumik politiinillu nakkutigineqartumik politiit atorfilik atoqatiginnittoq imaluunniit allatut atoqatiginnittut pissusilersortoq, imaluunniit 3) ulloq unnuarlu paaqqinnittarfimmi imaluunniit meeqqanut inuusuttunullu inissiisarfimmi, tarnikkut nakorsarneqarfittut immikkoortumi, tarnikkut annertuumik innarluutilinnik assigisaannillunniit ulloq unnuarlu inissiisarfimmi atorfilik imaluunniit nakkutilliisoq inissiisarfimmi inissisimasumik kujannittoq imaluunniit allatut atoqatiginnittut pissusilersortoq, § 78, imm. 3 malillugu eqqartuunneqassaaq.

Pisut § 77, imm. 2-mi ilaatinneqanngippata, pinerluttuliortup meeqqap ukiui nalunngippagit imaluunniit tamatumunnga tunngatillugu mianersuaalliorluni iliuuseqarpat, inuk meeqqamik 15-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 79 malillugu meeqqanut kinguaassiuutitigut atassuteqarsimasutut inuk eqqartuunneqassaaq.

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaalliorsimappat, inuk ukiuni misilittakkanilu pissutigalugit pisinnaatitaanani allanit pitsaanagerusut naleqarnerusutulluunniit imminut isiginini ingasattumik atornerlullugu inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 1 malillugu alutorineqarnej, kinaassuseq, kusagineqarnej, atisalersorneq, neriorsuutit il. il. ikiorsiullugit inummik kajungilersitsiniaasutut eqqartuunneqassaaq. pinerluttuliortup pineqartup ukiui nalunngippagit, imaluunniit tamatumunnga tunngatillugu mianersuaalliorsimaguni, inummik 18-it inorlugit ukiulimmik, pinerluttuliortup qitornassarisaanik

imaluunniit qitornarsiaanik imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqateqarsimasoq allatulluunniit kinguaassiuutitigut atassuteqartoq, aalajangersakkami imm. 2 aamma atuuppoq.

Pinerluttuliortup pineqartup ukiui nalunngippagit imaluunniit tamatumunnga tunngatillugu mianersuaalliorsimaguni, pisiniartutut akiliilluni imaluunniit akiliinissamik neriorsuilluni inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, inummik inuusuttumik akiliilluni kinguaassiuutitigut atoqatiginnittutut eqqartuunneqassasoq, pinerluttulerinermi inatsimmi § 81, imm. 1-ip malitsigaa. Taamatuttaaq inuup 18-it inorlugit ukiullip akilersilluni imaluunniit akilerneqarnissamik neriorsorneqarluni atoqatiginninneranut allatulluunniit kinguaassiuutitigut atassuteqarfigineqarnerani peqataasoq, § 81, imm. 2 malillugu eqqartuunneqassaaq.

Atoqatiginninneq (itikkut imaluunniit naalungiarsuup aqputaatigut) pineqartillugu pinerluttulerinermi §§ 77-imiit 81 ilanngullugu taamaalillutik taamaallaat atorineqanngillat, kisianni aamma atoqatiginninnerit allaanerusut kinguaassiuutitigut atassuteqarnerusuusut ilaatinneqarlutik.

Taaguut “allatut kinguaassiuutitigut atassuteqarneq atoqatiginninnerunngitsoq” Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (Kinguaassiuutitigut pinerluttarnerit il.il.) oqaasertalerneqarpoq. Folketingstidende 2018-19 (katersugaatit siulliit), A, L 123 saqqummiunneqartoq, qupperneq 20 malillugu aalajangersakkap oqaasertai “kujannittoq allatulluunniit kinguaassiuutitigut atoqatiginnittoq”-p “atoqatiginnittoq allatulluunniit kinguaassiuutitigut atassuteqartoq”-mut allanngortinneqarnera taamaallaat oqaatsinut tunngasumik nutarterinertut isigineqassaaq. Pinerluttulerinermi inatsimmi oqaatsit imarisaasa nutarterneqarnerat danskit pillaa sarnermik inatsisaanni inatsisikkut nr. 633-

ikkut, 12. juni 2013-imeersukku § 225-ip oqaasertalerneqarneranik assingusumik tunngaveqarpoq, matumani kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2012-imiittut ilanngullugit.

Tamanna tunngavigalugu “kinguaassiuutitigut atassuteqartoq”-p “atoqateqarnikkut pissusilersortoq”-mik ingerlatitseqqinnerunera tassunga pissutaavoq. Kinguaassiuutitigut atassuteqarnernut atoqatiginninnerunngitsunut taamaalilluni iliuutsit, atoqatiginninnertut pissuseqartut, atoqatiginninnermut taarsiinertut atornerqartut imaluunniit innarlerneqartumut imaluunniit akuusumut atornerlunneqartumut tunngatillugu kinguaassiuutitigut atornerluinermik imaqartut, atoqatiginninnermut qanittunnguusut iliuutsit taamaalillutik ilaatinneqarput. Kinguaassiuutit aappaatalu timaata akornanni toqqaannartumik attuunneq nalinginnaasumik uani pineqassaaq.

Kinguaassiuutitigut atassuteqarnernut allanut atoqatiginninnerunngitsunut assersuutit taaneqarsinnaapput qaneq atorlugu atoqatiginninnerit, kinguaassiuutitigut kuniuinerit il. il., naalungiarsuup aqquaanut itikkulluunniit inussanik atortunilluunniit tigussaasunik pulatitsinerit aamma kinguaassiuutinik attualaarinninnerit.

Kinguaassiuutit mattaangasut assammik atornerqarnerat attualaarinertaqanngitsoq imaluunniit pulatitsinertaqanngitsoq nalinginnaasumik kinguaassiuutitigut atassuteqarnerup avataaniittutut isumaqarfigineqartarpoq, tak. kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2012-imi qupperneq 757. Pinngitsaalineqarluni nammineq kinguaassiuutimini atortunik tigussaasunik pulatitsinerit imaluunniit tissassarnerit oqariartaatsimi “allatut kinguaassiuutitigut atassuteqarnerit”-ni ilaatinneqanngitsut, aamma atassuteqarnerit taamaattut taamaammat taarsiullugu kanngutsaatsuliorfiginninnertut isigisariaqartut kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2012-imi qupperneq 438-imi piumasaqaataavoq.

Inuk kanngunartuliornikkut pitaalliisoq pinerluttulerinermi inatsimmi § 84, imm. 1 malillugu kannguttaalliorfiginnittutut eqqartuunneqassaaq.

Pissutsit malillugit, pisuni pinerluttuliortup pinerlineqartoq imminut kinguaaassiuutiminik iliuuseqaqqullugu pinngitsaaliinerani, inatsisit unioqquutillugit pinngitsaaliineq pillugu pinerluttulerinermi inatsimmi § 91-imik kannguttaalliorneq pillugu pinerluttulerinermi inatsimmi 84, imm. 1 peqatigalugu unioqquutitsisoqarneratut eqqartuussisoqarsinnaavoq.

2.2.2. Digitalimik kanngunarsaanerit pillugit suleqatigiissitat isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsisikkut nr. 741-kkut 13. juni 2023-imeersukkut (digitalimik kanngunarsaanerit akiorniarlugit suliniutit, matumani isumapiloqarneq tunngavigalugu tatiginnilersitsiniaaneq (grooming) pillugu inerteqquteqarneq, pinngitsuusaarluni atoqateqarnerup pinngitsaaliinermut naligiissinneqarnera, atoqatiginninnissaq il. il. pissarsiariniarlugit upperisarsiortut aqutsisuisa upperisarsiortut pisariaqartitsinerannik imaluunniit pinngitsuuisinnaannginnerannik atonerluineq) danskit pillaasarnermik inatsisaanni § 225 ilaneqarpoq, taamaaliornikkullu pisut pinerluttuliortup pinerlineqartoq imminut kinguaaassiuutitigut iliuuseqartitsinera ilanngunneqarpoq. Digitalimik Kanngunarsaanerit pillugit Suleqatigiissitat innersuussuteqarnerisigut aalajangersakkap annertusineqarnera pivoq.

Teknologip ineriartorerata kingunerisaanik, ilaatigut meeqqat inuusuttullu atassuteqaatinik qanoq ilillutik ineriartortitsisarnerat annertuumik allanngorsimasooq, digitalimik kanngunarsaanerit pillugit suleqatigiissitap nalunaarusiaani 2022-imeersumi qupperneq 56-imiit siumut takuneqarsinnaavoq. Ingammik inuusuttut kinguaaassiuutitigut imminnut iliuuseqarnissaannik pinngitsaalineqartarnerat, ilaanni pinerluttuliortup taamaaliunngippat assit il. il. inuttaanut tunngassuteqartut tamanut

saqqummiunneqarnissaanik siorasaarineq, »sextortion«-imik taaneqartartoq atorlugu siorasaarineq, taamaalilluni ajornartorsiutaavoq nutaajukannersoq.

Inatsisit atuuttut pillugit imm. 2.2.1-imi soorlu taaneqartooq, pinerluttuliortup assit siammarterneqarnissaannik imaluunniit ingerlateqqillugit avitseqatigiissutigineqarnissaannik siorasaarilluni pinerluttuliortoq pinerlineqartumik atoqatiginninnermik allatulluunniit kinguaassiuutitigut atassuteqarnermik pinngitsaaliisoq, pissutsit malillugit pinerluttulerinermi inatsimmi § 77, imm. 1 imaluunniit imm. 2 malillugu eqqartuunneqarsinnaavoq. Pisut malillugit pinerlineqartup pinerluttumik atoqateqarnera allakkulluunniit kinguaassiuutitigut atassuteqarnera sioqqullugu, pinerluttuliortoq misiliisutut pinerluttulerinermi inatsimmi § 77, imm. 1-imik, tak. § 12, unioqqutitsisutut aammattaaq eqqartuunneqarsinnaavoq.

Danskit pillaanermik suliaata ilaanni, taakkuanani inuk kinguaassiuutimini iliuuseqaqqullugu pinngitsaaliineqarsimalluni, assersuutigalugu pinerluttuliortup pinerlineqartooq videochat atorlugu ilitsersuineratigut, pinngitsaaliineq pillugu pillaasarnermik inatsimmi § 216 imaluunniit meeqqamik 15-it inorlugit ukiulimmik atoqateqarneq pillugu § 222, tak. § 225, unioqqutitsinertut eqqartuussisoqartarsimavoq, massa suliani allani kanngutsaatsuliorneq pillugu pillaasarnermik inatsimmi § 232 aamma inatsisit unioqqutillugit pinngitsaaliineq pillugu § 260 pillugit unioqqutitsinertut eqqartuussisoqartarsimasoq.

Pillaasarnermi inatsimmi siusinnerusukkut § 225-imut atuussimasumut piareersaataasumik suliaqarnerni, pinngitsaaliineqarluni nammineq kinguaassiuutimini atortunik tigussaasunik pulatitsinerit imaluunniit tissassarnerit, inuit marluk akornanni timikkut atassuteqarnermik piunasaqaatitaqartut, § 225-imut ilaatinneqannginnerat piunasaqaataasoq, aamma kanngutsaatsuliorneq, tak. pillaasarnermik inatsimmi § 232, pissutsit taamaattut taarsiullugu taamaammat kanngutsaatsuliorfiginninnertut isigisariaqartut piareersaataasumik suliaqarnerni takuneqarsinnaavoq.

Aamattaaq kajumissuseq malillugu peqataanermik tunngavilimmik pinngitsaaliineq pillugu aalajangersagaq pillugu Straffelovråd-ip isumaliutissiissutaani nr. 1534/2020-imi qupperneq 164-imiit 165 ilanngullugu, teknologiskimik ineriartornerup kingunerisimasassaanik pillaasarnermik inatsimmi § 225 allannortittariaqannginnersoq pillugu isumaliutiginninnissamut pissutissaqannginnersoq, taamaalilluni inuup inuk alla nammineq kinguaassiuutimini kinguaassiuutitigut iliuuseqaqqullugu pinngitsaaliineqarnera, malittarisassaq taanna malillugu pillaatissiissutigineqassalluni, taaneqarsimavoq. Kinguaassiuutitigut iliuutsit assigiit, pinerlineqartup piumasarinngisaanik pisut, assersuutigalugu inatsisit unioqquutillugit pinngitsaaliinikkut, pinerlineqartut marluk akornanni pisimappata, tassani taakkua pinngitsaaliineqarlutik peqataasimallutik, pinngitsaaliinermut peqataasutut nalilerneqartarnerat, massa pinerlineqartoq ataaseq imminut iliuuseqartillugu pinngitsaaliineqarpat, tamanna taamaallaat kanngutsaatsuliorfiginninnertut nalilerneqartarnera assigiinngissutitut naleqqutinngitsut isumaqarfiginarsinnaasoq Straffelovråd-ip tassunga atatillugu innersuussutigaa.

Inuk imminut kinguaassiuutitigut iliuuseqaqqullugu pinngitsaaliineqarnerani, pisup siunissami kanngutsaatsuliorneq pillugu pillaasarnermik inatsimmi § 232-ip atatinneqarneranut taarsiullugu allakkut kinguaassiuutitigut atassuteqarnerit atoqatiginninnerunngitsut pillugit pillaasarnermik inatsimmi § 225-imut atatinneqarnissaa, suleqatigiissitat tamanna tunngavigalugu inassutigaa.

Taamaaliorneq allatigut kinguaassiuutitigut atassuteqarnerit atoqatigiinnerunngitsut pillugit aalajangersakkat ataaniitilernissaannut, innarliinerup ilungersunartuunera pillugu tamanna annertunerusumik kalerriutaanissaa Suleqatigiissitat tassunga atatillugu pingaartissimavaat. Ilaatigut teknologiskimik ineriartornerup kingunerisai eqqarsaatigalugit, taamaalilluni suleqatigiissitap isumaa malillugu pillaasarnermik inatsisip § 225-iata allannortinneqarnissaa pisariaqarpoq, taamaalilluni pisuni, taakkuanani pinerluttuliortup pinerlineqartumik immineq

kinguaassiuutimini iliuuseqartitsinera, siunissami innarliinertut inummik allamik timikkut iliuuseqartitsinerit assigalugit, kinguaassiuutitigut innarliinertut nalilerneqartalersinnaassallutik.

2.2.3. Justitsministeriap isumaliutiginninnera

Inuup imminut kinguaassiuutitigut iliuuseqarnissaanut pinngitsaalineqarnerata kinguaassiuutitigut pissutsit atoqatiginninnerunngitsut assigalugit immikkut pinerluutinngortinneqarnissaanik pisariaqartitsineq pillugu digitalimik kanngunarsaanerit pillugit suleqatigiissitat isumaliutiginninnerat, taamatutaaq Kalaallit Nunaannut atuuttoq Justitsministeria isumaqarpoq.

Tamanna tunngavigalugu pinerluttulerinermi inatsimmi aalajangersakkamik ilanngussisoqartariaqartoq Justitsministeriap nalilerpaa, taamaaliornerullu § 77-imiit 81 ilanngullugu malillugit pinerluttulerinermi inatsisip kinguaassiuutitigut atassuteqarnerit atoqatiginninnerunngitsut pillugit aalajangersakkat annertusissavai, taamaalilluni taakkua kinguaassiuutitigut iliuutsinut assingusunut, pinerluttuliortumit pinerlineqartup imminut iliuuseqartinneqarnerani assingusumik atorneqassallutik, matumani sextortion-imik taaneqartartoq ilanngullugu.

Pisut sextortion-iusut, tassani pinerluttuliortup mattaangasut assingi imaluunniit atortussat kinguaassiuutinut tunngassuteqartut avitseqatigiissutigineqarnissaat siorasaarutigalugu pinerlineqartup imminut kinguaassiuutimigut iliuuseqartitsinera ilaatigut tassani ilaatinneqassapput.

2.2.4. Aaqqissuussineq siunnersuutigineqartoq

Pinerluttulerinermi inatsimmi § 81 a-mi aalajangersakkamik nutaamik ilanngussisoqarnissaa tamanna tunngavigalugu siunnersuutigineqarpoq, tassani pinerluttuliortumit pinerlineqartup imminut kinguaassiuutiminik iliuuseqartitsinerani pinerluttulerinermi inatsimmi §§ 77-imiit 81 ilanngullugu assigisaanik atorneqassasut takuneqarsinnaalluni.

Pinerluttuliortumit imaluunniit allamit pinerlineqartumut iliuutsit iliuuserineqarpata, pinerlineqartup iliuutsit imminut iliuuserippagit, pisut ilaanni aamma aalajangersakkanut taakkuanunnga ilaatinneqarnissaat, suleriaatsit atuuttut malillugit iliuutsit §§ 77-imiit 81 ilanngullugu ilaatinneqarnerat siunnersuutip kinguneraa. Allatigut pinerluttulerinermi inatsimmi §§ 77-imiit 81 ilanngullugu atorineqarnissaannut suliassaqrarfiup allanngortinneqarnissaa siunertarineqanngilaq.

2.3. Isumapiloqarnek tunngavigalugu tatiginnilersitsiniaanermik (grooming) aamma piumanani imminut kinguaassiuutitigut iliuuseqartitsinermik pinerlineqartunut illersuisumik ivertitsineq

2.3.1. Inatsisit atuuttut

Pinerluttulerinermi suliani pinerlineqartumut tapersersuisussamik ilitsersuisussamillu illersuisumik ivertitsisoqarnissaanik aaqqissuussineq Kalaallit Nunaanni eqqartuussisarnermik inatsisip 2010-imi akuersissutigineqarnerani eqqunneqarpoq. Kalaallit Nunaanni eqqartuussiveqarnek pillugu Eqqartuussiveqarnermut ataatsimiititaliarsuup isumaliutissiissutaa nr. 1442/2004 immikkoortoq X, kapitel 5.3.1 malillugu pinerlineqartup inatsisitigut inissisimanerata patajaallisaavigineqarnissaa aaqqissuussinermik eqqussinermi siunertarineqarpoq.

Illersuisup pinerlineqartumut inuttut tapersersuinissaq ilitsersuinissarlu kiisalu pinerluttulerinermi suliamut atatillugu nalinginnaanerusumik pissusilimmik ikiunnissaq taamaallaat suliassaraa. Inatsisilerinertut pissuseqartunik illersuisoq suliaqarnissaminut pisinnaatitaanngilaq suliaqarsinnaananilu.

Suliani pinerluttulerinermi inatsimmi § 37-imik (nakuuserneq aamma pisortat oqartussaataannik nakuuserneq imaluunniit siorasaarineq), § 74-imik (ilaquttamik qanigilluinnakkamik atoqateqarnek), § 77-imik (pinngitsaaliineq), § 78-imik (kinguaassiuutitigut atornerluineq), § 79-imik (kinguaassiuutitigut meeqqanik atassuteqarnek), § 80-imik (alutorineqarnek, kinaassuseq, kusagineqarnek, atisalersorneq, neriorsuutit il. il. ikiorsiullugit inummik kajungilersitsiniaaneq), § 81-imik (akiliilluni

inuusuttumik kinguaassiutitigut atassuteqarnej), § 84, imm. 1-imik (kanngutsaatsuliornej), § 12 malillugu § 86, imm. 1-imik (toqutseriarnej), § 88-imik (nakuusernej), § 89-imik (inuup inuuneranik ilaginnaanej), § 90, imm. 3-mik (soqutigitsaatsumik illuinnarsiutit ilaannik igitsinej), §§ 91-imiit 93-mut malittarisassanik (inatsisit unioqqustillugit pinngitsaaliinej, kiffaannngissusiiianej aamma inunnik nioqquteqarnej) aamma § 112-imik (ujajaanej) unioqquטיםinermut tunngassuteqartuni inatsimmik unioqquטיםinerit ilungersunartuunngitsut imaluunniit toqqammavissatut illersuisoqarnissaq erseqqissumik pisariaqannngitsutut isikkullit pineqartinnagit, pineqartup noqqaassuteqarneratigut eqqartuussivik eqqartuussisarnermik inatsimmi § 333, imm. 1 malillugu illersuisumik pinerlineqartumik tapersersuisussamik siunnersuisussamillu ivertitsissaaq. Suliaq pinerluttulerinermi inatsimmi § 74-imik (ilaquttamik qanigilluinnakkamik atoqateqarnej), § 77-imik (pinngitsaaliinej), § 78-imik (kinguaassiuutitigut atornerluinej), § 79-imik (kinguaassiuutitigut meeqqanik atassuteqarnej), § 80-imik (alutorineqarnej, kinaassuseq, kusagineqarnej, atisalorsornej, neriorsuutit il.il. ikiorsiullugit inummik kajungilersitsiniaanej), imaluunniit § 81-imik (akiliilluni inuusuttumik kinguaassiuutitigut atassuteqarnej), unioqquטיםinermik tunngassuteqarpat, pinerlineqartorlu 15-it inorlugit ukioqarpat, pinerlineqartoq illersuisoqartinneqarnissamut pisinnaatitaavoq.

Pissutsit immikkut ittut tamanna pissutissaqartippassuk, § 333, imm. 2 malillugu, inatsisit allat unioqquטיםinneqarnerini noqqaasoqarnera malillugu eqqartuussivik pinerlineqartumut illersuisumik ivertitsisinnaavoq.

Eqqarsaatigisassat ittut tamanna pissutissaqartippassuk, § 333, imm. 3 malillugu aamma § 333, imm.-imi 1 aamma 2-mi piumasaaqatit naammassineqarpata, pinerlineqartoq pinerluttuliornerup malitsigisaanik toqusimappat, noqqaasoqarneratigut pinerluttuliornerup qanigisaanut illersuisumik ivertitsisoqarsinnaavoq.

Pinerlineqartumut, imaluunniit pinerluttuliornerup malitsigisaanik pinerlineqartoq toqusimappat, pinerlineqartup qanigisanut, illersuisumik

ivertitsinnaaneq pillugu politiit eqqartuussisarnermik inatsimmi § 333, imm. 4 malillugu ilitsersuissapput. Taamatut ilitsersuisoqarsimanera suliame takuneqarsinnaassaaq.

Eqqartuussisarnermik inatsimmi § 333, imm. 5 malillugu politiit pinerlineqartup imaluunniit pinerluttuliornerup malitsigisaanik pinerlineqartoq toqusimappat, pinerlineqartup qanigisaasa illersuisoqarnissamik noqqaassuteqarnerat eqqartuussivimmut saqqummiutissavaat.

Illersuisut akissarsiaat aningaasartuuteqarsimagunillu aningaasartuutaasa matussuserneqarnissaat pillugit malittarisassanik eqqartuussisarnermik inatsimmi § 333, imm. 6 imaqarpoq.

Illersuisup naleqquttumik akissarsianik aamma akiliussinermini matussuserneqarneqarnissaat piumasarinissaanut pisinnaatitaaffeqarnera, eqqartuussisarnermik inatsimmi § 333, imm. 6-ip malitsigaa. Angalanernut unnuinernullu il. il. aningaasartuutit eqqartuussivimmit pisariaqartutut akuersissutigineqarsimappata, taamaallaat akilerneqarsinnaapput. Suliap naammassineqarnerani akissarsiassat eqqartuussivimmit aalajangerneqassapput pisortanillu akilerneqarlutik.

Illersuisup suliassai aamma pisinnaatitaanera pillugit eqqartuussisarnermik inatsimmi § 333, imm. 7 malillugu Justitsministeria malittarisassanik erseqqinnerusunik aalajangersaasinnaavoq.

2.3.2. Justitsministeriap isumaliutiginninnera

Soorlu imm. 2.1.4-mi aamma imm. 2.2.4-mi qulaani allaqqasoq, isumapiloqarneq tungavigalugu tatiginnilersitsiniaaneq (grooming) pillugu aalajangersagakkamik nutaamik (§ 82 a-mik) aamma piumangitsumut imminut kinguaassiutitigut iliuuseqartitsinerit pillugit (§ 81 a) aalajangersagakkamik nutaamik ilanngussisoqarnissaa pillugit pinerluttulerinermi inatsimmi aalajangersagakkamik nutaamik

ilanngussisoqarnissaa, inatsisissatut siunnersuutikkut
siunnersuutigineqarpoq.

Aalajangersakkat nutaat eqqartuussisarnermik inatsimmi § 333, imm. 1-imi ilaatinneqartariaqartut Justitsministeria isumaqarpoq, tamatumalu kingorna pineqartup noqqaassutigippagu, inatsisinik unioqquitsinikkut pinerlineqartoq eqqartuussivimmit illersuisulerneqassaaq. Taamaattoq inatsimmik unioqquitsineq ilungersunartuunngippat, imaluunniit Kalaallit Nunaanni eqqartuussisarnermik inatsimmi § 333, imm. 1 malillugu illersuisumit ikiorneqarneq erseqqissumik pisariaqartinneqanngitsutut isigineqarpat, illersuisumik ivertitsinissaq itigartitsissutigineqarsinnaavoq. Matumuuna pinerlineqartup illersuisumik ivertitsivigineqarnissamut periarfissaa, isumapiloqarneq tunngavigalugu tatiginnilersitsiniaaneq (grooming) suliat aamma piumanngitsumut imminut kinguaassiuutitigut iliuuseqartitsinerit assersuutigalugu meeqqanut kinguaassiuutitigut atassuteqarneq pillugu sulianut naligiissinneqarput.

2.3.3. Aaqqissuussineq siunnersuutigineqartoq

Aalajangersakkanut siunnersuutigineqartunut pinerluttulerinermi inatsimmi isumapiloqarneq tunngavigalugu tatiginnilersitsiniaaneq (grooming) pillugu § 82 a-mut aamma piumanngitsumut imminut kinguaassiuutitigut iliuuseqartitsinerit pillugit § 81 a-mut eqqartuussisarnermik inatsimmi § 333, imm. 1-imi innersuussisoqarnissaa siunnersuutigineqarpoq.

pinerlineqartup noqqaassuteqarneratigut suliani, aalajangersagassatut siunnersuutigineqartuni ilaatinneqartuni, aallaaviatigut illersuisumik ivertitsisoqartussaana Kalaallit Nunaanni eqqartuussisarnermik inatsimmi § 333, imm. 1-ip annertusineqarnissaanut siunnersuutip kingunerissavaa. Taamaattoq inatsimmik unioqquitsineq ilungersunartuunngippat, imaluunniit illersuisumit ikiorneqarneq erseqqissumik pisariaqartinneqanngitsutut isigineqarpat, eqqartuussiviup illersuisumik ivertitsinissaq itigartitsissutigisinnaavaa.

Aammattaaq suliani pineqartuni taakkuanani, pinerlineqartoq 15-it inorlugit ukioqarpat, pinerlineqartup illersuisumik ivertitsisoqarnissaanik

pisinnaatitaaffeqarnera, annertusisitsinerup siunnersuutigineqartup kingunerissavaa.

2.4. Inunnik 18-it inorlugit ukiulinnik, pinerluttuliortup ilinniartitassatut perorsagassatulluunniit paarisassatut tatigineqarluni tiggummaa il. il. kanngutsaalliorfiginninneq

2.4.1. Inatsisit atuuttut

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorlumik iliuseqaruni, inuk qitornassaminik qitornarsiaminilluunniit, imaluunniit ilinniartitassatut, perorsagassatut assigisaanilluunniit tatigineqarluni paarisassanngortinneqartumik inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 2 malillugu eqqartuunneqassaaq.

Taamaalilluni kannguttaalliorfiginninnerni pinerluttulerinermi inatsimmi § 80, imm. 2 ator neqassanngilaq.

Inuk kanngunartuliormigut piitaajuissusermik innarliisoq kannguttaalliorfiginnittut eqqartuunneqassaaq, tak. pinerluttulerinermi inatsimmi § 84, imm. 1.

Piviusumik kanngutsaatsuliorneq pillugu aalajangersagaq nalinginnaasumik aalajangersakkatut ilaatitsisussat ator neqarpoq, kinguaassiuutitigut iliutsinut, pinerluttulerinermi inatsimmi kapitali 18-imi aalajangersakkani allani ilaatinneqanngitsunut ator neqarsinnaasoq, kisianni taamaattoq eqqartuussivinnit pinerluttulerinerlu pillugu inatsisesqartitsineq malillugu pineqaatissiissutigineqartussat isigineqartariaqartunut ator neqartussatut isumaqarfigineqartoq.

Inuit allat pillugit paasissutissat kinguaassiuutinut tunngassuteqartut pillugit allanut ingerlatitseqqiineq, pissutsit pinerluttulerinermi inatsimmi § 84, imm. 1-ip ator neqarnissaanut piumasaqaataasumik ingasassuseqarnissaat piumasaqaatigalugu, kanngutsaatsuliornerunissaat naatsorsuutigineqassaaq.

Oqariartuutunik assinilluunniit kinguaassiuutinut tunngassuteqartunik imalinnik kimulluunniit nassiussisimappat, pisoq taamatuttaaq kanngutsaatsuliorfiginninnerusinnaavoq.

Ilaatigut kinguaassiuutitigut pinerluuteqarnerit pillugit soorlu imm. 2.2.1-imi taaneqartoq, kinguaassiuutit mattaangasut assammik attorneqarnerat attualaarinertaqanngitsoq imaluunniit pulatitsinertaqanngitsoq, nalinginnaasumik kinguaassiuutitigut atassuteqarnernut killissarititaasut avataaniissapput, tak. ilaatigut Straffelovråd-ip isumaliutissiissutaani nr. 1534/2012-imi qupperneq 757. Atassuteqarnerit taamaattut pissutsit malillugit taamaalillutik pinerluttulerinermi inatsimmi kanngutsaatsuliorneq pillugu § 84, imm. 1-imut ilaatinneqassapput.

2.4.2. digitalimik kanngunarsaanerit pillugit suleqatigiissitat isumaliutiginninnerat

Pillaasarnermik inatsisip aamma eqqartuussisarnermik inatsisip allanngortinneqarnerannik inatsisikkut nr. 741-kkut 13. juni 2023-imeersukkut (Digitalimik kanngunarsaanerit akiorniarlugit suliniutit, matumani isumapiloqarneq tunngavigalugu tatiginnilersitsiniaraneq (grooming) pinngitsuusaarluni atoqateqarnerup pinngitsaaliinermut naligiissinneqarnera, upperisarsiortut aqutsisuata atoqateqarniarnissaq il. il. siunertaralugit ilaasortamut inuup pisariaqartitsineranik imaluunniit pinngitsuuisinnaannginneranik atorerluinera) Danskit pillaasarnermik inatsisaanni § 223, imm. 1 annertusineqarpoq, taamaalilluni tassani aamma kanngutsaatsuliorneq ilaatinneqalerluni. Digitalimik kanngunarsaanerit pillugit Suleqatigiissitat innersuussuteqarnerisigit aalajangersakkap annertusineqarnera pivoq.

Danskit pillaasarnermik inatsisaanni § 223, imm. 1 malillugu, ilaatigut kinguaassiuutitigut angajoqqaassanit angajoqqaarsianillu, ilinniartitsisunit il. il. kinguaassiuutitigut innarliinerit akiorneqarnissaannut immikkut ittumik inuit 18-it inorlugit ukiullit illersorneqarnissaat atuuttoq, digitalimik kanngunarsaanerit pillugit Suleqatigiissitat nalunaarusiaanni, qupperneq 70-imiit siumullu allaqqavoq. Aalajangersagaq malillugu, matumani

danskit pillaasarnermik inatsisaanni § 225 malillugu, taamaalilluni inuusuttoq atassuteqarnermut akuersissuteqaqqaarsimagaluarpalluunniit, inummik ilinniartitassatut, perorsagassatut il. il. tatigineqarluni paarineqartumik atoqateqarnissaq allatulluunniit kinguaassiuutitigut atassuteqarnerup inerteqqaalluinnarnera atuuppoq. Inuusuttup inunnut taamatut perorsaarnermik atuuffeqartunut immikkut ittumik eqqortiasinnaanera, taamaammallu inersimasumit kinguaassiuutitigut atoqatigiinnissamut immikkut ittumik sunnerneqarsinnaanera, tassunga ilaatigut pissutaavoq.

Inuusuttup iliuutsinik, kanngutsaatsuliorneq pillugu danskit pillaasarnermik inatsisaanni § 232-mi ilaatinneqartunik, iliuuseqarfigineqarnissaanut aarlerinaat, pinerluttuliortup inissisimanerminik atornerluinermigut inuusuttumik atoqatiginninneranut allakkulluunniit kinguaassiuutitigut atassuteqarneranut aarlerinaatip assigisimagaa, suleqatigiissitat isumaqarput.

Danskit pillaasarnermik inatsisaanni § 223, imm. 1 annertusineqassasoq, taamaalilluni kanngutsaatsuliorneq aamma ilaatinneqalissalluni, suleqatigiissitat tamanna tunngavigalugu innersuussutigaat.

Kinguaassiuutitigut innarliinernut, danskit pillaasarnermik inatsisaanni kapitali 24-mi ilaatinneqanngitsunut, kanngutsaatsuliorneq pillugu danskit eqqartuussisarnermik inatsisaanni § 232 nalinginnaasumik aalajangersakkatut ilaatitsisussat atorneqartussat isumaliutigineqarsimasoq, suleqatigiissitat maluginiarsimavaat. Taamaammat suleqatigiissitat malillugit kanngutsaatsuliorneq pillugu malittarisassaq malillugu iliuutsit suut pillaatissiissutaasinnaanerannut killiliussat atsippallaamik inissinneqarnissaat, danskit eqqartuussisarnermik inatsisaanni § 223, imm. 1-imut innersuussinerup kingunerissavaa.

Kisianni pillaasarnermik inatsimmi § 223, imm. 1 assersuutigalugu angajoqqaarsiat aamma -meeqqat, ilinniartitsisut atuartullu aamma assigisaasa akornanni atassuteqaatit nalinginnaanerpaamik

siammarsimanerpaamillu paasinninneq malillugu pissaaneqassusermi naligiinngiffiusut, suleqatigiissitat isumaqarput. Inuk 18-it inorlugit ukiulik naligiinngiffiusumi allamik atassuteqaammi taamaattumiittoq, iliuutsinut kanngutsaatsuliorneq pillugu danskit eqqartuussisarnermik inatsisaanni § 232-imi ilaatinneqartunut, pinngitsuutitsissutaasussaajunnaarsitsisumik akuersissuteqaqqaartariaqanngitsoq, suleqatigiissitat isumaat malillugu tamatuma aamma kingunerisimavaa.

2.4.3. Justitsministeriap isumaliutiginninnera

Pinerluttulerinermi inatsimmi § 80, imm. 2, aamma § 84, imm. 1 pineqartillugit, eqqarsaatigisassat assingi atuuttut, Justitsministeria isumaqarpoq. Pinerluttulerinermi inatsimmi § 80, imm. 2 taamaalilluni assersuutigalugu angajoqqaarsiat -meeqqallu, ilinniartitsisut atuartullu aamma assigisaasa akornanni atassuteqaatit nalinginnaanerpaamik siammarsimanerpaamillu paasinninneq malillugu pissaaneqassusermi naligiinngiffiunerannik takutitsimmata, inuk 18-it inorlugit ukiulik, naligiinngiffiusumi allamik atassuteqaammi taamaattumiittoq, Justitsministeriap isumaa malillugu kanngutsaatsuliorneq pillugu pinerluttulerinermi inatsimmi § 84, imm. 1-imi iliuutsinut ilaatinneqartunut akuersissuteqaqqaarsinnaasariaqanngilaq.

2.4.4. Aaqquissuussineq siunnersuutigineqartoq

Kanngutsaatsuliorneq pinerluttulerinermi inatsimmi § 80, imm. 2-mut ilanngunneqassasoq tamanna tunngavigalugu siunnersuutigineqarpoq.

Aalajangersakkap atorneqarnissaanut suliassaqarfimmi aamma kanngutsaatsuliornerup ilaatinneqalernissaa allannguutissatut siunnersuutigineqartup kingunerissavaa. Pissusilersuutit/iliuutsit pinerluttulerinermi inatsimmi § 84, imm. 1-imi unioqqutitsinerusut, pinerluttuliortup pinerlineqartullu akornanni atassuteqaat aalajangersakkap atorneqarnissaanut suliassaqarfimmut ilaatinneqarpat, taamaalilluni siunissami pinerluttulerinermi inatsimmi § 80, imm. 2-p ataanut inissinneqartussaassapput.

Siunissami assersuutigalugu ilinniartitsisup atuortoq iliuutsimik kanngutsaatsuliorneritut pissusilimmik iliuuseqarfigippagu, atuartup akuersitinneqaqqaarsimanera apeqqutaatinnagu pinleruttulerineq pillugu inatsiseqartitsineq malillugu akisussaatinneqarsinnaaneq allannguutissatut siunnersuutigineqartup kinguneraa. Taamaalilluni pinerluttulerineq pillugu inatsiseqartitsinermi akisussaataanerme pinerlineqartup iliuutsinut pineqartunut qanoq inissisimanera apeqqutaasussaangilaq, aamma taamaalilluni assersuutigalugu iliuutsit kannguttaalliorfiginninnerusut inuusuttup inassuteqarneratigut pinerat pinerluttulerineq pillugu inatsiseqartitsinermi akisussaasuunermut pingaaruteqartussaangillat.

Ullumikkut pinerluttulerinerme inatsimmi § 80, imm. 2-mi inuit ilaatinneqartut inatsisissatut siunnersuutikkut allanngortinneqarnissaat siunertarineqangilaq.

Angajoqqaarsiaq, ilinniartitsisoq assammik arsarnermi sungiusaasoq il. il., kinguaassiuutinut tunngassunik imalinnik sms-erluni atuartumut 18-iliisimannigsumut oqariartuuteqartoq, § 80, imm. 2 malillugu pinerluttulerineq pillugu inatsiseqartitsineq malillugu akisussaataasinnaasooq tamatuma kinguneraa. Iliuuseq kinguaassiuutinut tunngasutut pissuteqartillugu, iliuutsinut § 84, imm. 1-imi ilaatinneqartunut, assersuutigalugu attualaarinerlut, “allatut kinguaassiuutitigut atassuteqarnernut” ilaatinneqangitsunut, nalikkaanik takoqqusaarnernik il. il., assinganik tamanna atuutisooq. Iliuutsip kinguaassiuutinut pissutsinut attassuteqaateqarnissaa aamma naleqquttumik ingasassuseqarnissaa § 80, imm. 2-p atorneqarsinnaanissaanut piunasaqaataassaaq.

2.5. Pinerluttulerinerme inatsimmi § 82, imm. 1-imi, § 85, imm. 1-imi, 2-mi aamma 4-mi, aamma § 93, imm. 1-imi aamma 2-mi aamma eqqartuussisarnermik inatsimmi §384, imm. 1, nr. 3-mi, § 385, imm. 1, nr. 3-mi aamma § 386, nr. 3-mi oqaatsinik atuinerup nutarterneqarnera

2.5.1. Inatsisit atuuttut

Inuk, pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorluni iliuseqarpat, inuup 18-it inorlugit ukiullip isiginnaartitsinerni pornografiskini peqataaneranut suleqataasoq, inummik inuusuttumik atonerluisutut pinerluttulerinermi inatsimmi § 82, imm. 1 malillugu eqqartuunneqassaaq.

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugu inatsisikkut (Kinguaassiuutitigut pinerluttarnerit il. il.) nr. 168-ikkut, 27. februar 2019-imeersukkut aalajangersagaq pinerluttulerinermi inatsimmi ilanngunneqarpoq.

Oqariartaaseq “isiginnaartitsinerni pornografiskini” pineqartillugu ilaatigut atoqatiginninneq, allatut kinguaassiuutitigut atassuteqarneq atoqatiginninnerunngitsoq imaluunniit ingasattumik innimiilliorneq, soorlu kinguaassiuutit takutinneqarnerat imaluunniit attuinerit kinguaassiuutinik sunniisut pineqarnerisut pingaartinneqartariaqassasut, aalajangersakkamut oqaaseqaatini takuneqarsinnaavoq. Isiginnaartitsineq aalajangersakkamut ilaatinneqartoq aallaavimmigut “isiginnaartoqarluni isiginnaartitsinerussaaq”, isiginnaartunut najuuttunut toqqaannartumik pisoq. Kinguaassiuutitigut tunngasunik toqqaannartumik isiginnaartunut isiginnaartitsineq, inummut 18-it inorlugit ukiulimmut, assersuutigalugu isertuannngitsunik kinguaassiuutit takutinneqarnerisigut isiginnaartitsineq pippat, taamaalilluni isiginnaartitsinertut pornografiskit taaneqassalluni, immini annertuumik innarliinertut nalinginnaasumik isigineqartariaqarpoq. Aalajangersagaq suliasaatsit malillugit taamaalilluni kinguaassiuutinut tunngassuteqartumik isiginnaartitsinernut arlalinnut assigiinngitsunik ilusilinnut ilaatitsimmat, matumani pisut pineqartup aliikkusersuilluni atisaajarnera imaluunniit mattaangalluni qitinnernik allatut ilusilinnik isiginnaartitsinera ilanngullugit, aammattaaq takuneqarsinnaavoq, tak. Folketingstidende 2018-19 (katersugaatit siulliit), A, L 123 saqqummiunneqartut, qupperneq 25.

Inuk inuit 18-it inorlugit ukiullit pillugit assinik imaluunniit filminik, assilillugit sanaqqiinernik takusassianik assigisaanilluunniit allanik

pornografiskinik assigisaannilluunniit siaruarterisoq, meeqqat pillugit pornoliortutut eqqartuunneqassaaq.

Inummut, inunnik 18-it inorlugit ukiulinnik assinik filminilluunniit pornografiskinik, takusassianik assilillugit sanaqqiinernik pornografiskinik allanik assigisaanilluunniit piginnittumut imaluunniit akiliilluni interneti imaluunniit paasissutissanik siaruarterinermut systemi assingusoq atorlugu ilisimasaqalersumut, § 85, imm. 2 malillugu tamanna aamma atuuppoq.

Aammattaaq, pinerluttuliortup pineqartup ukiui nalunngippagit tamatumunngalu tunngatillugu mianersuaalliorluni iliuuseqarpat, inummik 18-it inorlugit ukiulimmik, atortussat tuniniarneqarnissaat allatulluunniit siaruarterneqarnissaat siunertaralugu inuk assinik pornografiskinik, filminik assigisaanilluunniit immiussisoq, § 85, imm. 4 malillugu eqqartuunneqassaaq.

Aalajangersakkat oqaasertaat kingusinnerpaamik Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (Kinguaassiuutitigut pinerluttarnerit il. il.) allanngortinneqarput, tassani Folketingstidende 2018-19 (katersugaatit siulliit), A, L 123 saqqummiunneqarsimasumi, qupperneq 17 malillugu oqaatsitigut nutarterinermut ilaatillugu »kinguaassiuutitigut inuunerlunnermut tunngasunik« »pornografiskimik« taarserneqarluni. Oqaatsit imarisaasa nutarterneqarnerat, 2013-imi danskit pillaasarnermik inatsisaanni kapitali 24-imi nutarterinerup suliarineqartup assinganik tunngaveqarpoq, tak. inatsit nr. 633, 12. juni 2013-imeersoq, taamaalillunilu tamanna pillugu aalajangersakkami pinerluuteqarnerup imarisaanik allannguinnissaq taamaaliornikkut siunertarineqanngilaq.

Inuk, inummik inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik tiguisoq, tassani 1) § 91 malillugu inatsisit unioqqutillugit pinngitsaaliisoqarluni, 2) § 92, 1, oqaaseqatigiit 3. malillugu nammineersinnaajunnaarsitsisoqarluni, 3) § 98 malillugu siorasaarisoqarluni, 4) paasinerluinermik inatsisinut akerliusumik

pilersitsisoqarluni, sakkortusaasoqarluni atornerluisoqarluni imaluunniit 5) pineqartup akissarsiutigalugu atortittartuunissaa, assinik filminilluunniit pornografiskinik immiusseqataanissaa, pornografiskimik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu allatut ileqqussaangitsumik suleriaaseqartoq, pinerluttulerinermi inatsimmi § 93, imm. 1 malillugu inunnik tuniniaasutut eqqartuunneqassaaq.

Inuk pineqartup akissarsiutigalugu atortittartuunissaa, assinik filminilluunniit pornografiskinik immiusseqataanissaa, pornografiskimik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu atornerlunneqarnissaa, 1) inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik 18-it inorlugit ukiulimmik tiguisoq imaluunniit 2) inuk, pinerlineqartumik oqartussaasup akuersissuteqarnissaa anguniarlugu akiliisoq imaluunniit allatigut iluaqutissiisoq, aamma inuk, taamaattumik akiliummik allatulluunniit iluaqutissiissummik tiguisoq, § 93, imm. 2 malillugu assigisaanik eqqartuunneqassaaq.

Aalajangersakkap oqaasertai Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnera pillugu inatsisikkut nr. 168-ikkut, 27. februar 2019-imeersukkut (Kinguaassiuutitigut pinerluttarnerit il. il.) nutarterneqarput, taamaalilluni »kinguaassiuutitigut assuarnartumik pissuseqarneq« »akissarsiutigalugu atortittarneq, assilisanik filminilluunniit pornografiskinik, pornografiskimik pissusilersornermik isiginnaartitsineq«-inermut allanngortinneqarluni.

“Assilisanik filminilluunniit pornografiskinik immiussinerit” pornografiskimik pissusilersornermik isiginnaartitsinerit« inummik 18-it inorlugit ukiulimmik assinik, filiminik assigisaanilluunniit immiussinerit

pillugit § 85, imm. 4-mut naapertuuttumik paasineqassaaq, “Pornografiskimik pissusilersornermik isiginnaartitsineq” inummik 18-it inorlugit ukiulimmik assinik, filminik assigisaannillu pornografiskimik immiussinerit pillugit peqataaneq pillugu § 82-itut siunnersuutigineqartumi oqariartaatsit paasineqassaaq, tak. Folketingstidende 2018-19 (katersugaatit siulliit), A, L 123 saqqummiunneqarsimasumi, qupperneq 31.

Eqqartuussisarnermik inaatsimmi § 384, imm. 1, nr. 3 malillugu politiinit qinnutigineqarnera malillugu tunngavilersugaasumik aalajangiinikkut, ilungersunartumik inatsimmik unioqutitsinermut imaluunniit pornonut meeqqanik inuttalersukkanut, paasiniaaneq tunngassuteqarpat, tigummigallaasinnaasunut, ammaasinnaasunut aamma tamakkua imarisaannik misissuisinnaasunut, allakkat (allakkanik ammaaneq) aamma nassiussat allat politiinut tunniunneqassasut, eqqartuussivimmit aalajangerneqarsinnaavoq.

Eqqartuussisarnermik inaatsimmi § 385, imm. 1, nr. 3 malillugu politiinit qinnutigineqarnera malillugu tunngavilersugaasumik aalajangiinikkut, immikkut ilungersunartumik inatsisinik unioqutitsinermut, eqqissinermik innarliinermut imaluunniit pornonut meeqqanik inuttaligaasunut paasiniaaneq tunngassuteqarpat, politiit, piffissap sukumiinerusumik aalajangersagaasup iluani, oqarasuaatinut aamma oqarasuaatiniit pisunik, oqarasuaatinut, allanulluunniit oqarasuaatinut assingusunut attaveqatigiissutinut naalaarnissamut (oqarasuaatinut naalaarnissamut) periarfissinneqassasut eqqartuussivimmit aalajangerneqarsinnaavoq.

Eqqartuussisarnermik inaatsimmi § 386, nr. 3 malillugu politiinit qinnutigineqarnera malillugu tunngavilersugaasumik aalajangiinikkut, immikkut ilungersunartumik inatsisinik unioqutitsinermut, eqqissinermik innarliinermut imaluunniit pornonut meeqqanik inuttaligaasunut paasiniaaneq tunngassuteqarpat, politiit, piffissap sukumiinerusumik aalajangersagaasup iluani, oqarasuaammut imaluunniit attaveqatigiissummut atortumut allamut aalajangersimasumut attaveqaataanera imaluunniit attaveqaataasimanera pillugit paasissutissanik katersinissamut, politiit periarfissineqassasut eqqartuussivik aalajangiisinnaavoq.

2.5.2. Digitalimik kanngunarsaanerit pillugit suleqatigiissitat isumaliutiginninnerat

Nunat tamat akornanni ukiuni kingullerni »pornografiimik meeqqanut tunngasumik« oqaatsit imarisaat atorneqarnerat pillugu annertusiartortumik ukkatarinnittoqarnerulersimasoq, digitalimik kanngunarsaanerit pillugit suleqatigiissitat nalunaarusiaminni tikkuarsimavaat.

Taaguut »pornografiimik« filmiliat, assit imaluunniit sanaartornerit allat, isiginnaartumik kinguaassiuutitigut tissannermik sunniuteqartut pillugit atorneqartut, suleqatigiissitat nalunaarusianni taamaalilluni takuneqarsinnaavoq. Taamaattoq taaguutip tamatuma saniatigut nalinginnaasumik inersimasunik, taakkua tamanut saqqummiunniarlugit nammineq kajumissusertik malillugu kinguaassiuutitigut tunngassuteqartunik assini, filmini assigisaanniluunniit inuttalinnik, atortussat pineqarnerat pillugu piumasaqaat ilaasoq, suleqatigiissitat aamma inerniliuppaat.

Danskit pillaaasarnermik inatsisaanni taaguummi »pornografiimik«, taamaammat suleqatigiissitat isumaat malillugu atortussat pineqartut, meeqqat kinguaassiuutitigut innarlerneqarnerannut aamma/imaluunniit meeqqat kinguaassiornermut tunngasunngortinneqarnerannut uppersaataasinnaanerat pillugu, ilungersunartoqarnerata soqutaanngitsunngortinneqarnissaa aarlerinaateqalersippaa. Aammattaq taaguutip »pornografiimik« tamatuma saniatigut kinguaassiuutitigut innarliinerup meeqqamit akuersissutigineqarneratigut pisimanerintut pasisaarutigineqarsinnaanerata, taamaalillutillu inatsisitigut akuerisaasunik kinguaassiuutitigut atortussatut pineqarsinnaanerata, suleqatigiissitat inerniliuppaat.

Tamatuma saniatigut taaguut »meeqqat peqatigalugit kinguaassiuutitigut innarliinerut atortussat« meeqqat kinguaassiuutitigut atoqatiginninnermi peqataatinneqarnerat pillugu allaaserinninnermi annertunerujartortumik atorneqarnera suleqatigiissitat maluginiarpaat.

Inatsisiliormi taaguutit allanngortinneqarnerat, suleqatigiissitat isumaat malillugu pisuni allani qanoq iliornerup taaneqarneranut sunniuteqarsinnaavoq. Assit, filmiliat il. il., meeqqamik 15-it inorlugit ukiulimmik takutitsisut pineqarpata, nalinginnaanerpaamik siammarsimanerpaamillu paasinnineq malillugu innarliinermut atortussat pineqarmata, tassami meeraq kinguaassiuutitigut iliuitsimut atuuttumik akuersissuteqaqqaarsinnaangimmat, tassunga atatillugu suleqatigiissitat maluginiarpaat.

Taamaattoq danskit pillaasarnermik inatsisaanni aamma aalajangersakkani atortussanik, inunnik 15-ileereersimasumik kisianni 18-it inorlugit ukioqartunik, siammarterineq, pigisaqarneq il. il. ilaatinneqarmata, suleqatigiissitat eqqumaffigaat. Assersuutigalugu inummik 15-ileereersimasumik, nammineq piumassutsini malillugu atoqatigiinnermi peqataasumik assit pineqarpata, taamaalilluni taaguut »innarliinermut atortussat« eqqunngitsuusinnaasoq, tassami atortussat imminni innarliinermik takutitsisariaqannginnerat, suleqatigiissitat inerniliuppaat.

Danskit pillaasarnermik inatsisaanni §§ 226-mi, 227-mi aamma 235-mi kinguaassiuutitigut innarliinermut atortussat aammalu kinguaassiuutitigut atortussat allaanerusut, inummik 18-it inorlugit ukiulimmik takutitsisut, kisianni inummik atoqateqarsinnaatitaalersinnani inuup minnerpaamik ukiorisassai qaangerlugit ukioqartunik ilaaffigineqartut, danskit pillaasarnermik inatsisaanni taaguusersuinerup erseqqissartariaqaraa, tassunga atatillugu suleqatigiissitat isumaqarput. Tamanna tunngavigalugu pillaasarnermik inatsimmi §§ 226, 227 aamma 235 allanngortittariaqartut, taamaalilluni oqaaseq »pornografiimik« peerneqassalluni paarlaallugu aalajangersakkat oqaasertaanni atortussat kinguaassiuutitigut atortussanik imaqartut pineqarnerat takuneqarsinnaassasoq, suleqatigiissitat innersuussutigaat.

2.5.3. Justitsministeriap isumaliutiginninnera aqqissuussinerlu siunnersuutigineqartoq

Inatsimmi pornografiimik meeqqanut tunngasumik taaguusersuinerup kinguaassiuutitigut innarliinermut tunngassuteqartunik

allanngortinneqarnissaa pillugu digitalimik kanngunarsaanerit pillugit suleqatigiissitat isumaliutiginninnerat taamatutaaq Kalaallit Nunaannut atuuttoq, Justitsministeria isumaqarpoq.

Pinerluttulerinermi inatsimmi aalajangersakkani taaguutit pornografiimik meeqqanut tunngasumik, inuit 18-it inorlugit ukiullit assingi filmillu pornografiskit il. il. oqaatsitigut allanngortinneqartariaqartut, taamaalilluni “pornografiimik meeqqanut tunngasumik” aamma “pornografiskimik” “kinguaassiuutitigut inarliinermut tunngassuteqartunut” allanngortinneqartariaqarnerat, tamanna tunngavigalugu Justitsministeriap nalilerpaa.

Pinerluttulerinermi inatsimmi § 82, imm. 1, 85, imm. 1, 2, aamma 4, aamma 93 a allanngortinneqassasut siunnersuutigineqarpoq, taamaalilluni “pornografiimik meeqqanut tunngasumik” aamma ”pornografiskimik” peerneqassallutik, aamma tassunga taarsiullugu aalajangersakkat oqaasertaani atortussat kinguaassiuutitigut atoqatigiinnermik imallit pineqarnerat takuneqarsinnaalissalluni.

Pinerluttulerinermi inatsimmik allannguinissamik siunnersuutip kingunerisaatut, eqqartuussisarnermik inatsimmi § 384, imm. 1, nr. 3, § 385, imm. 1, nr. 3 aamma § 386, nr. 3 allanngortinneqassasoq taamaalilluni ”pornografiimik meeqqanut tunngasumik” atorunnaarlugu, aammalu taarsiullugu, inummik inuusuttuaqqamik kinguaassiuutinut tunngasunik imalinnik atortunik siaruarterineq pineqarmat, aalajangersakkat oqaasertaasigut ersissasoq aammattaaq siunnersuutaavoq.

Atortussat, aalajangersakkanut ilaatinneqartut, pornografiskimik filmit, assit il.il., inersimasunik takutitsisut, peqataanissamut akuersissuteqaqqaarsimasut paarlaanneqannginnissaat, aalajangersakkat oqaasertaasa allanngortinneqarnissaannut siunnersuutit erseqqissassavaat.

Meeqqat 15-it inorlugit ukiullit pillugit assit kinguaassiuutinut tunngassuteqartut kinguaassiuutitigut innarliineq takutissagaat, tassunga atatillugu maluginiarneqassaaq, tassami meeraq kinguaassiuutitigut iliuseqarnermi immiussinermiluunniit atuuttumik

akuersissuteqarsinnaangilaq. Atortussat taamaattut taamaammat meeraq peqatigalugu kinguaassiuutitigut inaarliinermut atortutut taaneqassapput. Taamaattoq meeqqamik piviusuunngitsumik takuneqarsinnaasunik assilillugit sanaqqitat ilaat aamma pinerluutinngortinneqarmata maluginiarneqassaaq, aamma takuneqarsinnaasunik assilillugit sanaqqitat taamaattut taamaallaat piviusuunngitsumik kinguaassiuutitigut innarliinermik takutitsissappata. Meeraq tunngaviusumik nammineerluni – inuup allap peqataaffiginngisaanik – imminut kinguaassiuutitigut innarliinermut tunngassuteqartunik atortussanik sanasinnaammat aammattaaq maluginiarneqassaaq. Atortussat taamaattut soorunami aamma kinguaassiuutitigut innarliinerit takutissanngilaat.

Kinguaassiuutitigut innarliinermut atortussat aamma atortussat kinguaassiuutitigut atoqatigiinnermik imallit akornanni immikkoortitsineq pinerluttulerinerimi inatsimmi § 82, imm. 1-imut, aamma § 93, imm. 1-imut aamma 2-mut aammattaaq eqqartuussisarnermik inatsimmi § 384, imm. 1, nr. 3-mut, § 385, imm. 1, nr. 3-mut aamma § 386, nr. 3-mut atatillugu taamatutaaq atorneqartussaassaaq.

Aalajangersakkani pinerluuteqarnerni imarineqartut siunnersuutikkut allanngortinneqarnissaat siunertarineqanngilaq.

2.6. Pinngitsuusaarluni atoqateqarnerup allatulluunniit kinguaassiuutitigut atassuteqarnerup pinngitsaaliinermut naligiissinneqarnera

2.6.1. Inatsisit atuuttut

Inuk inummik taamaaliorfigineqarnissamut akuersissuteqaqqaarsimanngitsumik atoqatiginnittoq allakkulluunniit kinguaassiuutitigut atassuteqartoq, pinerluttulerinerimi inatsimmi § 77, imm. 1 malillugu pinngitsaaliisutut eqqartuunneqassaaq.

Pinerluttulerinerimi § 77, imm. 1-ip massakkut oqaasertalerneqarnera inatsisikkut nr. 414, 25. april 2023-imeersukkut oqaasertalerneqarpoq, taannalu ilaatigut danskit pillaasarnermik inatsisaanni nammineq

kajumissuseq tunngavigalugu pinngitsaaliineq pillugu aalajangersagaq pillugu Straffelovråd-ip isumaliutissiissutaanit 1574/2020-imeersumit tunngaveqarpoq.

Pisumi aalajangersimasumi pissutsit aallaavigalugu naliliinikkut, akuersissuteqaqqaarnissaq nammineq kajumissuseq tunngavigalugu tunniunneqassasoq aamma pineqartup nammineq kajumissusaanik takutitsissasoq, aalajangersakkamut oqaaseqaatini ilaatigut takuneqarsinnaavoq. Akuersissuteqaqqaarneq oqaatsikkut iliuutsikkulluunniit takutinneqarsinnaavoq. Akuersissuteqarnerup toqqaannartumik imaluunniit allakkut aalajangersimasumik periaaseqarluni takutinneqarnissaa piumasaqaataangilaq. Pinngitsaaliinermik aalajangersagaq malillugu akuersissuteqaqqaarneq taamaalilluni aalajangersimasumik najoqqutaqarnani aamma piviusumik ataatsimullu naliliinikkut nalilerneqassaaq. Inuup atoqatiginninnermut ilaanissaminik isummernissamut periarfissinneqarsimanissaa pingaaruteqarpoq, tak. Folketingstidende 2022-23 (katersugaatit aappaat), A, L 49 saqqummiunneqartutut, quppernerit 31 aamma 32.

Akuersissuteqaqqaarneq – ingammik inatsisitigut isumannaatsuunissap aallaavigineqarnera eqqarsaatigalugu – inuup kinguaassiuutitigut iliuuseqarnermi peqataanera pillugu paasissutissat aallaavigalugit, matumani inuup oqaatigisai iliuusaalu, aamma inuup nammineq qamuuna isumaata aallaavigineqannginnera ilanngullugu, kinaassusersiunngitsumik nalilerneqassasoq, aammattaaq aalajangersakkamut oqaaseqaatini allaqqavoq.

Pissut, pineqartup atoqatiginninnermut peqataaniarluni allatulluunniit kinguaassiuutitigut atassuteqarnermut akuersissuteqarneranut pingaaruteqarsinnaasoq una, inuup pissutsinik arlalinnik tamakkiisumik ilisimasaqarsimannginnerata imaluunniit paasisimasaqarsimannginnerata, kinguaassiuutitigut suliniarnermi akuersissuteqaqqaartoqarsimannginneranik kinguneqartariaqannginnera, oqaaseqaatini suliat malillugit tamatuma kinguneraa. Pisuni inuup

assersuutigalugu ukiut, killiffik, suliaq assigisaalluunniit pillugit ilumuunnngitsumik oqaatiginninnikut »peqqusersusaarluni« atoqatigineqarnerani allatulluunniit kinguaassiuutitigut atassuteqarnerani, atoqatiginninneq akuersissutitaqartumik naammassineqarsimasutut isigisariaqarpoq, tak. Folketingstidende 2022-23 (katersugaatit aappaat), A, L 49 saqqummiunneqartutut, qupperneq 32.

Allaasorinninnerup atonerlunneqarneratigut atoqatiginninneq allatulluunniit kinguaassiuutitigut atassuteqarneq pillugu ullumikkut pinerluttulerinermi inatsimmi immikkut ittumik aalajangersakkamik peqanngilaq, kisianni pissutsit taamaattut taamaattoq pisut malillugit pinerluttulerinermi inatsimmi kanngutsaatsuliorneq pillugu § 84, imm. 1-imi ilaatinneqarsinnaassapput.

2.6.2. Justitsministeriap isumaliutiginninnera

Pillaasarnermik inatsisip aamma eqqartuussisarnermik inatsisip allanngortinneqarnera pillugu inatsisikkut nr. 741-ikkut 13. juni 2023-imeersukkut (Digitalimik kanngunarsaanerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup (grooming) inerteqqutinngortinneqarnera, pinngitsuusaarluni atoqateqarnerup pinngitsaaliinermut naligiissinneqarnera, atoqateqarniarluni allatulluunniit kinguaassiuutitigut atassuteqarniarluni upperisarsiortut aqutsisuata upperisarsiortut pisariaqartitsinerannik imaluunniit pinngitsuuisinnaannginnerannik atonerluineq il. il.) pinngitsaaliineq pillugu danskit pillaasarnermik inatsisaanni § 216 annertusineqarpoq, tassani aamma pinerluttuliortup inummik, pinerluttumik allaasorinnittumik pinngitsuusaarluni atoqateqarnera ilaatinneqalerluni.

Pinerlineqartup pinerluttuliortoq allaasoralugu pisumi tassanerpiaq kukkuneranik pinerluttuliortup atonerluinerani, pinngitsuusaarluni atoqateqarnermi, pinngitsuusaarluni atoqateqarneq allatulluunniit kinguaassiuutitigut atassuteqarneq akuersissuteqaqqaarnissaq pillugu pinngitsaaliineq pillugu aalajangersakkap siunertaanut akerliusutut

paasineqarsinnaasoq, taassani inuk pineqartup atoqatiginninnermi isummernissaminut periarfissinneqartussaalluni, tassami pinerluuteqartoq malunnaarsaarnermigut pinerlineqartup nammineerluni kimik atoqateqarnissaminik aalajangiinissamut periarfissaanik arsaassammagu, Justitsministeria isumaqarpoq. Taamaalilluni Justitsministeriap naliliinera malillugu kinguaassiuutitigut nammineq aalajangiisinnaatitaanermut pinngitsuusaarluni atoqatiginninneq ingasattumik innarliineruvoq, akuersissuteqaqqaarnissamut tunngaveqarneq pillugu aalajangersagaq malillugu pinngitsaaliinerit suussusaasa ilaannut naligiissinneqarsinnaasoq. Atoqatigiinnissamut akuersissuteqaqqaarnissap saniatigut taamaalilluni pinngitsaaliisutut eqqartuussisoqassanngippat, inummut atoqatigineqartumut aamma atoqatigiinnissamut akuersissuteqaqqaartoqarnissaa piumasaaqatigineqartariaqarpoq.

Eqqarsaatigisassat assingi Kalaallit Nunaannut atuuttut, Justitsministeria isumaqarpoq. Tamanna tunngavigalugu pinerlineqartup pinerluttuliortoq allaasoralugu kukkuneranik atonerluineratigut pinngitsuusaarluni atoqateqarneq allatulluunniit kinguaassiuutitigut atassuteqarneq siunissami pinerluttulerinnermi inatsimmi § 77, imm. 1 malillugu pinngitsaaliinermut naligiissinneqartariaqartoq Justitsministeria isumaqarpoq.

2.6.3. Aaqqissuussineq siunnersuutigineqartoq

Pinerluttulerinnermi inatsimmi § 77, imm. 1-imi uniffimmik nutaamik ilanngussisoqarnissaa siunnersuutigineqarpoq, taava inuk inummik pinerluttumik allaasorinnittumik pinngitsuusaarluni atoqatiginnittoq allatulluunniit kinguaassiuutitigut atassuteqartoq, akuersissuteqaqqaarnissamik aalajangersakkami periaaseq malillugu pinngitsaaliisutut eqqartuunneqassaaq.

Inummik pinerluttumik allaasorinnittumik pinngitsuusaarluni atoqatiginninneq allatulluunniit kinguaassiuutitigut atassuteqarneq, akuersissuteqaqqaarnissamik aalajangersakkami periaaseq malillugu pinngitsaaliinermut naligiissinneqassasoq, taamaalilluni pinngitsuusaarluni atoqatiginninneq siunissami pinngitsaaliinertut nalilerneqassalluni,

taamaalilluni inummik pinerluttumik allaasorinnittumik pinngitsuusaarluni atoqatiginninneq allatulluunniit kinguaassiuutitigut atassuteqarneq, aalajangersagassatut siunnersuutigineqartup kingunerissavaa.

Peqquserlunneq allatut iluseqartoq kisianni ilaatinneqassanngilaq. Assersuutigalugu kinaassutsip salluliutigineqarnera imaluunniit pisoorsuurtut ilisarismaneqarluartutulluunniit pisuusaarnikkut pinerluttuliortup atoqatiginninnera taamaalilluni malittarisassaq malillugu pinerluutinngortinneqassanngilaq, tak. kinguaassiuutitigut pinerluuteqartarnerit pillugit Straffelovråd-ip isumaliutissiissutaani nr. 1534/2020-mi, qupperneq 43.

pinerluttuliortoq allaasoralugu pinerlineqartup kukkunera aalajangiisuusoq atonerlunniarlugu pinerluttuliortup siunertaqarluni iliuuseqarsimanissaa, nammineq isuma malillugu piumasaqaataavoq.

Akuersissuteqaqqaarnissamik tunngavilimmik pinngitsaaliineq pillugu aalajangersagaq, aamma akuersissuteqaqqaarnissaq pillugu oqaatsip imarisaa aalajangersarneqareersoq pinerluttulerinermi inatsimmi § 77, imm. 1-imiittoq, allannguutip attussanngilaa.

2.7. Meeqqamik atoqateqarneq pillugu pinerluttulerinermi inatsimmi § 77, imm. 2-p allanngortinneqarnera

2.7.1. Inatsisit atuuttut

2.7.1.1. Pinngitsaaliineq pillugu pinerluttulerinermi inatsimmi § 77

Inummik tassunga akuersissuteqaqqaarsimanngitsumik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Aammattaaq, inuk meeqqamik 12-it inorlugit ukiulimmik atoqateqartoq allatulluunniit kinguaassiuutitigut atassuteqartoq, § 77, imm. 2 malillugu pinngitsaaliisutut eqqartuunneqassaaq.

Meeqqamik 12-it inorlugit ukiulimmik atoqatiginninnerit allatulluunniit kinguaassiuutitigut atassuteqarnerit suugaluartulluunniit pinerluttulerinermi inatsimmi § 77, imm. 2-mi ilaatinneqarput, tassani pinerluttuliortoq meeqqap 12-it inorlugit ukioqarnera eqqarsaatigalugu iliuuserisaminut siunertaqarsimassaaq. Meeqqap ukiuinut tunngatillugu pinerluttuliortoq taamaallaat mianersuaalliorsimappat, tassunga taarsiullugu meeqqamik 15-it inorlugit ukiulimmik atoqateqarneq pillugu pinerluttulerinermi inatsimmi § 79-imut atassuteqarneq ilaatinneqassaaq. § 77, imm. 2-p aamma § 77, imm. 1-ip akornanni (akuersissuteqaqqaarnissaq tunngavigalugu pinngitsaaliineq) aporaatsillugit eqqartuussisoqarsinnaavoq.

2.7.1.2. Meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pillugu pinerluttulerinermi inatsimmi § 79

Atassuteqarneq § 77, imm. 2-mi ilaatinneqanngippat, pinerluttuliortup meeqqap ukiui imaluunniit tamatumunnga tunngatillugu mianersuaalliorsimaguni, inuk meeqqamik 15-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, meeqqamik kinguaassiuutitigut atassuteqarneq pillugu pinerluttulerinermi inatsimmi § 79 malillugu eqqartuunneqassaaq.

Taamaalilluni meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluttulerinermi inatsimmi § 79 malillugu piumasaqaatitaqanngitsumik inerteqqutaavoq. Meeqqap akuersissuteqaqqaarsimanissaa pingaaruteqanngilaq, aamma akisussaanerup nalilerneqarnerani, akuusut arlaata atoqatiginninneq aallarnersimaneraa, imaluunniit atonerluineq pineqarsimanersoq pingaaruteqanngilaq.

Pinerluttulerinermi inatsiseqartitsineq malillugu § 79 malillugu akisussaaneq, meeqqap ukiuisa eqqarsaatigalugu siunertaqarluni iliuuseqarnermik pissuteqartinneqanngilaq. Taamaalilluni pinerluttuliortoq meeqqap ukiui eqqarsaatigalugit mianersuaalliorsimasoq, aalajangersagaq malillugu aamma pinerluttulerinermi inatsiseqartitsineq malillugu

akisussaatinneqarsinnaavoq. Meeqqamik 12-it inorlugit ukiulimmik atoqateqarnek allattulluunniit kinguaassiuutitigut atassuteqarnek pillugu pinerluttulerinermi inatsimmi § 77, imm. 2-mut tunngatillugu § 79-imi aalajangersagaq pingaannginneruvoq, aamma meeraq 12-it inorlugit ukioqarpat, aamma pinerluttuliortoq tassunga atatillugu siunertaqarluni iliuuseqarpat, taamaalilluni § 79 unioqqutinneqarnera pillugu aappiullugu eqqartuussisoqassanngilaq. Meeqqap ukiui eqqarsaatigalugit siunertaqaqqaarani siunertaqaqqaannginnerup malitsigisaanik meeqqamik 12-it inorlugit ukiulimmik atoqateqarnek allattulluunniit kinguaassiuutitigut atassuteqarnek, § 77, imm. 2 malillugu pinerluutinngortinneqanngippat, § 79 kisianni atorneqarsinnaassaaq.

2.7.1.3. Meeqqamik 15-it inorlugit ukiulimmik allatut kinguaassiuutitigut atassuteqarnek pillugu suliani unnerluussisoqannginnissaa

Unnerluussisoqannginnissaa pillugu malittarisassat atuuttut malillugit, Kalaallit Nunaanni malillugu suliani meeqqamik 15-it inorlugit ukiulinnik atoqatiginninnermik aamma allatut kinguaassiuutitigut atassuteqarnermik tunngassuteqartuni, pinerlineqartoq 12-it sinnerlugit ukioqarpat, pasisarlu 22-inik ukioqalersimanngippat, unnerluussisoqannginnissaa nalunaarutigineqassaaq, tak. politiit pisortaata aamma naalagaaffiup unnerluussisuisa unnerluussisoqannginnissamik atuisinnaatitaaneri pillugit peqqussummi nr. 1532, 16. december 2022-imeersumi § 1, imm. 1, nr. 3. Pasineqartup pinerlineqartullu ineriartormikkut inissisimaffii aamma ukiui kiisalu imminnut ukiumikkut assigiinngissutaat pillugit paasissutissat tunngavigalugit, kinguaassiuutitigut atassuteqarnek tamakkiisumik aamma nammineq kajumissuseq tunngavigalugu pisimanerata ilimagineqarnissaa, aamma akuusut akornanni atassuteqarnek allakkut naammattumik naligiissutut isigineqarnissaa tassunga piumasaqaataavoq.

2.7.2. Justitsministeriap isumaliutiginninnera

Pillaasarnermik inatsisip, eqqartuussisarnermik inatsisip aamma danskisut innuttaassusilinnut passi pillugu inatsisip il. il. allannngortinneqarnerat pillugu inatsisikkut nr. 226-ikkut, 15. februar 2022-imeersukkut (Meeqqanut kinguaassiuutitigut innarliisarnerit akiorniarlugit suliniutit

patajaallisarneqarnerat aamma kinguaassiuutitigut innarliinernit eqqugaasunut siunnersuisarnerup patajaallisarneqarnera) danskit pillaaasarnernik inatsisaanni § 216, imm. 2 annertusineqaroq, tassani pisoq inuup, 22-inik ukioqalereersimasup meeqqamik 15-it inorlugit ukiulimmik atoqateqarnera ilaatinneqalerluni.

Kinguaassiuutitigut suliaqarnermi akuusut arlaata nammineq piunassutsimini malillugu akuersissuteqaqqaanngippat, pinngitsaaliineq pineqassaaq. Meeraq 15-it inorlugit ukiulik inersimasumik meeqqamit annertuumik utoqqaanerusumik kinguaassiuutitigut atassuteqarnermut akuersissuteqarsinnaanngitsoq, tassunga atatillugu Justitsministeria isumaqarpoq.

Taamatut kinguaassiuutitigut atassuteqarneq pinngitsaaliinertut pinerluutinngortinneqartariaqartoq, soorlu meeqqamik 12-it inorlugit ukiulimmik atoqatiginninnerit suugaluartulluunniit aamma taama pineqartartut, taamaammat justitsministeria isumaqarsimavoq. Allanguinermi taamaattumi suliani ilungersunannginnerusuni soorlu assersuutigalugu nammineq kajumissuseq malillugu ukioqatigiillutik pissiariit akornanni, assersuutigalugu taama tulleriillutik, 13-iniit 14-inut aamma 15-iniit 16-inut ukiullit, atoqatigiinneranni, naleqqutinngitsumik sukannernerulersitsisoqannginnissaata pinissaata imaluunniit taaguusersuineri allanguisoqannginnissaata eqqarsaatigineqarsimanagera, tassunga atatillugu pingaaruteqarpoq.

Qaqugukkut meeqqap inersimasullu akornanni atassuteqarneq oqaatsip isumasiornera malillugu ima naligiinngitsiginersaq pillugu, nammineq kajumissuseq malillugu akuersissuteqaqqaarnissap pinngisaannarnissaanut tunngatillugu oqartoqarsinnaalernissami, meeqqamit kinguaassiuutitigut atassuteqarnermi naleqquttumik ukioqarnissamut killissarititaasut ukiunut 22-nut ukioqarnissamik killilernerqarnissaat, soorlu aamma unnerluussinnginnissaq pillugu malittarisassani tamanna atuuttoq, Justitsministeria isumaqarsimavoq.

Eqqarsaatigisassat Danmarkimi inatsisip allangortinneqarneranut tunngaviusut, aamma Kalaallit Nunaanni atuuttut, Justitsministeria isumaqarpoq.

2.7.3. Aaqquussineq siunnersuutigineqartoq

Tamanna tunngavigalugu pinerluttulerinermi inatsimmi § 77, imm. 2 annertusineqassasoq siunnersuutigineqarpoq, taamaalilluni inuup 22-nik ukioqalereersimasup, meeqqamik 15-it inorlugit ukiulimmik atoqatiginninnera allatulluunniit kinguaassiuutitigut atassuteqarnera ilaatinneqalissalluni.

Pisuni inuup, 22-nik ukioqalereersimasup, meeqqamik 15-it inorlugit ukiulimmik atoqateqarnerata allatulluunniit kinguaassiuutitigut atassuteqarnerata aamma tassunga atatillugu siunertaqarsimanerata, siunissami pinngitsaaliinertut pinerluutinngortinneqarnissaa, siunnersuutip kinguneraa. Pisut taamaattut tassa siunissami pinerluttulerinermi inatsimmi § 79-imi aalajangersakkap ataanut atatinneqarunnaassapput.

Pisuni meeqqap ukiui eqqarsaatigalugit pinerluttuliortoq taamaallaat mianersuaalliorluni iliuseqarsimappat, aalajangersagaq siunnersuutigineqartoq malillugu pinngitsaaliinertut eqqartuussisoqarnaviannigilaq. Tassunga taarsiullugu meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pillugu pinerluttulerinermi inatsimmi § 79 malillugu sulii eqqartuussisoqarsinnaassaaq.

§ 77, imm. 1-ip (akuersissuteqaqqaarnissaq tunngavigalugu pinngitsaaliineq) aamma § 77, imm. 2, oqaaseqatigiillu 2.-p akornanni aporaatsillugit eqqartuussisoqarsinnaassaaq.

2.8. Upperisarsiornikkut pinngitsuuisinnaannginnermik ingasattumik atornerluineq

2.8.1. Inatsisit atuuttut

Inuup suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaanngissusianik ingasaassisumik atornerluinikkut atoqatiginnittoq allatulluunniit kinguaassiuutitigut atassuteqartoq, § 78, imm. 2 malillugu eqqartuunneqassaaq.

Pinerluttuliortup pinerlineqartullu akornanni aalajangersakkami taaneqartutut pinngitsuuisinnaajunnaarluni atassuteqarnertut pissuseqartoq, aamma atassuteqarnerup taassuma atoqateqarnissamik allatulluunniit kinguaassiuutitigut atassuteqarnissamik atornerlunneqarnera, aalajangersakkap atornerqarnissaanut piunasaqaataavoq.

Nakorsap katsorsaasup pineqartullu akornanni sakkortuumik pinngitsuuisinnaajunnaarluni atassuteqartoqarpat, nakorsallu pinngitsuuisinnaajunnaarnek taanna napparsimasumik atoqateqarnissamut allatulluunniit kinguaassiuutitigut atassuteqarnissamut ingasattumik atornerlussimappagu, katsorsarneqarnermik pinngitsuuisinnaajunnaarnermik ingasattumik atornerluinermi inuit, sivisunerusumik nakorsaatinik pinngitsuuisinnaajunnaarnermik pilersitsisartunik katsorsarneqarnerat, ilaatinneqarput. Katsorsarneqarnermut tunngatillugu pinngitsuuisinnaannginnermi, pisut allat nakorsap katsorsaasulluunniit allap aamma napparsimasup akornanni assigisaanik sakkortuumik pinngitsuuisinnaannginneq kiisalu nakorsamit katsorsaasumilluunniit assigisaanik ingasattumik atornerluineq aammattaq ilaatinneqarput.

Paaqqtarineqarnissamut tunngatillugu ingasattumik atornerluinermi, paarsisut pineqartullu akornanni sakkortuumik pinngitsuuisinnaannginneq atuuppat, aamma pinngitsuuisinnaajunnaarluni atassuteqarnek taanna pineqartumut atoqateqarnissamut allatulluunniit kinguaassiuutitigut atassuteqarnissamut ingasattumik atornerlunneqarpat, inuit namminnek angerlarsimaffimmini imaluunniit paaqqinnittarfimmi katsorsaaviusumi imaluunniit najugaqarfissatut neqeroorummi il. il. (annertuumik) paaqqtarineqarnissamut ikiorneqartut ilaatinneqarput.

Aalajangersakkamit isigalugu, atoqatiginninniarluni allatulluunniit kinguaassiuutitigut atassuteqarniarluni aappariinnerup inooqatigiinnerulluunniit malitsigisaanik aningaasaqarnikkut pinngitsuuisinnaajunnaarnerup pinngitsaaliinertut atornerqarnerani

atornerluineq, aallaaviatigut “ingasattumik atornerluinertut” isigineqanngilaq. Avinnissaq imaluunniit inooqatigiinnerup taamaatinneqarnissaa qunusaarutigalugu atoqatiginninneq allatulluunniit kinguaassiuutitigut atassuteqarneq taamaalilluni ingasattumik atornerluinertut isigineqanngilaq, tamannalu naak, aappaasup pigisat agguarneqarnerisa sivisoorujussuannngortinneqarnissaannik suli allanik qunusaarutiginninnerani, imaluunniit akiliisitsiniartarnermik eqqartuussivik ikiortigalugu massakkorluinnaqqissaaq ataatsimut inigisamit anisinneqarnissamik qunusaarutiginninnerani, aamma aappaasup aappaa qunusaarinerit taakkua piviusunngortinneqassagaluarpata ajornakusoortorujussuarmik inissisimalernissaani, tamanna atuuppoq.

Akilersuutit akilerneqartussatut pisussaaffiusut piffissaq akiliiffiususaaq eqqorlugu akilerneqannginnissaannik imaluunniit inigisamit ataatsimoorussamit inatsisit unioqquutillugit eqqartuussisut suliassaannik namminersuussinikkut anisitaanissaaq immikkut ittumik qunusaarutigalugu atoqatiginninneq allatulluunniit kinguaassiuutitigut atassuteqarneq anguneqarsimappat, kisianni aappaasup aappaata aapparminit akilersuutit piffissaq eqqorlugu tigusinissaaq annertuumik pinngitsoorsinnaanngippagu, taama tulleriillutik, inigisami ataatsimoorussami najugaqaannarnissamut aamma aappaasup tamatuma malitsigisaanik aapparmi atoqatiginninnissamut allatulluunniit kinguaassiuutitigut atassuteqarnissamut akuersitissimappagu, aalajangersakkap isumaani tamanna nalinginnaasumik “ingasattumik atornerluineruvoq” aamma aapparissamut taamatut eqqartuussissutigineqarsinnaalluni.

Aappaasumut, katsorsarneqarnissamik paaqqutarineqarnissamilluunniit aapparminit inooqatiminilluunniit annertuumik pinngitsuuisinnaanngitsumik (imaluunniit katissimanagu inooqatigisamut) atoqatiginninneq allatulluunniit kinguaassiuutitigut atassuteqarneq, pinerluttulerinerimi inatsimmi § 78, imm. 2-p paasineqarnerani katsorsarneqarnissamik- aamma paaqqutarineqarnissamik pinngitsuuisinnaannginnermik “ingasattumik atornerluinerunersoq”, piviusunik nalilersuinermik pissuteqassaaq.

Pinerluttulerinermi inatsiseqartitsineq malillugu § 78, imm. 2 malillugu akisussaannermut nammineq isuma malillugu, pinerluuteqarnerup imarisaanut tamanut atatillugu siunertaqarluni iliuuseqartoqarsimanissaa piumasqaataavoq.

Inuk, inummik akuersissuteqaqqaarsimannngitsumik atoqateqartoq allatulluunniit kinguaassiuutitigut atassuteqartoq, pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Inuup nammineq piumasani malillugu atoqatigiinnermi allatulluunniit kinguaassiuutitigut atassuteqarnermi peqataanera, atoqatigiinnermi allatulluunniit kinguaassiuutitigut atassuteqarnermi akuersissuteqaqqaarnissamut pissutaassaaq. Inuup nammineq atoqatiginninnermi allatulluunniit kinguaassiuutitigut atassuteqarnermi peqataanissani pillugu isummersinnaasimanersoq uani pingaaruteqarpoq.

Akuersissuteqaqqaarneq – ingammik inatsisitigut isumannaatsuunissap eqqarsaatigineqarnera aallaavigalugu – inuup atoqatigiinnermi il. il. peqataanera pillugit, matumani inuup oqaasii iliuusiilu, aamma inuup nammineq ilumini isumaata aallaaveqannginnera ilanngullugit, paasissutissat aallaavigalugit kinaassusersiunngitsumik nalilernerqassaaq. Inuk nammineq ilumini isummani malillugu atoqatiginninnissamik allatulluunniit kinguaassiuutitigut atassuteqarnissamik kissaateqanngitsoq, kisianni taamaaliornermut taamaattoq akuersisoq, taamaaliornermut akuersissuteqarsimasutut isigineqarsinnaassaaq.

Pineqartup ukiui pinerluttuliortup nalunngikkunigit, imaluunniit tamatumunnga tunngatillugu mianersuaalliorluni iliuuseqaruni, ukiuni misilittakkanilu pissutigalugit pisinnaatitaanani allanit pitsaannerusutut naleqarnerusutulluunniit imminut isigaluni, inummik 18-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq, pinerluttulerinermi inatsimmi § 80, imm. 1 malillugu alutorineqarneq, kinaassuseq, kusagineqarneq, atisalersorneq, neriorsuutit

il. il. ikiorsiullugit inummik kajungilersitsiniaanermik ingerlatsisutut eqqartuunneqassaaq.

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorsimaguni, inummut inummik 18-it inorlugit ukiulimmik, pinerluttuliortup qitornassarisaanik qitornarsiaanilluunniit imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittumut allatulluunniit kinguaassiuutitigut atassuteqartumut, pinerluttulerinermi inatsimmi § 80, imm. 2 aamma atuuppoq.

Akuusut marluullutik namminnek piumassusertik malillugu taamaaliornissamut akuersissuteqaqqaarsimappata, upperisarsiornermik aqutsisup taassumalu ilagiivini ilaasortap akornanni pinngitsuuisinnaajunnaarluni atassuteqarneq pilersinnaasoq atonerlullugu, upperisarsiorlut aqutsisuata ilaasortamik pineqartumik atoqatiginninnissaq allatulluunniit kinguaassiuutitigut atassuteqarnissaq pissarsiariniarlugu, pinngitsuuisinnaajunnaarnermik atassuteqarneq pillugu ingasattumik atonerluinera, taamaalilluni pinerluttulerinermi inatsit aalajangersakkanik pinerluutinngortitsisunik peqanngilaq.

2.8.2. Justitsministeriap isumaliutiginninnera

Pillaasarnermik inatsisip, eqqartuussisarnermik inatsisip aamma danskitut innuttaassusilinnut passi pillugu inatsisip il. il. allanngortinneqarnerat pillugu inatsisikkut nr. 226-ikkut, 15. februar 2022-imeersukkut (Meeqqanut kinguaassiuutitigut innarliisarnerit akiorniarlugit suliniutit patajaallisarneqarnerat aamma kinguaassiuutitigut innarliinernit eqqugaasunut siunnersuisarnerup patajaallisarneqarnera) danskit pillaasarnermik inatsisaanni § 220 annertusineqarpoq, tassani uperisarsiorlut aqutsisuata ilaasortamik atoqateqarniarluni, upperisarsiorlut aqutsisuata taassumalu ilagiivini ilaasortap akornanni pinngitsuuisinnaannginnermik ingasattumik atonerluinera aamma ilaatinneqalerluni.

Palasit upperisarsiornermilu aqutsisut allat ilagiinni pisut ilaanni qitiulluinnartumik atuuffeqartarput oqaasissaqartuusarlutillu Justitsministeria isumaqarpoq. Atuuffitsik taanna pissutigalugu ilagiinni ilaasortanit immikkut ittumik tatigineqarnermik tatiginassuseqartutullu isigineqartarput. Taamaattoqarnera pisut ilaanni piviusumik pinngitsuuisinnaajunnaarluni atassuteqarnermik kinguneqarsinnaavoq.

Taamatut tatiginnineq- pinngitsuuisinnaajunnaarluni atassuteqarneq ingammik pisuni tarnikkut ajornartorsiortoqartillugu isumassorneqarnermi malunnarsinnaavoq, tassami ilaasortaq pineqartoq pissutsimi eqqortiasinnaaneruffimminiittarmat taamaalillunilu uukapaatinneqarluarnerusinnaalluni. Tamatuma saniatigut avatangiisit ilaanni ilagiinni ilaasortat, upperisarsiornermi aqutsisoq maleruuffiginngikkunikku, upperisarsioqatigiinniit inooqatigiinnilu ataatsimoorfigisaminnit anisitaanissaq aarlerigisinnaavaat. Ilaatigut pisuni taamaattuni ima pisoqarsinnaavoq – upperisarsiornermi aqutsisup pinngitsuuisinnaajunnaarluni atassuteqarnerup ingasattumik atonerluinerata malitsigisaanik – ilaasortaq atoqatiginninnermi allatulluunniit kinguaassiuutitigut atassuteqarnermi akuersissuteqartariaqarluni.

Upperisarsiornermi aqutsisup inunnut atassuteqaammik pinngitsuuisinnaanngitsunik atoqatiginninniarluni allatulluunniit kinguaassiuutitigut atassuteqarniarluni ilagiinni immikkut ittumik atuuffimminik oqaasissaqartuunerminillu ingasattumik atonerluinera, Justitsministeriap isumaa malillugu akuerineqarsinnaanngilaq. Katsorsaasumut imaluunniit psykologimut tatiginninnerup assinga, upperisarsiorlut aqutsisuanut taamatuttaaq aalajangersarneqartariaqarpoq.

Eqqarsaatigisassat assingi Kalaallit Nunaannut atuuttut, Justitsministeria isumaqarpoq. Tamanna tunngavigalugu pinerluttulerinermi inatsimmi § 78, imm. 2 annertusineqartariaqartoq, taamaalilluni pisut, upperisarsiorlut aqutsisuata taassumalu ilagiivini ilaasortaasup akornanni upperisarsiorlut aqutsisuata ilaasortamut atoqateqarnissaq allatulluunniit kinguaassiuutitigut

atassuteqarnissaq anguniarlugu pinngitsuuisinnaajunnaarluni atassuteqarnerup ingasattumik atornerluinera ilaatinneqalerluni, Justitsministeria isumaqarpoq.

2.8.3. Aaqqissuussineq siunnersuutigineqartoq

Pinerluttulerinermi inatsimmi § 78, imm. 2-p annertusineqarnissaa siunnersuutigineqarpoq, taamaalilluni upperisarsiorlut aqutsisuata taassumalu ilagiihini ilaasortaasup akornanni pinngitsuuisinnaajunnaarluni atassuteqarnerup atasup atoqatiginninnissamik allatulluunniit kinguaassiuutitigut atassuteqarnissamik pissarsiniarluni ingasattumik atornerlunneqarnera aamma ilaatinneqalissalluni.

Aalajangersakkap annertusineqarnerani upperisarsiornermi aqutsisup ilaasortallu pineqartup akornanni sakkortuumik pinngitsuuisinnaajunnaarluni atassuteqartoqarpat, aamma upperisarsiornermi aqutsisup ilaasortamik pineqartumik atoqatiginninnissani allatulluunniit kinguaassiuutitigut atassuteqarnissani anguniarlugu pinngitsuuisinnaajunnaarluni atassuteqarneq ingasattumik atornerluppagu, tarnimikkut ajornartorsiuteqarnermikkut isumassorneqartut allatulluunniit upperisarsiorlut aqutsisuannik immikkut ittumik tatiginninnermik- tatigeqatigiinnermillu atassuteqarnermik ilagiinni ilaasortat ineriartortitsisisiffiusimasut, aalajangersakkap annertusineqarnerani ilaatinneqassapput. Upperisarsiornermi aqutsisup taassumalu ilagiihini ilaasortap akornanni pinngitsuuisinnaajunnaarnermik atassuteqarnermik atuuttumik upperisarsiorlut aqutsisuata ingasattumik atornerluinerani, aammattaaq pisuni allani, upperisarsiorlut aqutsisuata taassumalu ilagiihini ilaasortap akornanni assigisaanik sakkortuumik pinngitsuuisinnaajunnaarneq ilaatinneqassaaq, tassani pinngitsuuisinnaannginneq upperisarsiorlut aqutsisuannit ingasattumik atornerlunneqarluni. Assersuutigalugu tamanna pisuni, ilaasortap pineqartup – upperisarsioqatigiit ataatsimoornerannit anisitaanissaq annilaangagalugu – upperisarsiorlut aqutsisuannik maleruutiinnarnerani pisinnaavoq.

Upperisarsiorlut aqutsisuata inooqammik inooqateqalernissaata suli periarfissaanissaa siunnersuutip allanngortissanngilaa, aamma pineqartup ilagiivini taanna ilaasortaagaluarpulluunniit. Taamaammat pisuni taamaattuni atoqatiginninnermik allatulluunniit kinguaassiuutitigut atassuteqarnermik angusineq, upperisarsiornermik aqutsisup pinngitsuuisinnaajunnaarluni atassuteqarneq ingasattumik atonerlussimaneraa, piviusumik nalilersuinermik tunngaveqassaaq.

Inuk “upperisarsiornermik aqutsisutut” taaneqarsinnaanersoq, pineqartup ajoqersuinermik atuuffeqarneranik imaluunniit allatut upperisarsiornermi immikkut ittumik oqartussaasuuneranik pissuteqartinneqassaaq. Kisianni assersuutigalugu pineqartup upperisarsioqatigiinni ilagiinniluunniit akuerisaasuni ilaanissaa piumasqaataanngilaq. Ilagiit pillugit oqaatsip imarisaa atituumik paasineqassaaq aamma upperisarsiornermik ataatsimoornernik suugaluartunilluunniit, upperisarsiornermik aqutsisumik imaluunniit ataatsimoorussamik upperisarsiornermik nakimanani isumaqatigiinnernik qitiutitsinerussapput. Aalajangersagassatut siunnersuutigineqartup annertusineqarnerani taamaalilluni palasit, imamit, rabbinerit anersaakkullu aqutsisut allat ilaatinneqassapput, massa ilagiit siunnersuisuini ilaasortaq imaluunniit palasip oqaluffimmi ikiortaa assersuutigalugu ilaatinneqassanatik. Inuk ilagiinni ilaasortaannersoq nalilerniarlugu, pineqartup ilagiinni upperisarsiornermik inooqatigiinniluunniit aaqqissuussinerit qanoq akulikitsigisumik peqataaffigisarnerai, ilaasortaannermut akiliisarnersoq, pineqartoq ilagiit aqutsisuini ilaanersoq imaluunniit pineqartoq ilagiit inooqatigiinni sulineranni peqataasarnersoq assersuutigalugu pingaartinneqarsinnaapput.

3. Naalagaaffiit Peqatigiit nunarsuarmut anguniagaasa naammassineqarnissaasa kinguneri

Pinerluttulerinermi inatsimmi aalajangersagassatut siunnersuutigineqartut anguniagassat ilaannut 16.2-mut inatsisissatut siunnersuutip ikorfartuutaanissaa nalilerneqarpoq, tamatuma kingorna naalliutsitsineq, atonerluineq, inuit niuerutigineqarnerat aamma meeqqanut nakuusernerit naalliutsitsinerillu suugaluartulluunniit unitsinneqassallutik. Taamatuttaaq

piujuartitsilluni ineriartortitsinermi Naalagaaffiit Peqatigiit nunarsuarmi anguniagaannut »suaassutsit akornanni naligiissitsineq«-rup naammassineqarnissaanut siunnersuutit ikorfartuutaanissaat ingammik anguniakkat ilaannut 5.2-mut nalilerneqarpoq, matumani kikkut tamarmik tikissinnaasaanni namminerlu inigisani arnanut niviarsiaqqanullu nakuusertarnerit suogaluartulluunniit nungutinneqarnissaat, matumani kinguaassiuutitigut allatigullu atonerlunneqarnerit ilanngullugit.

4. Naligiissitaanermut tunngasut kinguneri

Inatsisissatut siunnersuut suaassutsit arlaannaannulluunniit atanngilaq aamma pinerluttulerinermi inatsimmi allannguutissatut siunnersuutigineqartuni suaassutsit tamarmik ilaatinneqarput. Kisianni arnanit amerlanerullutik angutit kinguaassiuutitigut innarliisarput, aamma niviarsiaqqat nukappiaqqanit amerlanerusarput kinguaassiuutitigut innarlerneqartartut. Inatsisissatut siunnersuut naligiissitaanermut isiginniffinnik imaqartoq tamanna tunngavigalugu nalilerneqarpoq.

5. Pisortanut aningaasaqarnikkut aamma atortuulersitsinerup kinguneri

Politiinut sumiiffinnilu unnerluussisunut 3,7 mio. kr.-nik (2024-pl) 2024-mi aamma 2025-mi (2024-pl) aamma siumut 7,5 mio. kr. ukiumut inatsisissatut siunnersuutip aningaasartuuteqarnerunermik kinguneqarnissaa naatsorsuutigineqarpoq. Eqqartuussivinnut 2024-mi (2024-pl) 0,2 mio. kr.-nik aamma 2025-miit siumullu (2024-pl) ukiumut 0,3 mio. kr.-nik aningaasartuutaanerusussat naatsorsuutigineqarpoq. Pinerluttunik isumaginnittoqarfimmi 2024-mi aningaasartuuteqarnerunissaq naatsorsuutigineqanngilaq. Pinerluttunik isumaginnittoqarfimmi 2025-mi 0,3 mio. kr.-nik (2024-pl) aningaasartuuteqarnerunissaq, 2026-milu siumullu 0,6 mio. kr.-nik (2024-pl) naatsorsuutigineqarluni.

6. Inuussutissarsiortunut il. il. aningaasaqarnikkut aamma allaffissornikkut kinguneri

Inuussutissarsiortunut il. il. inatsisissatut siunnersuut allaffissornikkut kinguneqassanngilaq.

7. Innuttaasunut allaffissornikkut kinguneri

Innuttaasunut inatsisissatut siunnersuut allaffissornikkut kinguneqassanngilaq.

8. Silap pissusianut kinguneri

Inatsisissatut siunnersuut silap pissusianut kinguneqassanngilaq.

9. Avatangiisinut aamma pinngortitamut kinguneri

Inatsisissatut siunnersuut avatangiisinut- pinngortitamullu kinguneqassanngilaq.

10. EU-mi inatsisinut tunngassuteqartut

Inatsisissatut siunnersuut EU-mi inatsisinut tunngasunik imaqqanngilaq.

11. Oqartussaqaarfiit suliniaqatigiiffillu il. il. tusarniaaffigineqartut

Inatsisissatut siunnersuut piffissami ullormi 7. juni 2023-miit ullormut 5. juli 2023-mut oqartussaqaarfinnut suliniaqatigiiffinnullu il. il. tulliuttunut tusarniutigineqarpoq:

Advokatrådet, AmiAmi, Amnesty International, Avannaata Kommunua, Børnerådet, Børnesagers Fællesråd, Børns Vilkår, Center for Voldtægtsofre, Center mod Menneskehandel, CEPOS, Danner, Dansk Kvindesamfund, Dansk Røde Kors, Danske Advokater, Datatilsynet, Den Danske Dommerforening, Det Kriminalpræventive Råd, Dommerfuldmægtigforeningen, Domstolsstyrelsen, Everyday Sexism Project Denmark, Foreningen af Offentlige Anklagere, Foreningen af Offentlige Anklagere i Grønland, Kalaallit Meerartaat, Kalaallit Nunaanni Illersuisut peqatigiiffiat, Nunatta Eqqartuussisuuneqarfia, Grønlands Politiforening, Inuit pisinnaatitaaffii pillugit Siunnersuisoqatigiit, Hjælp Voldsofre, Institut for Menneskerettigheder, Joan-Søstrene, Justitia, KFUKs sociale arbejde, Kredsdommerforeningen, Kriminalpolitisk Forening (KRIM), Kvinderådet, Kvininfo, Kommune Kujalleq, Kommune Qeqertalik, Kommuneqarfik Sermersooq, Landsforeningen af Forsvarsadvokater, Landsforeningen for Voldsramte Kvinder, Landsforeningen KRIM, Landsorganisationen af Kvindekrisecentre, Landsorganisationen mod Seksuelle Overgreb, Lev Uden Vold, MIO (Meeqqat illersuisuat), Nunatsinni Advokatit, Nunaanni Naligiissitaanissamat Siunnersuisoqatigiit, Offerrådgivningen i Danmark, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet, Pro Vest, Qeqqata Kommunua, Red Barnet, Reden International, Nunatsinni Eqqartuussivik, Retspolitisk Forening,

Rigsadvokaten, Rigspolitiet, Seksualpolitisk Forum, Sexarbejdernes Interesseorganisation, Vestre Landsret, Voldtægtsofres Vilkår aamma Østre Landsret.

12. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuuteqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Politiinut sumiiffinnilu unnerluussisunut 3,7 mio. kr.- nik (2024-pl) 2024-mi aamma 2025-mi (2024-pl) aamma siumut 7,5 mio. kr. ukiumut inatsisissatut siunnersuutip aningaasartuuteqarnerunermik kinguneqarnissaa naatsorsuutigineqarpoq. Eqqartuussivinnut 2024-mi (2024-pl) 0,2 mio. kr.-nik aamma 2025-miit siumullu (2024-pl) ukiumut 0,3 mio. kr.-nik aningaasartuutaanerusussat naatsorsuutigineqarpoq. Pinerluttunik isumaginnittoqarfimmi 2024- mi aningaasartuuteqarnerunissaq naatsorsuutigineqanngilaq. Pinerluttunik isumaginnittoqarfimmi 2025- mi 0,3 mio. kr.-nik (2024-pl) aningaasartuuteqarnerunissaq,

		2026-milu siumullu 0,6 mio. kr.-nik (2024-pl) naatsorsuutigineqarluni.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut aningaasaqarnikkut kinguneri	Soqanngilaq	Soqanngilaq
Inuussutissarsiortunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
EU-mi inatsisitigut tunngassuteqartut	Soqanngilaq	Soqanngilaq
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi minnerpaamik piumasaaqatinik qaangiivoq (X-ileruk)	Inatsisissatut siunnersuut EU-mi inatsisinut tunngasunik imaqanngilaq.	
Naalagaaffimmut, kommuninut nunallu immikkoortuinut	JA	NEJ X

aningsaasaqarnikkut kinguneri	
----------------------------------	--

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Inummik tassani akuersissuteqaqqaarsimangitsumik atoqateqartoq allatulluunniit kinguaassiuutitigut atassuteqartoq pinerluttulerinermi inatsimmi § 77, imm. 1 malillugu pinngitsaaliisutut eqqartuunneqassaaq.

Pinerluttulerinermi inatsimmi § 77, imm. 1-imi inatsisissatut siunnersuutikkut *oqaaseqatigiit 2.* nutaatut ilanngunneqassaaq, tamatumalu kingorna inummut, inuup pinerluttumik allaasorinninnera tunngavigalugu pinngitsuusaarluni atoqatiginnittumut allatulluunniit kinguaassiuutitigut atassuteqartumut, tamanna aamma atuutissaaq.

Allaasorinninnikkut pinngitsuusaarluni atoqatiginninnerup allatulluunniit kinguaassiuutitigut atassuteqarnerup akuersissuteqaqqaarani atoqatiginninnikkut allatulluunniit kinguaassiuutitigut atassuteqarnikkut pinngitsaaliinermut naligiissinneqarnissaa, aalajangersagassatut siunnersuutigineqartup kinguneraa, taamaalilluni pinerluttuliortup atornerluinermigut allaasorinninnermi pinngitsuusaarluni atoqateqarnera allatulluunniit kinguaassiuutitigut atassuteqarnera siunissami pinngitsaaliinertut pissuseqalissalluni.

Allaasorinninnerup atornerlunneqarneratigut atoqatiginninneq allatulluunniit kinguaassiuutitigut atassuteqarneq pillugu ullumikkut pinerluttulerinermi inatsimmi immikkut ittumik aalajangersakkamik peqanngilaq, kisianni pissutsit taamaattut taamaattoq pisut malillugit pinerluttulerinermi inatsimmi kanngutsaatsuliorneq pillugu § 84, imm. 1-imi ilaatinneqarsinnaassapput.

Pisumi tassanerpiaq, pinerlineqartup kukkunermit pinerluttumik allaasorinninnerata malitsigisaanik pinerluttuliortup atonerluinera, aalajangersakkami siunnersuutigineqartumi ilaatinneqarpoq. Atassuteqaatit, tassani assersuutigalugu pinerluttuliortoq kinaassutsimi salluliutigineratigut imaluunniit pisoorsuusarnermit ilisimaneqarluartuusaarnerminiluunniit atoqatiginninnermik allatulluunniit kinguaassiuutitigut atassuteqarnermik angusineranik pisut, sulit pinerluutinngortinneqassanngillat.

Pinerluttulerinermi inatsimmi akuersissuteqaqqaarnissamik tunngavilimmik pinngitsaaliineq pillugu aalajangersagaq § 77, imm. 1 ullumikkut atuuttoq, aamma akuersissuteqaqqaarnissamik oqaatsip imarisaa aalajangerneqareersoq, aalajangersakkap aammattaaq attoraviannngilaa.

Aammattaaq inatsisissatut siunnersuummi oqaaseqaatini nalinginnaasuni imm. 2.6 innersuussutigineqarpoq.

Nr. 2-mut

Inuk meeqqamik 12-it inorlugit ukiulimmik atoqatiginnittoq allatulluunniit kinguaassiuutitigut atassuteqartoq pinngitsaaliisutut eqqartuunneqassasoq pinerluttulerinermi inatsimmi § 77, imm. 2-mi allaqqavoq.

Aammattaaq atassuteqarneq § 77, imm. 2-mut ilaatinneqanngippat, pinerluttuliortup meeqqap ukiui nalunngippagit tamatumunngalu tunngatillugu mianersuaatsumik iliuuseqarsimappat, inuk meeqqamik 15-it inorlugit ukiulimmik kinguaassiuutitigut atassuteqarsimasutut pinerluttulerinermi inatsimmi § 79 malillugu eqqartuunneqassaaq.

Taamaalilluni pinerluttulerinermi inatsimmi § 79 meeqqamik 15-it inorlugit ukiulimmik atoqateqarnissaq allatulluunniit kinguaassiuutitigut atassuteqarnissaq inerteqquteqarluinnarput. Meeqqap akuersissuteqaqqaarsimanissaa pingaaruteqanngilaa, aamma akisussaassuttip nalilerneqarnerani, akuusut arlaata sorliup attaveqarneq aallartissimaneraa, imaluunniit atonerluineq uani pineqarsimansoq pingaaruteqanngilaaq.

§ 79 malillugu pinerluttulerineq pillugu inatsiseqartitsinermi akisussaaneq, siunertaqarluni iliuuseqarsimanermik piunasaqaatitaqanngilaq meeqqap ukiui eqqarsaatigalugit. pinerluttuliortoq meeqqap ukiui eqqarsaatigalugit mianersuaalliorluni iliuuseqarsimappat, pinerluttulerineq pillugu inatsiseqartitsineq malillugu taamaalilluni akisussaatisoqarsinnaanngilaq. § 79-imi aalajangersagaq pinerluttulerinermi inatsimmi meeqqamik 12-it inorlugit ukiulimmik atoqatiginninneq allatulluunniit kinguaassiuutitigut atassuteqarneq pillugu § 77, imm. 2-mut naleqqiullugu pingaanninneruvoq, aamma taamaalilluni meeraq 12-it inorlugit ukioqarpat pinerluttorlu taamatut siunertaqarsimappat, aappiullugu § 79-ip unioqquatinneqarsimanagera pillugu eqqartuussisoqassanngilaq. Meeqqap ukiui eqqarsaatigalugit siunertaqarluni iliuuseqarnerup amigaatigineqarnerata malitsigisaanik meeqqamik 12-it inorlugit ukiulimmik atoqateqarneq allatulluunniit kinguaassiuutitigut atassuteqarneq § 77, imm. 2 malillugu pinerluutinngortinneqanngippat, kisianni § 79 atorineqarsinnaassaaq.

Pinerluttulerinermi inatsimmi § 77, imm. 2-mi *oqaaseqatigiit 2.* nutaaq siunnersuutikkut ilanngunneqarpoq, tassanilu (oqaaseqatigiit 1. assigalugu) inummut 22-nik ukioqalereersimasumut aamma meeqqamik 15-it inorlugit ukiulimmik atoqateqartumut allatulluunniit kinguaassiuutitigut atassuteqartumut assinganik atuuttoq takuneqarsinnaavoq.

Pinerluttuliortoq 22-nik ukioqalereersimappat meeqqamik 15-it inorlugit ukiulimmik atoqateqartoq allakkulluunniit kinguaassiuutitigut atassuteqartoq pinngitsaaliinertut pissuseqartinneqassasoq, § 77, imm. 2, *oqaaseqatigiit 2.*-tut aalajangersagassatut siunnersuutigineqartup kingunerissavaa.

Pinerluttuliortoq 22-nik ukioqalereersimappat, meeqqamik 15-it inorlugit ukiulimmik atoqatiginninneq allatulluunniit kinguaassiuutitigut atassuteqarneq siunissami pinerluttulerinermi inatsimmi § 79-imut taarsiullugu § 77, imm. 2-mi *oqaaseqatigiit 2.*-p ataanut atatinneqarnissaa, siunnersuutip kinguneraa. pinerluttuliortup suli 22-nik ukioqalersimanninnerani, meeqqamik 12-niit 14-it ilanngullugit

ukiulimmik atoqateqarnera allatulluunniit kinguaassiuutitigut atassuteqarnera suli § 79-imi ilaatinneqassaaq.

Aalajangersagassatut siunnersuutigineqartumik unioqquitsinermi pinerluttulerineq pillugu inatsiseqartitsineq malillugu akisussaatisoqarnissaanut pinerluttulerinermi inatsimmi § 11-mi tamanna pillugu nalinginnaasumik malittarisassaq malillugu pisariaqartinneqartumik siunertaqartoqarsimanissaa piumasqaataavoq. Taamaalilluni aalajangersakkap atorneqarnissaanut, pinerluttuliortup meeqqap 15-it inorlugit ukioqarnera eqqarsaatigalugu siunertaqarsimanissaa piumasqaataavoq. Pisuni pinerluttuliortoq meeqqap ukiui eqqarsaatigalugit mianersuaalliorsimappat, meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluttulerinermi inatsimmi § 79 malillugu suli eqqartuussisoqarsinnaavoq.

§ 77, imm. 1 aamma pinerluttulerinermi inatsimmi aalajangersagassatut siunnersuutigineqartoq § 77, imm. 2, oqaaseqatigiit 2. aporaatsillugit eqqartuussissutigineqarsinnaassapput.

Inatsisissatut siunnersuutip nalinginnaasumik oqaaseqaataani imm. 2.7 aammattaaq innersuussutigineqarpoq.

Nr. 3-mut

Inuup sulinermut, aningaasaqarnermut, katsorsarneqarneqarnermulluunniit imaluunniit paaqqutarineqarnissamut atatillugu pinngitsuuisinnaanngitsup ingasattumik atonerlunneqarneratigut atoqatiginnittoq allatulluunniit kinguaassiuutitigut atassuteqartoq pinerluttulerinermi inatsimmi § 78, imm. 2 malillugu eqqartuunneqassaaq.

Upperisarsiornermik aqutsisup taassumalu ilagiihini ilaasortaasup akornanni pinngitsuuisinnaajunnaarluni atassuteqarnermik atuussinnaasumik, ilaasortamik pineqartumik atoqatiginninniarluni allatulluunniit kinguaassiuutitigut atassuteqarniarluni upperisarsiorlut

aqutsisuata ingasattumik atonerluineranik pinerluutinngortitsisumik, pinerluttulerinermi inatsit ullumikkut aalajangersakkamik imaqanngilaq.

Inatsisissatut siunnersuummut oqaaseqaatini nalinginnaasuni inatsisit atuuttut pillugit imm. 2.8.1 innersuussutigineqarpoq.

Pinerluttulerinermi inatsimmi § 78, imm. 2-mi *oqaaseqatigiit 2.-mik* ilanngussisoqassasoq inatsisissatut siunnersuutikkut siunnersuutigineqarpoq, tamatumalu kingorna upperisarsiornermi aqutsisoq, aamma upperisarsiornermik aqutsisup ilagiivini ilaasortaasup pinngitsuuisinnaajunnaarluni atassuteqarneranik atasumik, atoqatiginninnissaq allatulluunniit kinguaassiuutitigut atassuteqarnissaq pissarsiariniarlugu ingasattumik atonerluisoq, taamaaqataanik eqqartuunneqassaaq (soorlu oqaaseqatigiit siulliit malillugit).

Pinerluttulerinermi inatsimmi § 78, imm. 2-mut pinerluutinngortitsineramik suliassaqarfiup annertusineqarnera allannguutissatut siunnersuutip kinguneraa.

Upperisarsiorlut aqutsisuata taassumalu ilagiivini ilaasortaasup akornanni pinngitsuuisinnaajunnaarluni atassuteqarnermik atuuttoqarnissaa, aamma atassuteqaatip taassuma upperisarsiorlut aqutsisuanit ilaasortamik atoqateqarnerup allatulluunniit kinguaassiuutitigut atassuteqarnerup anguneqarnissaanut ingasattumik atonerlunneqarnissaa, aalajangersakkap oqaaseqatigiivisa 2.-ani siunnersuutigineqartup atorneqarnissaanut piumasqaataavoq.

Upperisarsiornermik aqutsisup ilagiinnilu ilaasortap akornanni sakkortuumik pinngitsuuisinnaajunnaarluni atassuteqartoqarpat, aamma upperisarsiornermi aqutsisup ilaasortamik pineqartumik atoqatiginninnissani allatulluunniit kinguaassiuutitigut atassuteqarnissani anguniarlugu pinngitsuuisinnaajunnaarluni atassuteqarneq ingasattumik atonerluppagu, ilaasortap tarnimigut ajornartorsiuteqarnermini isumassorneqarnerani allatulluunniit upperisarsiorlut aqutsisuannik

immikkut ittumik tatiginninnermik- tatigeqatigiinnermillu atassuteqarnermik ineriartortitsitsisimasoqarsimanerani, aalajangersagassatut siunnersuutigineqartoq ilaatigut atorneqarsinnaassaaq. Pisuni upperisarsiornermi aqutsisup ilagiimmini ilaasortami, upperisarsiornermi aqutsisumut piffissami sivisuumi kisimi ilisimasassaanik imaluunniit inuk nammineq pillugu paasissutissanik avitseqatigisarsimasaanik, tarnikkut eqqortiasusermik atornerluinerani, tamanna pisinnaavoq.

Upperisarsiornermik aqutsisup ilaasortap pineqartup taassumalu ilagiivini ilaasortap akornanni pinngitsuuisinnaajunnaarluni atassuteqartoqarnermi atuuttumi, upperisarsiornermik aqutsisup aamma ilagiinni ilaasortap akornanni assigisaanik sakkortuumik pinngitsuuisinnaajunnaartoqartillugu, tassani pinngitsuuisinnaajunnaarnek upperisarsiornermi aqutsisuannit ingasattumik atornerlunneqarluni, aammattaaq pisut allat ilaatinneqassapput. Assersuutigalugu tamanna pisuni, ilaasortap pineqartup – upperisarsioqatigiit ataatsimoornerannit anisitaanissaq annilaangagalugu – upperisarsiornermi aqutsisuannut maleruutiinnaarnerani pisinnaavoq.

Pisuni, ilaasortap tarnimigut eqqortiasuunera uukapaatitsilluni qanoq iliuuseqarnermigut upperisarsiornermik aqutsisup atornerluppagu, soorlu ilaasortap peqqusersiornermik, salloqittaaanikkut aalassassarinikkut imaluunniit (kinguaassiuutitigut) atassuteqalernissamik aallarniinialuni alutoreqqusaarnek, kinaassutsini, kusagineqarnini, atisalersornini il. il. ikiorsiullugit pineqartumik kajungilersitsiniarnermigut eqqarsaataanik, isumaanik aamma pissusaanik sunniinerani, ingasattumik atornerluineq ilaatigut pisinnaavoq. Ilaasortap pineqartup assersuutigalugu upperisarsiornermik aqutsisup pisoq allamut saatikkaa misigisinnaavaa, taamaalilluni upperisarsiornermik aqutsisup kinguaassiuutitigut qaninniarni aliasunnerup suliarineqarnerani ingerlatsinermi pissusissamisoortut misigineqarlutik, imaluunniit qaninniarnit upperisarsiornermut ilaasutut isigilersinneqarlutik.

Pisuni upperisarsiornermik aqutsisup, ilaasortap pineqartumut tunniutiinnarnissaanik siunertaqartumik, ilagiinnit “qimagutitinneqarnissaanik” qunusaarneqarneratigut imaluunniit naleqqutinngitsumik isornartorsiorneqarneratigut, pasitsassaarneqarneratigut imaluunniit unnerluutigineqarneratigut ilaasortap pinngitsuuisinnaajunnaarnerata atonerlunneqarnerani, ingasattumik atonerluineq aamma pisinnaavoq.

Assersuutit taaneqartut tamakkiisuunngimmata, kiisalu pinngitsuuisinnaajunnaarluni atassuteqarneq atuuttoq ingasattumik atonerlunneqarnerasoq, iliuutsinut taaneqartunut arlalinnut tunngatillugu pissutsit pisimasut apeqqutaassammata maluginiarneqassaaq. Taamaalilluni upperisarsiornermik aqutsisup ilagiivini ilaasortamik, upperisarsiornermik aqutsisumut pinngitsuuisinnaajunnaarluni atassuteqartumik, atoqatiginninneq allatulluunniit kinguaassiuutitigut atassuteqarneq, aalajangersakkap paasineqarnerani pinngitsuuisinnaajunnaarluni atassuteqartumik ingasattut atonerluinerunersoq, pisuni tamani piviusumik naliliinermik pissuteqartinneqassaaq.

Upperisarsiornermik aqutsisuata inooqammik inooqateqalernissaata suli periarfissaanissaa siunnersuutip allannortissanngilaa, aamma pineqartup ilagiivini taanna ilaasortaagaluarpulluunniit. Taamaammat pisuni taamaattuni ilaasortamik atoqatiginninnermik allatulluunniit kinguaassiuutitigut atassuteqarnermik angusineq, upperisarsiornermik aqutsisup pinngitsuuisinnaajunnaarluni atassuteqarneq ingasattumik atonerlussimaneraa, piviusumik nalilersuinermik tunngaveqassaaq.

Inuk “upperisarsiornermik aqutsisutut” taaneqarsinnaanersoq, pineqartup ajoqersuinermik atuuffeqarneranik imaluunniit allatut upperisarsiornermik immikkut ittumik oqartussaasuuneranik pissuteqartinneqassaaq. Kisianni pineqartup upperisarsioqatigiinni ilagiinniluunniit akuerisaasuni ilaanissaa piunasaqaataanngilaq. Ilagiit pillugit oqaatsip imarisaa atituumik paasineqassaaq aamma upperisarsiornermik ataatsimoornernik

suogaluartunilluunniit, upperisarsiornikkut aqutsisumik imaluunniit ataatsimoorussamik upperisarsiornikkut nakimanani isumaqatigiinnernik qitiutitsinerussapput. Aalajangersagassatut siunnersuutigineqartup annertusineqarnerani taamaalilluni palasit, imamit, rabbinerit anersaakkullu aqutsisut allat ilaatinneqassapput, massa ilagiit siunnersuisuini ilaasorta qut imaluunniit palasip oqaluffimmi ikiortaa assersuutigalugu ilaatinneqassanatik. Inuk ilagiinni ilaasortaansoq nalilerniarlugu, pineqartup ilagiinni upperisarsiornikkut inooqatigiinniluunniit aaqqissuussinerit qanoq akulikitsigisumik peqataaffigisarnerai, ilaasortaansermut akiliisarnersoq, pineqartoq ilagiit aqutsisuini ilaansoq imaluunniit pineqartoq ilagiit inooqatigiinni sulineranni peqataasarnersoq assersuutigalugu pingaartinneqarsinnaapput.

Aammattaaq inatsisissatut siunnersuummi nalinginnaasumik oqaaseqaatini imm. 2.8 innersuussutigineqarpoq.

Nr. 4-imut

Pinerluttuliortup pineqartup ukiui nalunngikkunigit imaluunniit tamatumunnga tunngatillugu mianersuaalliorsimaguni, inummut inummik 18-it inorlugit ukiulimmik, pinerluttuliortup qitornassarisaanik qitornarsiaanilluunniit imaluunniit ilinniartitassatut perorsagassatulluunniit paarisassatut tatigineqarluni tigummiaminik atoqatiginnittumut allatulluunniit kinguaassiuutitigit atassuteqartumut, pinerluttulerinermi inatsimmi § 80, imm. 2 malillugu eqqartuussisoqassaaq.

Taamaalilluni kannguttaalliorfiginninnermi pinerluttulerinermi inatsimmi § 80, imm. 2 atorineqassanngilaq.

Pinerluttulerinermi inatsimmi § 80, imm. 2-mi, »allatut atoqateqarnikkut pissusilersortoq«-p kingorna »imaluunniit atassuteqarnerit kanngunarsaataasut atorlugit piitaajuitsuussusianik innarliisoq«, ilanngunneqassasoq siunnersuutigineqarpoq.

Aalajangersakkamut suliaasaqarfiup annertusineqarnissaa, aamma kanngutsaatsuliorneq ilaatilerlugu, allannguutissatut siunnersuutip kingunerivaa. Pissusilersuutit, pinerluttuliortup pinerlineqartullu atassuteqarnerat aalajangersakkap suliaasaqarfianut ilaatinneqarpat, § 84, imm. 1-imik unioqqutitsinermik kinguneqartut, taamaalillutik siunissami § 80, imm. 2-p ataanut atassuserneqarsinnaalissapput.

Pinerluttuliortoq pineqartup angojoqqaassarippagu- imaluunniit angajoqqaarsiarippagu, imaluunniit pinerlineqartoq pinerluttuliortumit ilinniartitassasut perorsagassatulluunniit tatigisatut paarineqarpat, inuk 18-it inorlugit ukiulik pissusilersornermik kannguttaalliorfiginninnermik kingunilimmik pinngitsuutitsissutaasussaajunnaarsitsisumik akuersissuteqaqqaarsinnaanngitsoq, allannguutissatut siunnersuutip kinguneraa. Taamaalilluni pinerluttulerineq pillugu inatsiseqartitsinermi akisussaannermut tunngatillugu pinerlineqartup iliuitsit pineqartut qanoq isumaqarfiginerai apeqqaataassanngillat, matumani pinerlineqartup piviusumik piitaajusissutsimi innarlerneqarnera misigisimaneraa, aamma taamaalilluni ilaatigut pinerluttulerineq pillugu inatsiseqartitsinermi akisussaannermut tunngatillugu, inuusuttup kajumissaarineratigut kannguttaalliorfiginninnermik iliuseq pisimanersoq ilanngullugu.

Inuit ilaatinneqartut allanngortinneqarnissaat allannguutikkut allanngortinniarneqanngillat. Inuit ilaatinneqartut ullumikkut pinerluttulerinermi inatsimmi § 80, imm. 2-mi ilaatinneqartut taamaalillutik assigissavaat.

Assersuutigalugu angajoqqaarsiaq, ilinniartitsisoq håndboldternermi sungiusaasoq il. il., inummut 18-it inorlugit ukiulimmut sms-inik kinguaassiornermut tunngasunik imalinnik nassiussisoq, pineqartumut tatigineqarluni persorsaasussaasoq, ilinniartitsisussaasoq, il. il., pinerluttulerinermi inatsimmi § 80, *imm. 2* malillugu pinerluttulerineq pillugu inatsiseqartitsineq malillugu akisussaatinneqarsinnaassaaq. Iliuitsinut allanut, § 84, imm. 1-mut ilaatinneqartunut, assersuutigalugu attorneqarnernut, ima pissuseqanngitsunut, “allatut kinguaassiuutitigut

atassuteqarnerit atoqatiginninnerunngitsut"-nut ilaatinneqarlutik, nalikkaanik nittarsaassinerit assigisaanillu, tamanna aamma atuutissaaq.

Kannguttaalliorfiginninnermut tunngatillugu § 80, *imm.* 2-mi aalajangersakkamik atuinermi, iliutsip kinguaassiuutitigut atassuteqaatinut tunngatillugu atassuteqaateqarnissaa aamma taamatut ingasassuseqarnissaa piumasqaataavoq. Aalajangersakkap paasineqarnissaatut pinerluttulerineq pillugu inatsiseqartitsineq malillugu kanngutsaatsuliorneq pisimanersoq, pissutsit erseqqinnerusut tunngavilissavaat, matumani inuit peqataasut akornanni atassuteqarnerup qanoq issusia ilanngullugu.

Pisoq pinerluttulerinermi inatsimmi kinguaassiuutitigut pinerluutit pillugit kapitalimi aalajangersakkami allami ilaatinneqanngippat, pissusilersuutitut aalajangersakkap suliassaqarfianut ilaasinnaasunut assersuutit tassaasinnaapput pinerlineqartup iviangiinik imaluunniit kinguaassiuutaanik attuinerit imaluunniit pinerlineqartumik atoqatiginninnissamik allatulluunniit kinguaassiuutitigut atassuteqarnermik kissaateqarnermik paasinarsisitsisunik oqaatsinik kinguaassiornermut tunngasunik atuinerit.

Pissusilersorneq meeqqap inuusuttulluunniit isumassorneqarneranik takutitsineruppat, pissutsit allakkut tamanna pissutissaqartippassuk, pissusilersornerit aalajangersakkap atornerqarfissaanut suliassaqarfiup nalinginnaasumik avataaniittutut assersuutit tassaapput, angajoqqaassap-imaluunniit angajoqqaarsiap meerassaminik meerarsiaminilluunniit pakkussinera aamma kuniuineri. Taamaattoqarnerisooq pissusilersornermi pissutsit apeqqutaatinneqassapput, matumani illuatungeriit akuusut allakkut misigissutsikkut qanittumik imminnut atassuteqarnerisut ilanngullugu. Pisuni angajoqqaassat angajoqqaarsialluunniit atisaqaratik meerassamut-meerarsiamulluunniit takutinneranni aamma tamanna atuuppoq. Soorluttaaq perorsaasup ilinniartitsisulluunniit meeqqamut mikinerusumut isumassuinermit atatillugu attuinerat, assersuutigalugu eqitaarinerat, qaavisigut kuniuinerat imaluunniit tuppallersaanermit atatillugu perorsaasup meeraq sarliarpagu, tamanna aalajangersakkamut

ilaatinneqanngitsumik nalinginnaasumik naleqquttumik pissusilimmik iliuseqarnertut isigineqassaaq.

Illuatungaani atassuteqaatit ungasinnerusut pineqartillugit, soorlu assersuutigalugu ilinniartitsisup atuartullu akornanni, pissutsit malillugit kuniuneq aalajangersakkamut ilaatinneqassaaq. Illuatunganili assersuutigalugu timersornermut atatillugu atisaajarneq, kinguaassiuutinut tunngasunik maluginiarnertaqanngitsoq, nalinginnaasumik naleqquttumik pissusilimmik iliuseqarnertut isigineqassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.4 innersuussutigineqarpoq.

Nr. 5-imut

Kinguaassiuutitigut atassuteqarnerit atoqatiginninnerunngitsut eqqarsaatigalugit, pinerluttulerinermi inatsimmi §§ 77-imiit 81 ilanngullugu aalajangersakkat imarisatik malillugit atorneqassapput.

Taamaalilluni pinerluttulerinermi inatsimmi §§ 77-imiit 81 ilanngullugu aalajangersakkat pinngitsaaliinikkut naalungiarsuup aqquaatigut itikkullu atoqateqarneq, kinguaassiuutitigut atorneqluineq, meeqqanik kinguaassiuutitigut atassuteqarneq, alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit inummik kajungilersitsiniaaneq aamma akiliilluni inummik inuusuttumik kinguaassiuutitigut atassuteqarneq ilaatinneqarput. Tamatuma saniatigut allatut kinguaassiuutitigut atassuteqarnerit aalajangersakkani ilaatinneqarput, imaappoq iliuitsit atoqatiginninnertut pissusillit, atoqatiginninnerup taarserneqarneranut atorneqartut imaluunniit allakkut innarlerneqartumut imaluunniit akuusumut atorneqlunneqartumut tunngatillugu kinguaassiuutitigut innarliinernik atoqatiginninnermut qanittunik imallit. Nalinginnaasumik pinngitsoorani aappaata kinguaassiuutaanik aappaatalu timaanik toqqartumik attuineq pineqassaaq. Allatut kinguaassiuutitigut atassuteqarnertut assersuutit taaneqarsinnaapput qanersorluni atoqatiginninnerit, kinguaassiuutit

kuninneqarnerat il. il., meeqqat aqputaannut inussanik atortussamilluunniit tigussaasumik pulatitsinerit aamma usuup attualaarneqarnera.

Inatsisit atuuttut pillugit erseqqinnerusumik eqqartuinissamut inatsisissatut siunnersuummut nalinginnaasumik oqaaseqaatini imm. 2.2.1 innersuussutigineqarpoq.

Pinerluttulerinermi inatsimmi aalajangersakkamik nutaamik § 81 a-mik ilanngussisoqarnissaa siunnersuutigineqarpoq, tassanilu pinerluttuliortup pinerlineqartoq imminut kinguaassiuutitigut iliuseqartissimappagu aalajangersakkat §§ 77-imiit 81 ilanngullugu taamaaqataanik atuutissasut takuneqarsinnaassaaq.

Pinerlineqartup iliuitsit imminut iliuserippagit pinerluttuliortullu imaluunniit allap pinerlineqartumut taakkua suliaritippatigit, pissutsit immikkut ittut aamma pisut aalajangersakkat ataanniitinneqarsinnaanerak, suleriaatsit atuuttut malillugit iliuitsit §§ 77-imiit 81 ilanngullugu ataannut ilaatinneqarsinnaanerak siunnersuutip kinguneraa. Pinerluttulerinermi inatsimmi §§ 77-imiit 81 ilanngullugu atorneqarfissaattut suliaasaqarfiup allakkut allanngortinneqarnissaa siunertarineqanngilaq.

Pissutsit malillugit pisunut § 81 a-mut ilaatinneqarsinnaasunut assersuutaasutut taaneqarsinnaavoq, pinerluttuliortup assersuutigalugu pinerlineqartup mattaangalluni assiinik siammarterinissaq qunusaarutigalugu, pinerlineqartoq inussaminik atortussanilluunniit tigussaasunik nammineq kinguaasiutaanut imaluunniit erluanut pulatitsisikkaa imaluunniit usummik attualaaritikkaa.

Pinerluttuliortup inimi pinerlineqartup isersimaffigisaaniinnera imaluunniit assersuutigalugu pinerlineqartup videochat atorlugu iliuitsit pineqartut suliarinissaannut ilitsersuinerak, aalajangersakkap atorneqarnissaanut apeqputaanngilaq.

Iliuitsinik pinerluttulerinermi inatsimmi §§ 77-imiit 81 ilanngullugu ilaatinneqartunik pinerluttuliortumit pinerlineqartup imminut suliaqartinneqarsimanera, aalajangersagassatut siunnersuutigineqartumi

piumasaqaataavoq. Pinerluttulerinermi inatsimmi §§ 77-imiit 81 ilanngullugu pinerluutigineqartup imarisaanut nalinginnaasumik piunasaqaatit, aammattaaq naammassineqarsimasussaasunut, aalajangersagaq atatillugu isiginiarneqassaaq. pinerluttuliortup iliuusaanut piunasaqaatit, aalajangersakkami innersuussutigineqartumi pinerluutigineqartup imarisai aammattaaq apeqqutaatinneqassapput.

Pinerluttuliortup pinerlineqartumut iliuuserineqartumik pineqartumik imminut suliarititsinissaanik piunasaqaatip, pisuni pinerlineqartup nammineq inummik allamik isiginnaartoqarluni, inummit allamit toqqaannartumik toqqaannangikkaluartumilluunniit sunnerneqanngiivilluni imminut kinguaassiuutitigut iliuutsinik suliaqarnermik aallarniinerani, pisut ilaatinneqanngillat. Taamaalilluni pinerluttuliortup peqataanerata aamma iliuutsit taakkua, pinerlineqartup suliarisaasa akornanni pissutsit ataqatigiissapput, imaappoq aappaa aappaanut pissutaassaaq.

Pinerluttuliortup pinerlineqartumut iliuutsip pineqartup imminut suliarititsinissaanik piunasaqaat, § 77, imm. 1-imi (siunissami imm. 1, oqaaseqatigiit 1.) pinerluutigineqartup imarisaa naammassineqarsimappat, pissutsit malillugit naammassineqarsimassaaq. pinerlineqartoq atassuteqaammut akuersissuteqaqqaarsimanngippat, iliuutsit pinerlineqartup imminut suliarisai, taamaalillutik pinerluttulerinermi inatsimmi § 77, imm. 1, oqaaseqatigiit 1.-imik unioqqutitsinerusinnaapput. Iliuutsimi akuersissuteqaqqaartoqarsimansoq pillugu, inuup nammineq kajuminnerminik iliuuseq iliuuserisimaneraa tunngavigineqassaaq. Suliami pissutsit tamaasa tunngavigalugit, pisuni piviusuni akuersissuteqaqqaartoqarsimansoq pillugu eqqartuussivik aalajangiisussaassaaq.

Pisuni pinerluttuliortup nakuusernissamik qunusaaruteqarnerani imaluunniit inatsisit unioqqutillugit pinerlineqartumut iliuuseq pineqartoq pillugu pinngitsaaliinermigut suliarititsinerani, akuersissuteqaqqaarneq atuuttoq piunaviannngilaq. Assersuutigalugu pinerlineqartup iliuutsit pineqartut suliarinnngippagit, pinerluttuliortup pinerluttuliortup tamataqarani

assiisa tamanut saqqummiunniarlugit qunusaarinerani, tamanna pisinnaavoq.

Pinerluttulerinermermi inatsimmi § 77, imm. 1, oqaaseqatigiit 1.-ip unioqquatinneqarnerata akerlianik, pinerluttuliortumit timikkut iliuuseqarnerani, kisianni pinerlineqartumit, iliuutsinik imminut suliaqartussamit, ilaatigut suliniartoqarsimanissaa piumasqaataavoq. Pisut pinerlineqartup sianigisaqanngitsumik ersinermik tunngavilimmik qanoq issuseqarnerluni ilatsiinnartutut takutitsinerani, aamma ullumikkut pinerluttulerinermermi § 77, imm. 1, oqaaseqatigiit 1. ilaatinneqarsinnaasumi pisuni pinerlineqartoq assersuutigalugu sininneq imaluunniit imigassamik sunnerneqarsimaneq pissutigalugu qanoq iliuuseqarsinnaannginnerani, pinerluttulerinermermi inatsimmi aalajangersagassatut siunnersuutigineqartumi § 81 a-mi iliuutsit ilaatinneqartut pinerlineqartup suliarissallugit sapissagai, soorunami tamatuma kingunerissavaa.

Iliuutsit pinerlineqartup imminut iliuuserisimasai, pinerluttulerinermermi inatsimmi § 77, imm. 1-imi oqaaseqatigiit 1.-imut atassuserneqassappata, – pisoq sioqqullugu imaluunniit pisumut atatillugu – pisuni assersuutigalugu pinngitsaaliineq, qunusaarineq, pinngitsaaliilluni iliuuseqartitsineq imaluunniit pissutsit allat, akuersissuteqaqqaarsimanermik atuuttumik peqannginneranik paasinarsititsisut piusimanissaat, tamatuma kinguneraa. Assersuutigalugu pinerlineqartup aallaqqaataasumik iliuutsit pineqartut imminut suliarinissaat itigartitsissutigippagit, kisianni kingusinnerusukkut akuersippat, aamma pisoq sioqqullugu imaluunniit pisup nalaani pissutsit qunulersitsisut uppersaaserneqarsinnaanngippata, taamaalilluni iliuutsit pinerlineqartumit akuersissuteqaqqaarnani iliuuserineqarsimanissaannut pinerluttuliortumit siunertaqatoqarsimanaviannngilaq.

Pinerluttulerinermermi inatsimmi § 77, imm. 2, oqaaseqatigiit 2.-tut siunnersuummi (inatsisissatut siunnersuummi § 1, nr. 1) (pinngitsuusaarluni atoqatiginninneq allatulluunniit kinguaassiuutitigut atassuteqarneq), § 78, imm. 1 aamma 2 (kinguaassiuutitigut atornerluineq) aamma § 81-imi (inummi inuusuttumik akiliilluni kinguaassiuutitigut atassuteqarneq)

aalajangersakkat imarisatik malillugit pinerlineqartup kinguaassiuutitigut iliuseqarnissaanik suliaqartinneqarneranut tunngatillugu pinerluttuliortup eqeersimaartumik atuuffeqarsimanissaa piunasaqaataavoq, aamma aalajangersakkat pineqartup malillugit eqqartuussisoqarsinnaaneranut piunasaqaatit allakkut naammassineqarsimappata, taamaalilluni pisuni taakkuanani pinerluttuliortup pinerlineqartup iliuitsimik pineqartumik iliuseqartitsisimanera pillugu immikkut ittumik uppernarsaasoqarnissaa pisariaqanngilaq.

Pinerluttuliortup pinerlineqartumik kinguaassiuutitigut iliuseqartitsisimanissaanik piunasaqaat, taamaattoq inatsimmi § 77, imm. 2-mut (meeqqamik 12-it inorlugit ukiulimmik kinguaassiuutitigut atassuteqarnikkut pinngitsaaliineq (aamma siunissami), meeqqamut 12- iniit 14-it ilanngullugit ukiulimmut, tassani pinerluttuliortoq 22-nik ukioqalereersimalluni), § 78, imm. 3-imut (inunnik pinerluttuliortup paarisaanik atoqatiginninneq), § 79-imut (meeqqamik kinguaassiuutitigut atassuteqarneq) aamma § 80, imm. 2-mut (alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit meerassamik, meerarsiamik, atuartumik il. il. kajungilersitsiniaaneq) tunngatillugu immikkut ittumik pingaaruteqarsinnaavoq.

Aalajangersakkat taaneqartut tamarmik kinguaassiuutitigut atassuteqarnernut inerteqquteqarluinnarnermik imaqarnerat tamatumunnga pissutaavoq. Taamaalilluni aalajangersakkat malillugit pinerlineqartup akuersissuteqaqqaarsimanissaa pingaaruteqanngilaq, soorlu aamma akisussaassutsip nalilerneqarnissaannut akuusut arlaat sorleq aallarniisimanersoq pingaaruteqanngitsoq.

pinelineqartup iliuitsimik pineqartumik pinerluttuliortumit iliuseqartinneqarsimanissaanut aalajangersagassatut siunnersuutigineqartumi piunasaqaat, aalajangersakkanut taakkuanunnga atatillugu, sulianut taamaattunut tunngatillugu pinerluttuliortumit pinelineqartup kinguaassiuutitigut imminut iliuseqartitsisimanerata,

aamma pinerluttuliortoq tassunga tunngatillugu siunertaqarsimanerata uppersaaserneqarnissaannik kinguneqartussaassaaq.

Aalajangersakkat taaneqartut kinguaassiuutitigut atassuteqarnernut inerteqquteqarluinnarnermik imaqarnerat eqqarsaatigalugu, pinerluttuliortup peqataasimaneranut piumasagaatit suut piumasagaatigineqassanersut pillugit killiliussaq appasissorujussuussaaq. pinerluttuliortup kinguaassiuutitigut iliuuseqarnermut aallartitsisimanagera piumasagaataassanngilaq, aamma taamaalilluni pissutsit malillugit assersuutigalugu pinerlineqartup kinguaassiuutitigut iliuuseqartitsineq nammineq aallarnersimasaata pinerluttuliortumit ingerlatiinnaqqullugu innaneqarnera naammattussaassaaq.

Pisumi pinerluttuliortoq assersuutigalugu isumapiloqarnek tunngavigalugu tatiginnilersitsiniaaneq (grooming) aqqutigalugu, imaluunniit uukapaatitsinerit allatut ilusillit aqqutigalugit, ilinniartitsisup/atuartup akornanni atassuteqarnermi meeqqamik 15-it inorlugit ukiulimmik imaluunniit inummik 18-it inorlugit ukiulimmik kinguaassiuutitigut iliuutsimik imminut iliuuseqartitsinera, taamaalilluni aalajangersakkat taaneqartut iluaniitinneqassaaq.

Pisuni assersuutigalugu meeraq 15-it inorlugit ukiulik imaluunniit inuk 18-it inorlugit ukiulik ilinniartitsisup/atuartup akornanni atassuteqarnermi nammineq aallartitsinermigut inummit allamit arlaannaatigulluunniit toqqaannartumik toqqaannanngitsumilluunniit sunnerneqarani, inuk alla isiginnaartillugu kinguaassiuutitigut imminut iliuuseqarnera, kisianni aalajangersakkamut ilaatinneqassanngilaq.

Kinguaassiuutitigut iliuuseq pillugu pinerluttuliortup isiginnaartuusimanissaa imaluunniit assimik, videomik assigisaanilluunniit tiguisisimanagera, ilaatigut uppersaasersuinissaq eqqarsaatigalugu, aalajangersagassatut siunnersuutigineqartup atorneqarnissaanut aallaaviatigut erseqqissumik piumasagaataassaaq.

Pissutsini aalajangersakkami allatigut piunasaqaatigineqartuni iliuuserineqarsimappat, atassuteqarneq aalajangersakkamut naleqquttumut atassuserneqassaaq. Assersuutigalugu pinerluttuliortup pinerlineqartoq, akuersissuteqaqqaanngitsunik atortussanik tigussaasunik nammineq kinguaasiuutaanut imaluunniit erluanut pulatitsinerani imaluunniit nammineq kinguaasiuutaanut mattaangasumut attualaartitsinerani, atassuteqarneq pinerluttulerinermi inatsimmi § 77, imm. 1, oqaaseqatigiit 1.-imut atassuserneqassasoq tamatuma kinguneraa. pinerlineqartoq 15-it inorlugit ukioqarpat, aammattaaq atassuteqarneq pinerluttulerinermi inatsimmi § 77, imm. 2, imaluunniit § 79-imut atassuserneqassaaq, aamma pinerlineqartoq 18-it inorlugit ukioqarpat pinerluttuliortullu taanna meerarsiarippagu, atuartuutigippagu assigisaannilluunniit paaqutarippagu, atassuteqarneq aammattaaq pinerluttulerinermi inatsimmi § 80, imm. 2-mut atassuserneqartussaassaaq.

Pinerlineqartoq iliuitsinik ingasannginnerusunik imminut iliuuseqaqqullugu pinerluttuliortumit pinngitsaaliineqarpat, assersuutigalugu nammineq iviangimi attornissaanut, atassuteqarneq pissutsit malillugit kanngutsaatsuliorneq pillugu pinerluttulerinermi inatsimmi § 84, imm. 1-imut imaluunniit inatsisit unioqquutillugit pinngitsaaliineq pillugu § 91-imut ilaatinneqarsinnaassapput.

Aammattaaq inatsisissatut siunnersuummi nalinginnaasunik oqaaseqaatini imm. 2.2 innersuussutigineqarpoq.

Nr. 6-imut

Pinerluttuliortup pineqartup ukiui nalunngippagit, imaluunniit tamatumunnga tunngatillugu mianersuaalliorsimappat, isiginaartitsinermi pornografiskimik isiginnaartitsinertalimmi, inuup 18-it inorlugit ukiullip peqataaneranut inuk suleqataasoq, pinerluttulerinermi inatsimmi § 82, imm. 1 malillugu inuup inuusuttumik atornerluisutut eqqartuunneqassaaq.

Pornografiskimik isiginnaartitsinerit assigiinngitsunik ilusillit kinguaasiuutitigut pissusilersornertut isikkullit, matumani pisut peqartup

aliikkusersuilluni atisaajarnera imaluunniit mattaangalluni qitinernik allatut ilusinik isiginnaartitsinera ilanngullugit, ilaatinneqarput.

Pinerluttulerinermermi inatsimmi § 82, *imm. 1*-imi “pornografiski” imatut allanngortinneqassasoq “kinguaassiuutitigut tunngasumik” allanngortinneqassasoq siunnersuutigineqarpoq.

Allannguutissatut siunnersuutigineqartup taamaallaat aalajangersakkami oqaatsitigut nutarterineq kingunerissavaa. Taamaalilluni isiginnaartitsinerit suut aalajangersakkami ilaatinneqarnerisut, imaluunniit pinerluuteqarnermi allakkut imaritinneqartut pillugit killiliussat atuuttut allanngortinneqanngillat.

Aammattaaq inatsisissatut siunnersuummi nalinginnaasunik oqaaseqaatini *imm. 2.5* innersuussutigineqarpoq.

Nr. 7-imut

Pinerluttulerinermermi inatsit grooming pillugu immikkut ittumik aalajangersakkamik peqanngilaq, taamaaliorneq pisutut, inuup pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik mattaangasulinnik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut isumapiloqarneq tunngavigalugu tatiginnilersitsiniaanermik ineriartortitsisimasutut paasineqassaaq.

Isumapiloqarneq tunngavigalugu tatiginnilersitsiniaaneq (grooming) taamaattoq pissutsit malillugit pinerluttulerinermermi inatsimmi aalajangersakkanik aallanik unioqutitsinerusinnaavoq, assersuutigalugu kinguaassiuutitigut innarliiniarluni misiliinerusinnaavoq, kanngutsaatsuliorfiginninnerusinnaavoq imaluunniit inummik 18-it inorlugit ukiulimmik pornografiskinik atortussanik immiussinertut, pigisaqarnermut imaluunniit siaruarterinerusinnaalluni.

Taamaalilluni isumapiloqarneq tunngavigalugu tatiginnilersitsiniaaneq (grooming) assersuutigalugu pissutsit malillugit pinerluttulerinermermi

inatsimmi § 77, imm. 2-mik imaluunniit § 79-imik unioqqutitseriarnerusinnaavoq, taakkuanani meeqqamik 15-it inorlugit ukiulimmik atoqateqarneq allatulluunniit kinguaassiuutitigut atassuteqarneq pinerluutinngortinneqarpoq.

Tamatuma saniatigut isumapiloqarneq tunngavigalugu tatiginnilersitsiniaaneq (grooming) pissutsit malillugit pinerluttulerinermi inatsimmi § 84 malillugu kanngutsaatsuliorfiginninnertut pinerluutaasinnaalluni.

Assersuutigalugu pinerluttuliortup meeqqamik inuusuttumilluunniit atassuteqarneranut atatillugu taanna assinik imaluunniit videonik kinguaassiuutinut tunngassuteqartunik nassiussitippagu, tamanna pissutsit malillugit pinerluttulerinermi inatsimmi § 85, imm. 2 malillugu inunnik 18-it inorlugit ukiulinnik pornografiskinik atortussanik inummut kinguaassiuutitigut innarliinermut tunngassuteqartunik pigisaqarnertut eqqartuussissutigineqarsinnaavoq.

Pinerluttulerinermi inatsimmi § 82 a-mi aalajangersakkamik nutaamik ilanngussisoqarnissaa siunnersuutigineqarpoq, tamatumalu kingorna inuk pineqartup ukiui nalunngikkunigit imaluunniit tamatumunnga tunngatillugu mianersuaalliorluni iliuuseqaruni, systematiskimik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni, pineqartup kinguaassiuutitigut innarlerneqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut (groomerisutut) eqqartuunneqassaaq. pinerluttuliortup inummik 18-it inorlugit ukiulimmik ataassuteqarnermik ineriartortitsinera, aalajangersagassatut siunnersuutigineqartoq malillugu pinerluttulerineq pillugu inatsiseqartitsinermi akisussaasuunermut piumasqaataassaaq. Matumuuna tamanna akuusut akornanni atassuteqarnertut, inuttut, allakkatigut imaluunniit digitalimik atassuteqarnerusinnaasoq, piffissallu ingerlanerani ineriartortutut paasineqassaaq.

Meeqqamut inuusuttumulluunniit atassuteqarnermik ineriartortitsineq ilisaqqunnartumik piffissat killillit atorlugit ingerlasarpoq, tassani pinerluttuliortup atassuteqarnerup annertusiartortumik ineriartortinneqarnissaa misilissallugu, taamaalilluni meeqqap inuusuttumulluunniit pinerluttuliortoq sunik tamanik oqaloqatigisinnaasat qanittutullu ikinngutitut isigilissammagu, aamma pinerluttuliortup aatsaat ingerlatsinerup kingusinnerusuani atassuteqarnermi kinguaassiuutitigut sammisat ilisaritissallugit.

Aalajangersakkap atorneqarsinnaanissaanut, inummik 18-it inorlugit ukiulimmik atassuteqarnermik ineriartortitsinneqarsimaneranik piunasaqaatip, aallaaviatigut pinerluttuliortup inuullu 18-it inorlugit ukiullip akornanni arlaleriarluni atassuteqartoqarsimanissaata kinguneraa. Atassuteqarnerit kinguaassiuutitigut tunngasunik imallit ataasiakkat taamaammat pissutsit malillugit illuatungaatigut pinerluttulerinermi inatsimmi kanngutsaatsuliorneq pillugu § 84, imm. 1-imi ilaatinneqarsinnaassapput.

Pissutsit allat pissutissaqartippassuk, atassuteqarnissap ineriartortinneqarnissaa siunertaralugu atassuteqarneq pippat, assersuutigalugu pinerluttuliortoq meeqqamut 15-it inorlugit ukiulimmut oqariartuummik uukapaatitsiniutaasumik nassiussinerani, aamma pinerluttuliortup isumapiloqarneq tunngavigalugu tatiginnilersitsiniaanerani, (grooming) pisuni allani, periaaseq taamaattoq atorsimappagu, taamaattoq pisuni ataasiakkaani kinguaassiuutitigut tunngassuteqanngitsumik attaveqarnerni aalajangersagaq aamma atorneqarsinnaassaaq.

Aalajangersagassatut siunnersuutigineqartup atorneqarnissaanut akuusut akornanni atassuteqarnerni tamani pinerluttuliortup aallarniisimanagera pingaaruteqanngilaq. Taamaalilluni meeqqamit inuusuttumulluunniit pinerluttuliortumut saaffiginninnerit tullerijiat uani pineqarsinnaapput, tassani atassuteqalernissamut ineriartortitsineq suli aalajangersakkap atuuffissaani ilaatinneqassalluni.

Pinerlineqartoq 15-it inorlugit ukioqarpat, taamaammallu inummik atoqateqarsinnaatitaalersinnani inuup minnerpaamik ukiorisassai ataallugit ukioqarluni, pinerlineqartup attaveqarnermini siunertarisaa, pinerluuteqarnerup imarisaata naammassineqarneranut pingaaruteqanngilaq. Taamaalilluni pisut pinerluttuliortup akuusut akornanni atassuteqarnerup kinguaassiuutinut tunngassuteqalernissaanik ineriartortitsinera, aamma meeraq 15-it inorlugit ukiulik nammineerluni aallartitamini pinerluttuliortumut kinguaassiuutinut tunngassuteqartunik imalinnik apeqquteqarsimagaluarpuunniit, aalajangersagassatut siunnersuutigineqartoq taamatut pisunut ilanngutitsivoq.

Pinerlineqartoq 15-inik ukioqalereersimappat, taamaammallu kinguaassiuutitigut nammineersinnaassuseqarluni, illuatungaaticigut pinerlineqartup atassuteqarnermini suna siunertarisimaneraa pingaartinneqartussaassaaq. Pinerlineqartup atassuteqarnerup ineriartortinneqarnerani eqeersimaartumik peqataasimanerata, taamaattoq pissutsit malillugit atorineqarsinnaanissaa pinngitsoortissinnaanngilaa, assersuutigalugu pisuni pinerluttuliortoq ingasattumik uukapaatitsilluni pissusilersorneq takutissimappagu, taannalu pinerlineqartup atassuteqarnermut peqataaneranut aalajangiisuusimappat.

Inummik 18-it inorlugit ukiulimmik atassuteqarnermik ineriartortitsinerup systematiskimik imaluunniit uupakaatitsinikkut pisimamera, aalajangersakkap atorineqarnissaanut piunasaqaataassaaq.

Pinerluttuliortup meeqqat inuusuttullu arlaallit systematiskimik periaatsini taanna atorlugu atassuteqarfigippagit, assersuutigalugu interneti, inoqatinut attaveqaatit assigisaallu aqutugalugit periaaseq taanna atorlugu attaveqarnermigut, systematiskimik iliuuseqarnissamik piunasaqaat naammassineqarsinnaassaaq.

Uukapaatitsinikkut atassuteqarnerup ineriartortinneqarnissaanik piunasaqaat, ukioqatigisaatut meeraasuusaarluni pinerluttuliortup meeqqamik atassuteqarneranit assersuutigalugu

naammassineqarsinnaassaaq, matumani toqqaannartumik ukiuminik eqqartuinnermigut imaluunniit assersuutigalugu meeqqami piviusuunngitsumik ukioqatigiittut isigineqarnissamik pilersitsiniarluni oqariartaatsimik allannqortitsinera ilanngullugu. Upakaatitsiniarnermik pissuseqarnermut assersuut alla tassaavoq, pinerluttuliortup meeqqap inuusutulluunniit assinik mattaangasulinnik nassiussinissaa siunertaralugu assiliisuusaarnera imaluunniit inummut sungiusaasuusaarnera. Naggataagut assersuutigalugu pinerluttuliortup sulinini aqcutigalugu, assersuutigalugu pisiniarfimmi atorfeqartutut, ilaqtariinnik qanittumik atassuteqarnermik ineriartortitsinera, meeqqat kinguaassiuutitigut pinerluffigineqarnissaat siunertaralugu angerlarsimaffimmi pulaartarnera aamma meeqqanik paarsisarnera ukapaatitsiniarnerusinnaapput.

Saniatigut ukiuni misilittakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isigaluni atassuteqarnermik ineriartortitsinerata pisimnera, aalajangersagassatut siunnersuutigineqartup atorineqarnissaanut piunasaqaataasinnaavoq.

Ukiuni misilittakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isigineq, pinerluttulerinermi inatsimmi inummik 18-it inorlugit ukiulimmik atoqateqarnissamut allatulluunniit kinguaassiuutitigut atassuteqarnissamut, ukiuni misilittakkanilu pissutigalugit pisinnaatitaanani allanit pitsaanerusut naleqarnerusutulluunniit imminut isiginini ingasattumik atornerlullugu alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit inummik kajungilersitsiniaaneq pillugu § 80, imm. 1-imut oqaatsit imarisaannut naapertuuttumik paasineqassaaq.

Aalajangersagaq pisuni pinerluttuliortoq pinerlineqartumit utoqqaanerunerani taamaallaat atorineqarnissaa piunasaqaatip kinguneraa. Akuusut ukiumikkut, misilittakkamikkut ineriartornermikkullu qanippata, pissutsit malillugit pinerluttulerineq pillugu inatsiseqartitsinermi akisussaataatitaanissaq periarfissaassanngilaq.

pinerlineqartoq 15-ileereersimappat, pinerlineqartup 15-it inorlugit ukioqarneranut naleqqiullugu, pinerluttuliortup pinerlineqartullu akornanni ukiut nikingassutaannut, misilittagaannut aamma inerisimanerannut nalinginnaasumik annertunerusumik piunasaqaateqartoqartussaassaaq.

Aammattaq aalajangersagassatut siunnersuutigineqartup atorneqarnissaanut pinerluttuliortup meeqqamik inuusuttumilluunniit kinguaassiuutitigut pinerluttuliornissamik siunertaqarsimanissaa piunasaqaataavoq. Iliuseq, pinerluttulerinermi inatsimmi kinguaassiuutitigut pinerluttuliornerit pillugit kapitalimi 18-imi malittarisassaq ataaseq malittarisassalluunniit arlallit malillugit pinerluutinngortinneqartoq, kinguaassiuutitigut pinerluttuliornertut paasineqassaaq.

Taamaalilluni aalajangersakkap atorneqarnissaanut pinerluttulerinermi inatsimmi kapitali 18 malillugu pinerluttuliortup kinguaassiuutitigut pinerluuteqarnissaminik siunertaqarsimanissaa pingaaruteqassaaq. Kisianni pinerluttulerinermi inatsimmi kapitali 18-imi aalajangersagaq sorleq pinerluttuliortup unioqqutinniarlugu siunertaqarfigisimaneraa pingaaruteqartussaannngilaq.

Pinerluttuliortup atassuteqarnermik ineriartortitsineranut kinguaassiuutitigut pinerluuteqarnissap siunertarineqarnissaa piunasaqaataassaaq. Taamaattoq piffissami pinerluttuliortup siullermik meeqqamut inuusuttumulluunniit atassuteqarnerani siunertaqarneq pisimasariaqanngilaq, kisianni aamma atassuteqarnerup ineriartortinneqarnerata nalaani pilersinnaalluni.

Aalajangersagassatut siunnersuutigineqartup unioqqutinneqarnissaanut siunertaqarsimaneq pisimanersoq, suliameq pissutsit piviusut aallaavigalugit aalajangerneqarumaarpoq. pinerlineqartup ukiuinut tunngatillugu mianersuaalliorneq pineqartillugu, assigisaa atuuppoq.

Aamma uani inuk, isumapiloqarnek tunngavigalugu tatiginnilersinneqartoq (groomerpeqartoq) inummik atoqateqarsinnaatitaalersinnani inuup minnerpaamik ukiorisassai qaangerlugit ataallugilluunniit ukioqarnerseq immikkortitsissutigineqartussaassaaq.

Meeraq 15-it inorlugit ukiulik pineqarpat, meeqqap tamanna pillugu isumaqataasimanera isumaqataasimannginneraluunniit apeqqutaatinnagit, kinguaassiuutitigut atassuteqarnerit suugaluartulluunniit pinerluutinngortinneqassapput. Taamaalilluni pinerluttuliortup assersuutigalugu meeqqamut kinguaassiuutinut tunngassuteqartunik oqariartuutinik imalinnik nassiussisimanersaq imaluunniit timitalerlugu piviusungatitamik naapinnissamut piffissamik nalinginnaasumik kissaateqarnini oqaatigisimaneraa, uani ilaatigut pingaartinneqarsinnaapput.

Tassunga atatillugu pinerluttuliortup oqariartaasiani meeqqap sumik suliaqarnissaa pillugu, taassuma suna kissaatigineraa erseqqissarneqarsinnaannikkaluartoq, kinguaassiuutinut tunngassuteqartunik sammisanik oqaatiginninnernik inerniliussisoqarsinnaanersaq, naliliinermi ilaatinneqarsinnaavoq. Pisut malillugit pinerluttuliortup periaaseq taanna atorlugu meeqqat arlallit atassuteqarfigisimanerai, immaqa siusinnerusukkut meeqqamut innarliisimanersaq, imaluunniit digitalimik atortorissaarutaatimini meeqqat assiinik kinguaassiuutinut tunngassuteqartunik peqarnerseq, naliliinermi aammattaaq ilaatinneqarsinnaapput. Akuusut atassuteqarnerat pillugu meeqqap angajoqqaaminut allanulluunniit oqaluttuannnginnissaanik pinerluttuliortoq siunnersuuteqarsimanersaq, naliliinermi aammattaaq ilaatinneqarsinnaavoq.

Kisianni inuk 15-ileereersimasoq pineqarpat, pineqartumut nammineq piomassuseq malillugu imminnut kinguaassiuutitigut atassuteqarnerit ilaaffigineqartut pinerluutinngortinneqanngillat. Taamaammat inuup inummik atoqateqarsinnaatitaalersinnani inuup minnerpaamik ukiorisassai qaangerlugit ukiulimmik qaninniarujoormik imaluunniit

kinguaassiuutitut tunngassutilerujussuarnik attaveqaqatiginninnermik peqataasup, illuatungerisap kinguaassiuutitigut pinerluffiginissaa siunertaralugu taamaaliornersoq, uppersarsassallugu nalinginnaasumik ajornakusuusaaq.

Pinerluttuliortoq aalajangersimasumik ingasassusilimmik uukapaatitsisumik pissusilersunngippat imaluunniit ukiut, misilittakkat aamma inerisimanerit annertuumik assigiinngissusaat erseqqissumik atonerlunngippagit, taamaalilluni imminnut aamma nammineq kajumissuseq malillugu kinguaassiuutitigut atassuteqarnissaq siunertaralugu, inummik atoqateqarsinnaatitaalersinnani inuup minnerpaamik ukiorisassai qaangerlugit ukiulimmik atassuteqarnermik ineriartortitsisoqarnera ilimagineqarsinnaavoq.

Inunnut inummik atoqateqarsinnaatitaalersinnani inuup minnerpaamik ukiorisassai qaangerlugit ukiulinnut tunngatillugu, taamaalilluni pinerluttuliortup assersuutigalugu ukiukinnerunerarluni imaluunniit utoqqaanerunerarluni sallunera imaluunniit soqutiginarnerulerumalluni inuunermini taasassaminik ingasattajaarinera naammannaviannigilaq. Kisianni pisut malillugit, assersuutigalugu pinerluttuliortup assiliisartuusaarluni inuusuttup mattaangalluni isiginnaartitsinissaa, assinik mattaangasulinnik nassiusinissaa imaluunniit assigisaanik iliuuseqarnissaa aamma atisanik takutitsisartutut inuussutissarsiuuteqalernissaanut ikiuiniarnerani, aalajangersagassatut siunnersuutigineqartup unioqquatinneqarnissaanut pisariaqartinneqartumik siunertaqarsimaneq pisimasinnaavoq.

Isumapiloqarneq tunngavigalugu tatiginnilersitsiniaaneq (grooming) pillugu aalajangersagassatut siunnersuutigineqartup pisut, taakkuanani piviusumik kinguaassiuutitigut innarliiniarneq pillugu uppersarsaasersuisoqarsinnaanani, eqqorneqarnissaat anguniarpaa.

Pisut, ullumikkut pinerluttulerinermi inatsimmi § 77, imm. 2-mik imaluunniit § 79-imik unioqquatsinissamut misiliinertut

pinerluutinnhortinneqartut, taamaalillutik siunissami aamma aalajangersakkat pineqartut malillugit pinerluutinnhortinneqassapput.

Assersuutigalugu pinerluttuliortoq meeqqamik 15-it inorlugit ukiulimmik piviusumik naapitsinissaq siunnersuutigisimappagu, aamma assersuutigalugu meeqqamik attaveqaqatigiinnermi erseqqissumik takuneqarsinnaappat, pinerluttuliortup meeqqamik atoqateqarnissaq allatulluunniit kinguaassiuutitigut atassuteqarnissaq siunertarigaa, tamanna isumapiloqarneq tunngavigalugu tatiginnilersitsiniaanermik (grooming) ingerlatsinerup malitsigisaanik pippat, pisut malillugit § 21 malillugu, kiisalu isumapiloqarneq tunngavigalugu tatiginnilersitsiniaaneq (grooming) pillugu aalajangersagassatut siunnersuut aporaatsillugit, pinerluttulerinermi inatsimmi § 79 imaluunniit § 77, imm. 2 malillugu eqqartuussisoqarsinnaassaaq.

Isumapiloqarneq tunngavigalugu tatiginnilersitsiniaanermik (grooming) ingerlatsinerup sivitsornerani, pinerluttuliortup meeraq inuusuttorluunniit assersuutigalugu kinguaassiuutinut tunngassuteqartunik oqariartuutunik assinilluunniit nassiussinermigut, kanngutsaatsuliorfigisimappagu, § 82 atut siunnersuutigineqartumut aporaatillugu eqqartuussisoqarsinnaassaaq. Assigisaanik pinerluttuliortoq pinerlineqartoq kinguaassiuutinut tunngassuteqartunik atortussanik nassiussinissaanik kajumissaarippat, § 21 malillugu pinerluttulerinermi inatsimmi 84, imm. 1 malillugu kanngutsaatsuliorfiginninnermik misiliinermut aporaatsillugu eqqartuussisoqarsinnaassaaq.

Pinerlineqartup uukapaatinneqarnera isumapiloqarneq tunngavigalugu tatiginnilersitsiniaanerup (grooming) pissusaaniippoq, taamaammat meeraq inuusuttorluunniit nammineerluni pineqartumit innarlerneqarnini pinngitsoornani sianigisariaqanngilaa, aatsaat immaqa taamaaliornerup kingunerujussuatigut paasilersimassallugu. Taamaalilluni pisuni, meeqqap inuusuttulluunniit namminneerlutik pineqartumit innarlerneqarsimanertik misigisimanaviannngilaat.

Aammattaaq inatsisissatut siunnersuummi nalinginnaasunik oqaaseqaatini imm. 2.1 innersuussutigineqarpoq.

Nr. 8-mut aamma nr. 9-mut

Inuk inuit 18-it inorlugit ukiullit pillugit assinik filiminilluunniit pornografiskinik, atortussanik kinguaassiuutitigut innarliinernut tunngassuteqartunik assigisaanilluunniit assilillugit sanaqqiinernik siaruarterisoq, pinerluttulerinermi inatsimmi § 85, imm. 1 malillugu meeqqanik kanngutsaatsuliortutut eqqartuunneqassaaq.

Inummut 18-it inorlugit ukiulik pillugu assinik filiminilluunniit pornografiskinik, imaluunniit atortussanik inunmut kinguaassiuutitigut innarliinernut tunngassuteqartunik allanik pornografiskinik assigisaanilluunniit takusassianik assilillugit sanaqqiinerit pillugit, piginnittumut imaluunniit akiliilluni imaluunniit interneti systemiluunniit assingusoq paasissutissanik siammarterutaasoq atorlugu ilisimasaqalersumut, pinerluttulerinermi inatsimmi § 85, imm. 2 malillugu tamanna atuutissaaq.

»Assit, filmiliat, assigisaalluunniit pornografiskit pineqartillugit paasinninnermi, assinik immiussinerit, taakkuanani inuk 18-it inorlugit ukioqartoq atoqatiginnilluni allatulluunniit kinguaassiuutitigut atassuteqarluni, tassani inummut 18-it inorlugit ukiulimmut tunngatillugu atortunik tigussaasunik ima atuisoqarluni, atuneq atoqatigiinnermut allatulluunniit kinguaassiuutitigut atassuteqarnermut atoqatiginninnerunngitsumut allaanerunani, imaluunniit inuk 18-it inorlugit ukiulik kinguaassiuutit imaluunniit kinguaassiuutitigut sunniinialuni attualaarinninnerit pillugit assiliinermi atorneqarluni. Nipit immiunneqarneri aamma titartakkat aalajangersakkap avataaniipput. Takusassiat assilillugit sanaqqitat pornografiskit allat pineqartillugit ingammik assit qarasaasiakkut sanaat pineqarput, taakkua inuk 18-it inorlugit ukiulik piviusoq assilinngilaat, assimik assingulluinnarnarnera eqqaassanngikkaanni. Saqqummiussa qiviusuunngitsoq taamaalilluni assitut assigisaattulluunniit isikkoqarsinnaavoq.

85, imm. 1-imi »pornografiimik meeqqanut tunngasunik« imatut allanngortinneqassasoq: »inummik inuusuttumik kinguaassiuutitigut innarliinermut tunngassuteqartunik siaruarterinerit« aamma § 85, imm. 2-mi »taamatuttaaq pineqassaaq« imatut allanngortinneqassasoq »inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, siunnersuutigineqarpoq.

Aamattaaq § 85, imm. 1-imi aamma 2-mi »assit pornografiskit imaluunniit filmiliat, takusassiat pornografiskit allat assilillugit sanaqqitat« imatut allanngortinneqassasoq: »atortussat kinguaassiuutitigut tunngassuteqartut, soorlu assit, filmiliat, assilillugillu sanaqqiinerit takuneqarsinnaasut allat«.

Aalajangersakkani allannguutissat siunnersuutigineqartut taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinneqanngillat.

Aammattaaq inatsisissat siunnersuummi nalinginnaasunik oqaaseqaatini imm. 2.5 innersuussutigineqarpoq.

Nr. 10-mut

Inuk, inuk 18-it inorlugit ukiulik pillugu assinik imaluunniit atortussanik taassuma kinguaassiuutitigut innarliinermut tunngassuteqartunik siaruarterinerit inuunerlunnermut tunngasunik imaluunniit filmilianik assigisaannilluunniit takusassianik imaluunniit internetikkut assigisaatigulluunniit paasissutissanik siammarterinikkut pornografiskinik pigisaqartoq imaluunniit akiliilluni takusaqartoq, pinerluttulerinermi inatsimmi § 85, imm. 2 malillugu eqqartuunneqassaaq. § 85, imm. 3 malillugu, pigisaqarnermut pineqartoq akuersissuteqarsimappat, inummik 15-ileereersimasumik tamanna assinik, filminik assigisaanilluunniit pigisaqarnermi taamaattoq tamanna atuutinngilaq.

Pinerluttulerinermi inatsimmi § 85, *imm.* 3-mi »assit, filmiliat assigisaallu« imatut allanngortinneqassasoq »atortussat inunnut kinguaassiuutitigut innarliinermut tunngassuteqartut« siunnersuutigineqarpoq.

Inatsisisissatut siunnersuummi § 1, nr. 9 malillugu allannguutissatut siunnersuutigineqartoq § 85, *imm.* 2-mi oqaatsitigut nutarsaanermut ataqatigiissillugu isigineqassaaq.

Nr. 11-imut

Pinerluttuliortup pineqartup ukiui nalunngippagit imaluunnit tamatumunnga tunngatillugu mianersuaalliorluni iliuuseqarsimappat, tuniniaanissaq allatulluunniit atortussat siammarterneqarneqarnissaat siunertaralugu, inummik 18-it inorlugit ukiulimmik assinik, filminik assigisaanillu pornografiskinik inuk immiussisoq, pinerluttulerinermi inatsimmi § 85, *imm.* 4 malillugu eqqartuunneqassaaq.

Assinik immiussinerit, taakkuanani inuk 18-it inorlugit ukioqartoq atoqatiginnilluni allatulluunniit kinguaassiuutitigut atassuteqarluni, tassani inummut 18-it inorlugit ukiulimmut tunngatillugu atortunik tigussaasunik imatut atuisoqarluni, atuneq atoqatiginnermut allatulluunniit kinguaassiuutitigut atassuteqarnermut atoqatiginninnerunngitsumut allaanerunani, imaluunniit inuk 18-it inorlugit ukiulik kinguaassiuutit imaluunniit kinguaassiuutitigut sunniiniarluni attualaarinninnerit pillugit assiliinermi atorineqarluni. Nipit immiunneqarneri aamma titartakkat aalajangersakkap avataaniipput.

»Assiginik, filmilianik assigisaannilluunniit pornografiskinik« pinerluttulerinermi inatsimmi § 85, *imm.* 4-mi imatut allanngortinneqassasoq: »assit imaluunniit atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit« siunnersuutigineqarpoq.

Aalajangersakkami allannguutissatut siunnersuutigineqartoq taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinneqanngillat.

Nr. 12-imut

Inuk, inummik inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik tigusisoq, tassani 1) inatsisit unioqqutillugit pinngitsaaliisoqarluni, 2) § 92, 1, oqaaseqatigiit 3. malillugu nammineersinnaajunnaarsitsisoqarluni, 3) § 98 malillugu siorasaarisooqarluni, 4) paasinerluinermik inatsisinut akerliusumik pilersitsisoqarluni, sakkortusaasoqarluni atorerluisooqarluni imaluunniit 5) pineqartup akissarsiutigalugu atortittartuunissaa, assinik filminilluunniit pornografiskinik immiusseqataanissaa, pornografiskimik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu allatut ileqqussaannngitsumik suleriaaseqartoq, pinerluttulerinermi inatsimmi § 93, imm. 1 malillugu inunnik tuniniaasutut eqqartuunneqassaaq.

Inuk pineqartup akissarsiutigalugu atortittartuunissaa, assinik filminilluunniit pornografiskinik immiusseqataanissaa, pornografiskimik isiginnaartitsilluni isiginnaartitsinissaa, pinngitsaaliilluni sulisinneqarnissaa, inussiaataanissaa imaluunniit pissutsit inussiaataasutut assingusut atortinneqarnissaat, imaluunniit timip atortuinik peersiffigineqarnissaa siunertaralugu atorerlunneqarnissaa, 1) inuttassarsiuisoq, angallassisoq, nuussisoq, ineqartitsisoq imaluunniit taamaaliornerit malitsigisaannik inummik 18-it inorlugit ukiulimmik tigusisoq imaluunniit 2) inuk, pinerlineqartumik oqartussaasup akuersissuteqarnissaa anguniarlugu akiliisoq imaluunniit allatigut iluaqutissiisoq, aamma inuk, taamaattumik akiliummik allatulluunniit iluaqutissiissummik tigusisoq, § 93, imm. 2 malillugu assigisaanik eqqartuunneqassaaq.

Assinik filmilianilluunniit pornografiskinik immiussineq, inatsisissatut siunnersuummi § 1, nr. 11 malillugu pinerluttulerinermi inatsimmi § 85, imm. 4-p assigisaanik paasinninnertut paasineqassapput, massa isiginnaartitsineq pornografiskimik isiginnaartitsinertalik inatsisissatut

siunnersuummi § 1, nr. 6 malillugu pinerluttulerinermi inatsimmi § 82, imm. 1-imi oqariartaatsip assingatut paasineqassaaq.

§ 93, imm. 1-imi aamma 2-mi, »pornografiskinik« imatut allanngortinneqassasoq: »assit imaluunniit atortussat inunnt kinguaassiuutitigut innarliinermut tunngassuteqartut, soorlu« aamma »pornografiskinik« imatut allanngortinneqassasoq: »kinguaassiuutitigut« siunnersuutigineqarpoq.

Aalajangersakkami allannguutissatut siunnersuutigineqartut taamaallaat oqaatsitigut nutarsaanernik kinguneqassapput. Taamaalilluni atortussat suut aalajangersakkami ilaatinneqarnersut, imaluunniit pinerluutip imarisai pillugit killissarititaasut atuuttut allanngortinneqanngillat.

Aammattaaq inatsisissatut siunnersuummi nalinginnaasunik oqaaseqaatini imm. 2.5 innersuussutigineqarpoq.

§ 2-mut

Nr. 1-imut

Suliani pinerluttuliornermik tunngassuteqartuni pinerlineqartumut illersuisumik ivertitsisoqarnissaa pillugu malittarisassanik eqqartuussisarnermik inatsimmi § 333 ilaatigut imaqarpoq.

Suliani pinerluttulerinermi inatsimmi § 37-imik (nakuuserneq aamma pisortat oqartussaaitaannik nakuuserneq imaluunniit sioorasaarneq), § 74-imik (ilaquttamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atonerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit inummik kajungilersitsiniaaneq), § 81-imik (akiliilluni inuusuttumik kinguaassiuutitigut atassuteqarneq), § 84, imm. 1-imik (kannngutsaatsuliorneq), § 12 malillugu § 86, imm. 1-imik (toqutseriarneq), § 88-imik (nakuuserneq), § 89-imik (inuup inuuneranik ilaginnaaneq), § 90,

imm. 3-mik (soqutigittaatumik aallaasit ilaannik igitsineq), §§ 91-imiit 93-mut (inatsisit unioqquillugit pinngitsaaliineq, kiffaangissusiiaaneq aamma inunnik nioqquteqarneq) aamma § 112-imik (ujajaaneq) malittarisassanik unioqquitsinermut tunngassuteqartuni inatsimmik unioqquitsinerit ilungersunartuunngitsut imaluunniit toqqammavissatut illersuisoqarnissaq erseqqissumik pisariaqanngitsutut isikkullit minillugit, eqqartuussivik pinerlineqartup noqqaassuteqarneratigut illersuisumik pinerlineqartumut tapersuisussamik aamma ilitersuisussamik ivertitsissasoq, aalajangersakkap imm. 1-iata malitsigaa. Suliaq pinerluttulerinermi inatsimmi § 74-imik (ilaquttamik qanigilluinnakkamik atoqateqarneq), § 77-imik (pinngitsaaliineq), § 78-imik (kinguaassiuutitigut atornerluineq), § 79-imik (kinguaassiuutitigut meeqqanik atassuteqarneq), § 80-imik (alutorineqarneq, kinaassuseq, kusagineqarneq, atisalersorneq, neriorsuutit il. il. ikiorsiullugit inummik kajungilersitsiniaaneq), imaluunniit § 81-imik (akiliilluni inuusuttumik kinguaassiuutitigut atassuteqarneq), unioqquitsinermik tunngassuteqarpat, pinerlineqartorlu 15-it inorlugit ukioqarpat, pinerlineqartoq illersuisoqartinneqarnissamut pisinnaatitaavoq.

Inatsisissatut siunnersuummi § 1, nr. 5, pinerluttulerinermi inatsimmi isumapiloqarneq tunngavigalugu tatiginnilersitsiniaaneq (grooming) pillugu § 82 a-mi (inatsisissatut siunnersuummi § 1, nr. 7) aamma nammineq kajumissuseq malinnagu kinguaassiuutitigut imminut iliuuseqartitsineq pillugu § 81 a-mi aalajangersagassatut siunnersuutigineqartunut, inatsisissatut siunnersuummi § 1, nr. 5 § 333, I-imi, innersuussumik ilanngussisoqarnissaa siunnersuutigineqarpoq.

Pinerlineqartup noqqaassuteqarneratigut suliani isumapiloqarneq tunngavigalugu tatiginnilersitsiniaanermik (grooming) tunngassuteqartuni, aamma nammineq kajumissuseq malinnagu kinguaassiuutitigut imminut iliuuseqartitsinermik tunngassuteqartuni, eqqartuussivik pinerlineqartumut illersuisumik aallaaviatigut ivertitsissasoq, aalajangersagassatut siunnersuutigineqartut kingunerisussaavaat.

Aammattaaq pinerlineqartoq 15-it inorlugit ukioqarpat, suliani isumapiloqarneq tunngavigalugu tatiginnilersitsiniaanermik (grooming)

tunngassuteqartuni aamma nammineq kajumissuseq malinnagu kinguaassiuutitigut imminut iliuseqartitsinermik tunngassuteqartuni, illersuisussaminik ivertitsisoqarnissaa pisinnaatitaaffigaa.

Aammattaq inatsisissatut siunnersuummi nalinginnaasumik oqaaseqaatini imm. 2.3 innersuussutigineqarpoq.

Nr. 2-mut

Eqqartuussisarnermik inatsimmi § 384, imm. 1, nr. 3 malillugu politiinit qinnutigineqarnera malillugu tunngavilersugaasumik aalajangiinikkut, ilungersunartumik inatsimmik unioqquitsinermut imaluunniit pornonut meeqqanik inuttalersukkanut, paasiniaaneq tunngassuteqarpat, tigummigallaasinnaasunut, ammaasinnaasunut aamma tamakkua imarisaannik misissuisinnaasunut, allakkat (allakkanik ammaaneq) aamma nassiussat allat politiinut tunniunneqassasut, eqqartuussivimmit aalajangerneqarsinnaavoq.

Eqqartuussisarnermik inatsimmi § 385, imm. 1, nr. 3 malillugu politiinit qinnutigineqarnera malillugu tunngavilersugaasumik aalajangiinikkut, immikkut ilungersunartumik inatsisinik unioqquitsinermut, eqqissinermik innarliinermut imaluunniit pornonut meeqqanik inuttaligaasunut paasiniaaneq tunngassuteqarpat, politiit, piffissap sukumiinerusumik aalajangersagaasup iluani, oqarasuaatinut aamma oqarasuaatiniit pisunik, oqarasuaatinut, allanulluunniit oqarasuaatinut assingusunut attaveqaqatigiissutinut naalaarnissamut (oqarasuaatinut naalaarnissamut) periarfissinneqassasut eqqartuussivimmit aalajangerneqarsinnaavoq.

Eqqartuussisarnermik inatsimmi § 386, nr. 3 malillugu politiinit qinnutigineqarnera malillugu tunngavilersugaasumik aalajangiinikkut, immikkut ilungersunartumik inatsisinik unioqquitsinermut, eqqissinermik innarliinermut imaluunniit pornonut meeqqanik inuttaligaasunut paasiniaaneq tunngassuteqarpat, politiit, piffissap sukumiinerusumik aalajangersagaasup iluani, oqarasuaammut imaluunniit attaveqaqatigiissummut atortumut allamut aalajangersimasumut attaveqaataanera imaluunniit attaveqaataasimanera pillugit paasissutissanik

katersinissamut, politiit periarfissineqassasut eqqartuussivik aalajangiisinnaavoq.

§ 384, imm. 1, nr. 3-mi, § 385, imm. 1, nr. 3-mi aamma § 386, nr. 3-mi »børnepornografi (porno meeqqanik inuttaligaq)« imatut: »inuusuttumik atoqateqarnermut tunngasunik siammarterineq«, allangortinneqarpoq.

Allanguutissatut siunnersuutigineqartut taamaallaat aalajangersakkani oqaatsitigut nutarsaanernik nassataqassapput. Taamaalilluni killiliinermik atuuttumik, atortut sorliit aalajangersakkamut ilaatinneqarnersut imaluunniit aalajangersakkap imarisaanik allanik allanguisoqanngilaq.

Aammattaaq inatsisissatut siunnersuummi oqaaseqaatini nalinginnaasuni immikkoortumut 2.5-mut innersuussisoqarpoq.

§ 3-mut

Ulloq 1. juli 2024 inatsit atuutilissasoq siunnersuutigineqarpoq.

**Inatsisissat siunnersuut inatsimmut atuuttumut
ataatsimoortinneqarnera**

<i>Oqaasertaliussat atuuttut</i>	<i>Inatsisissat siunnersuut</i>
	<p style="text-align: center;">§ 1</p> <p>Pinerluttulerinermi inatsimmi, tak. inatsimmut nalunaarut nr. 1187, 18. september 2023-meersaq, allanngortinneqartoq inatsisikkut nr. 1782, 28. december 2023-meersumi § 1-ikkut, tulliuuttut allanngortinneqassapput:</p>
<p>§ 77. <i>Imm. 1.</i> Pinngitsaaliilluni atoqateqartut pineqaatissinneqassaaq, atoqateqarsimasoq imal. allatut akuerineqarani peqateqarsimasoq.</p> <p><i>Imm. 2.</i> Pinngitsaaliilluni atoqateqarsimasut pineqaatissinneqassaaq, kina meeqqamik 12-it inorlugit ukiulimmik atoqateqarsimasoq allatulluunniit kinguaassiuutitigut atoqatiginnittoq.</p> <p><i>Imm. 3.</i>----</p>	<p>1. § 77, <i>imm. 1-imi, oqaaseqatigiit</i> 2.-tut ilanngunneqassaaq: »Inummik pinerluttuliortumik allaasorinneq tunngavigalugu pinngitsuusaarluni atoqatiginnittumut allatulluunniit kinguaassiuutitigut atassuteqartumut, tamanna aamma atuuppoq.«</p> <p>2. § 77, <i>imm. 2-mi, oqaaseqatigiit</i> 2.-tut ilanngunneqassaaq: »Aammattaaq inuk 22-nik ukioqalereersimasoq aamma meeqqamik 15-it inorlugit</p>

	<p>ukiulimmik atoqateqartoq allatulluunniit kinguaassiuutitigut atassuteqartoq taamatut eqqartuunneqassaaq.«</p>
<p>§ 78. Kinguaassiuutitigut atornerluinermut eqqartuunneqassaaq kinaluunniit inuup niaqulaarnera imaluunniit eqqarsartaatsimigut innarluuteqarnera atornerlullugu pineqartumut kujannittoq allatulluunniit kinguaassiuutitigut atoqatiginnittoq. <i>Imm. 2.</i> Taamatuttaaq pineqassaaq kinaluunniit inuup suliaqarnikkut, aningaasaqarnikkut imaluunniit passunneqarnermik paaqqutarineqarnermilluunniit pinngitsuuisinnaangissusianik ... kujannittoq allatulluunniit kinguaassiuutitigut atoqatiginnittoq.</p>	<p>3. § 78, <i>imm. 2-mi oqaaseqatigiit 2.-tut</i> ilanngunneqassaaq: »Atoqateqarniarluni allatulluunniit kinguaassiuutitigut atassuteqarniarluni, upperisarsiortut aqutsisuata, taassumalu ilagiivini ilaasortaasup akornanni inuup pisariaqartitsineranik imaluunniit pinngitsuuisinnaajunnaarluni atassuteqarneranik, upperisarsiortut aqutsisuata ingasattumik atornerluineranut tamanna assinganik atuuppoq.«</p>
<p>§ 80. Atoqatiginninnissamut saasaarisutut eqqartuunneqassaaq kinaluunniit ukiumigut misilittak-kamigullu inersimanagernerminik peqqarniitsumik atornerluilluni inummik 18-it inorlugit ukiulimmik kujannittoq, pinerluuteqartup nalusimangippagu pineqartoq qassinik ukioqartoq imaluunniit tamatuma tungaatigut mianersuaalliorluni iliorsimaguni. <i>Imm. 2.</i> Taamatuttaaq eqqartuunneqassaaq kinaluunniit inummik 18-it inorlugit ukiulimmik</p>	<p>4. § 80, <i>imm. 2-mi,</i> »allatulluunniit atoqateqarnikkut pissusilersortoq«-p kingorna ilanngunneqassaaq: »atassuteqarnerit kanngunarsaataasut atorlugit piitaajuitsuussusianik innarliisoq«.</p>

<p>qitornassaminik qitornarsiaminilluunniit imaluunniit imminerminut ilinniartitassanngortinneqarsimasumik perorsagassanngortinneqarsimasumillu kujannittoq allatulluunniit atoqateqarnikkut pissusilersortoq pinerluuteqartup nalusimanngippagu pineqartoq qassinik ukioqartoq imaluunniit tamatuma tungaaticigut mianersuaalliorluni iliorsimaguni.</p>	
<p>§ 81. ---</p>	<p>5. § 81-ip kingorna ilanngunneqassaaq: »§ 81 a. Pinerluttuliortup pinerlineqartumut kinguaassiuutitigut imminut iliuuseqartitsinerani aalajangersakkat §§ 77-imiit 81-imut taamatuttaaq atorneqassapput.«</p>
<p>§ 82. Inummik inuusuttumik atornerluisimasutut eqqartuunneqassaaq inuk peqataasoq, inummik 18-it inorlugit ukiulimmik ilaatitsisoq pornografiimi isiginnaagassioqataanermut, iliortuusup ilisimappagu pineqartup ukioqqortussusia tamatumunngalu tunngatillugu mianersuaatsumik iliorsimaguni. <i>Imm. 2. ---</i></p>	<p>6. § 82, <i>imm. 1-imi</i>, »pornografiimi« imatut allanngortinneqassaaq: »kinguaassiuutitigut tunngasumik«.</p>
	<p>7. § 82-ip kingorna ilanngunneqassaaq: »§ 82 a. Pineqartup ukiui pinerluttuliortup nalunngikkunigit, imaluunniit</p>

	<p>tamatumunnga tunngatillugu mianersuaalliorluni iliuuseqaruni, inuk, systematiskimik imaluunniit uukapaatitsiniarluni ukiuni misilittakkanilu pissutigalugit pisinnaatitaanani allanit pitsaannerusut naleqarnerusutulluunniit imminut isigaluni, pineqartup kinguaassiuutitigut pinerluttuliorfigineqarnissaa siunertaralugu, inummut 18-it inorlugit ukiulimmut attaveqarnermik ineriartortitsisoq, isumapiloqarneq tunngavigalugu tatiginnilersitsiniaasutut (groomer) eqqartuunneqassaaq.«</p>
<p>§ 85. Pornografiimik meeqqanut tunngasumik pilersitsinermut eqqartuunneqassaaq kinaluunniit 18-it inorlugit ukiullit assinginik imaluunniit filmilianik assigisaanilluunniit takusassianik pornografiinik siaruarterisoq.</p>	<p>8. § 85, imm. 1-imi »Pornografiimik meeqqanut tunngasumik« imatut allanngortinneqassaaq: »Inummik inuusuttumik kinguaassiuutitigut innarliinermut tunngassuteqartunik siaruarterinerit« aamma »assinginik imaluunniit filmilianik assigisaanilluunniit takusassianik pornografiinik siaruarterisoq« imatut</p>

<p><i>Imm. 2.</i> Inuk 18-it inorlugit ukiulik pillugu assinik imaluunniit atortussanik taassuma kinguaassiuutitigut innarlerneqarneranut tunngassuteqartunik siaruarterinerit unerlunnermut tunngasunik imaluunniit filmilianik assigisaannilluunniit takusassianik imaluunniit internetikkut assigisaatigulluunniit paasissutissanik siammarterinikkut pornografiinik pigisaqartoq imaluunniit akiliilluni takusaqartoq.</p>	<p>allanngortinneqassaaq: »atortussat inummut kinguaassiuutitigut innarliinermut tunngassuteqartut, soorlu assit, filmiliat, atortussallu allat assilillugit sanaqqitat,«.</p> <p>9. § 85, imm. 2-mi, »Taamatutaaq pineqassaaq« imatut allanngortinneqassaaq: »Inummik inuusuttumik assinik imaluunniit atortussanik inummut kinguaassiuutitigut innarliinermut tunngassuteqartunik pigisaqartoq eqqartuunneqassaaq«, aamma »assit pornografiit imaluunniit filmiliat, atortussanik inunnut kinguaassiuutitigut innarliinermut tunngassuteqartunik takusassianik allanik assigisaannilluunniit assilillugit sanaqqiinerit« imatut allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat, assilillugillu</p>
--	--

<p><i>Imm. 3.</i> Imm. 2-mi aalajangersakkamut ilaanngillat inunnik 15-inik ukioqalereersimasunik assilisanik, filminik assigisaannilluunniit pigisaqarnek, pineqartoq pigisaqarnermut akuersisimatillugu.</p> <p><i>Imm. 4.</i> Aammattaaq eqqartuunneqassaaq kinaluunniit inummik 18-it inorlugit ukiulimmik assiliisoq, filmiliorloq assigisaannillu iliorloq pornografiit, assilisat tuniniarnissaat allatulluunniit iliorluni siaruarternissaat siunertaralugu iliorloq pineqartup ukioqqortussusia ilisimappagu tamatumunngalu tunngatillugu mianersugaalliorluni iliuuseqarsimaguni.</p>	<p>sanaqqiinerit takuneqarsinnaasut allat«.</p> <p>10. § 85, <i>imm. 3-mi</i> »assit, filmiliat assigisaalluunniit« imatut allanngortinneqassaaq: »atortussat inunnut kinguaassiuutitigut innarliinermut tunngassuteqartut«.</p> <p>11. § 85, <i>imm. 3-mi</i> »assinginik pornografiinik, filminik assigisaannilluunniit« imatut allanngortinneqassaaq: »atortussat inunnut kinguaassiuutitigut innarliinermut tunngassuteqartut, soorlu assit, filmiliat assigisaalluunniit«.</p>
<p>§ 93. Inunnik nioqquteqarnermut eqqartuunneqassaaq kinaluunniit inunnik katersisoq, angallassisoq, nuutsitsisoq, inisimatitsisoq imaluunniit kingusinnerusukkut tigusaqartoq, makkuninnga atuisoqarluni imaluunniit atuisoqarsimalluni</p> <p>1) § 91 naapertorlugu inatsisit unioqqutillugit pinngitsaaliineq, 2) § 92, oqaaseqatigiit siulliit naapertorlugit kiffaannngissusiiineq, 3) § 98 naapertorlugu siorasaarineq, 4) paasinerluinermik inatsisinut akerliusumik pilersitsineq,</p>	<p>12. § 93, <i>imm. 1-imi</i> aamma 2-mi, »pornografiimi« imatut allanngortinneqassaaq: »assit imaluunniit atortussat inunnut kinguaassiuutitigut innarliinermut tunngassuteqartut, soorlu« aamma »pornografiimi« imatut allanngortinneqassaaq: »kinguaassiuutitigut«.</p>

<p>sakkortusaaneq atornerluinerluunniit, imaluunniit</p> <p>5) allatut ittumik assuarnartumik periuseqarneq siunertaralugu pineqartumik atornerluinissaq kinguaassiuutitigut kanngunartuliornikkut, pinngitsaaliilluni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piaanikkut</p> <p><i>Imm.</i> 2. Taamatuttaaq pineqassaaq kinaluunniit kinguaassiuutitigut kanngunartuliortitsinikkut, pinngitsaaliilluni sulisitsinikkut, inussiaateqarnikkut imaluunniit pissutsitigut inussiaateqarnermut eqqaanartutigut imaluunniit timip atortuinik piaanikkut pineqartumik atornerluinissaq siunertaralugu</p> <p>1) inunnik 18-it inorlugit ukiulinnik katersisoq, angallassisoq, nuutsitsisoq, innisimatitsisoq imaluunniit kingusinnerusukkut tigusaqartoq, imaluunniit</p> <p>2) inuk pinerlineqartumut oqartussaasoq atornerluinissamut akuersisinniarlugu akiliuteqartoq allamilluunniit iluaqtissiisoq, aamma kinaluunniit taamatut akiliummik iluaqtissiisummilluunniit allamik pissarsiaqartoq.</p>	
	<p style="text-align: center;">§ 2</p>

	<p>Kalaallit Nunaanni eqqartuussisarnermik inatsimmi, tak. inatsimmut nalunaarut nr. 1186, 18. september 2023-meersoq, allanngortinneqartoq inatsisikkut nr. 1781, 28. december 2023-meersukkut, inatsimmi nr. 1782, 28. december 2023-meersumi § 2- kkut aamma inatsimmi nr. 1794, 28. december 2023- meersumi § 4-kkut, tulliuttut allanngortinneqassapput:</p>
<p>§ 333. Nakuusemermut imaluunniit taamaaliomissamik qunusaarinnermut tunngatillugu pinerluttulerinermi inatsimmi § 37-mik imaluunniit §§ 74-imik, 77-81-imik, 84, imm. 1-imik, tak. 12, 88-89, 90, imm. 3, 91-92, kiisalu 112-imik unioqqutitsineq pillugu suliaassani eqqartuussisut pinerlineqartumiit noqqaavigineqamikkut illersuisumik ivertitsisassapput taassumunnga tapersersuillunilu ilitsersuisuusussamik, ivertitsisoqassanngilarli inatsisunik unioqqutitsineq ilungersunartuunngippat imaluunniit illersuisumik ikiortissaqartitsinissaq pisariaqanngitsut isigineqartariaqarpat. Pinerlineqartoq 15-it inorlugit ukioqarpat illersuisussamik ivertitsivigineqarsinnaatitaavoq, suliaasaq pinerluttulerinermi</p>	<p>1. § 333, imm. 1-imi, oqaaseqatigiit 1.-mi, »§ 77-81,«-ip kingorna ilanngunneqassapput: »§§ 77-81 malillugit § 82 a«, aamma oqaaseqatigiit 2.-mi, »§§ 74 aamma 77-81« ima allanngortinneqassapput: »§§ 77-81 aamma § 84 a malillugit § 74, §§ 77-81, § 81 a«.</p>

<p>inatsimmi §§ 74-imut aamma 77-81-imut tunngasuuppat. <i>Imm. 2-7. ---</i></p>	
<p>§ 384. Politiinit qinnutigineqarnera malillugu tunngavilersugaasumik aalajangiinikkut, tigummigallaasinnaasunut, ammaasinnaasunut aamma tamakkua imarisaannik misissuisinnaasunut, allakkat (allakkanik ammaaneq) aamma nassiussat allat politiinut tunniunneqassasut, eqqartuussivimmit aalajangerneqarsinnaavoq 1-2) --- 3) ilungersunartumik inatsimmik unioqqutitsinermut imaluunniit pornonut meeqqanik inuttalersukkanut, paasiniaaneq tunngassuteqarpat, <i>Imm. 2-4. ---</i></p>	<p>2. § 384, imm. 1, nr. 3-mi, § 385, imm. 1, nr. 3-mi aamma § 386, nr. 3-mi »pornografi meeqqanut tunngasut«, imatut »inummi inuusuttuaqqamik kinguaassiuutinut tunngasunik siaruarterineq« allanngortinneqarpoq.</p>
<p>§ 385. Politiinit qinnutigineqarnera malillugu tunngavilersugaasumik aalajangiinikkut, politiit, piffissap sukumiinerusumik aalajangersagaasup iluani, oqarasuaatinut aamma oqarasuaatiniit pisunik, oqarasuaatinut, allanulluunniit oqarasuaatinut assingusunut attaveqaqatigiissutinut naalaarnissamut (oqarasuaatinut naalaarnissamut) periarfissinneqassasut eqqartuussivimmit aalajangerneqarsinnaavoq 1-2) ---</p>	

3) immikkut ilungersunartumik
inatsisinik unioqqutitsinermut,
eqqissinermik innarliinermut
imaluunniit pornonut meeqqanik
inuttaligaasunut paasiniaaneq
tunngassuteqarpat,

Imm. 2 ---

§ 386. Tunngavilersugaasumik
aalajangiinikkut, politiit, piffissap
sukumiinerusumik aalajangersagaasup
iluani, oqarasuaammut imaluunniit
attaveqaqatigiisummut atortumut
allamut aalajangersimasumut
attaveqaataanera imaluunniit
attaveqaataasimanera pillugit
paasissutissanik katersinissamut,
politiit periarfissineqassasut
eqqartuussivik aalajangiisinnaavoq

1-2) ---

3) immikkut ilungersunartumik
inatsisinik unioqqutitsinermut,
eqqissinermik innarliinermut
imaluunniit pornonut meeqqanik
inuttaligaasunut paasiniaaneq
tunngassuteqarpat.